



سيرة أئمة الغياور



حقوق الطبع محفوظة لدار ملتقى المعرفة للنشر والتوزيع

١٤٣٩ هـ - ٢٠١٨ م

رقم الإيداع القانوني: 2018/2047



حقوق الطبع محفوظة لدار ملتقى المعرفة للنشر والتوزيع وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.

المراجعة اللغوية والإخراج الفني: فريق العمل بدار ملتقى المعرفة للنشر والتوزيع

تصميم الغلاف: شركة أرابيسك (الحلول المتكاملة للتقنية والتصميم) arabisq1@gmail.com

القاهرة / مصر

جوال: 00201278821670

00201003528058

daralmoltaqa@gmail.com

رَبَابُ عَبْدِ الصَّمَدِ

سِرِّاتُ الْفَلَوْرِي

قلوب بين الحب، وفراق من تحب



إهداء

إلى روحك الطاهرة، وعبيرك أهدي إليك كلماتي.. أمي رحمها الله
إلى جذري الممتد في أعماق الأرض، وفرعي المرتفع إلى السماء.. أبي العزيز
لولا وجودك ما كانت حياتي بهذه السعادة والروعة.... زوجي الحبيب
محمد، روان، روزان زهور متفتحة في بستاني، وبلابل مغردة في كلماتي
أبنائي الأعزاء

مقدمة

من نور الحياة إلى نوره روحها
قد تسكن جوانح قلبي وأكثر من أكثر وأكثر
قد تجوب أروقة عقلي وأظفاري لا بل أكثر
أنت تحتل زكرياتي وكل عمري الآتي لا والله أكثر
أحبك بعدد مردون كلام العشق والأطر لا بل أحبك أكثر
أعشقتك بكل وجهاني وما نزل أهلي حبك وأقص وأطر
فأنا الصامتة الباكية التي أعيانها الجعنة عنك وأكثر
أنا الذي ولصغيه الله ملائمة أميته فلا أصلي وأشكر
فلاك هببي لهدي قلبي وعقلي وجهاني وأكثر
ولين كنت أنت أسمى نور حياتك فأنت حقاً نوره روحها

- كل منا خلفه قصة قد تكون حزينة أو كلها فرح أو قد تكون قصة غامضة تحتاج من يفسرها حتى نتعرف على صاحبها أو تكون قصة كلها رعب أو قد تكون مزيجًا بين كل ما سبق.
- وكما أن لكل منا لحياته قصة فكذلك لحياته صفة قد تكون حياة هادئة أو متوترة أو رتيبة أو روتينية وعلى كل منا التكيف على حياته أو التمرد عليها ولكن قد يكون التكيف أو التمرد إجباريًا تحتمه علينا الظروف فمننا من يجد نفسه يعيش حياة غير راضٍ عنها ولكنه مجبر عليها وهنا نقف على مفترق الطريق فإما أن نتكيف معها أو نتمرد عليها.
- وقصتنا تدور حول أطفال أجبرتهم الظروف أن يعيشوا في دار أيتام ويجب قبل أن ندخل في تفاصيل حياتهم علينا أن ننوه على أهم ما في الموضوع وهو:
- ليس من الضروري أن يكون كل طفل يعيش في دار أيتام مجهول الهوية أو طفل شوارع أو لقيط وإلى آخر الصفات التي تندرج على كل من يتربى في دار أيتام.
- لكن هناك ظروف أخرى قد تضطر أبًا أو عمًا أو أي ذي صفة أن يضع قريبه أو حتى ابنه في دار أيتام لأنه أأمن مكان لهذا الطفل.
- ويجب أن ننوه أنه ليس كل طفل يتيم فقير بل قد يكون أغنى من آخرين ولكنه يكون مفتقرًا لمسحة يد حانية على رأسه تزيل عنه وحشة الدنيا وتحسسه بالأمان فليس ذنبه أنه ولد يتيمًا أو حكمت عليه ظروف خارجة عن إرادته وإن أردنا أن نحقر من شأنه علينا أولًا الاعتراف بأننا لا نؤمن بالله ولا نؤمن بالأقدار التي خلقها الله وجعلها مكتوبة علينا وليس لنا حيلة فيها.

- كما أن هؤلاء الأطفال يحملون من الأحلام والأمانى كأى طفل مثلهم خارج أسوار الملجأ؛ لأنهم بكل بساطة بشر لهم قلوب تتمنى وعقول تحلم وإن كانت أحلامهم تتحقق بعد عناء وتحتاج لإرادة أقوى من إرادة أمثالهم من الأطفال فكون سور الملجأ الذي يحيطهم من الخارج أجبرهم على تحدي صعوبات أكبر من التي يقابلها من هم في نفس عمرهم خارج هذا السور.
- نعم فمجرد سور خارجي أحاط بهم وضع أمامهم كثيرًا من العقبات لتحقيق أمانيتهم، وبالرغم من كون هذا السور عائق لهم لتحقيق أهدافهم إلا أنه يخلق منهم شبابًا قوي الإرادة.

دار أيتام الملاك الصغير

أمام لافتة دار الأيتام، وقف رجل يحمل من الملامح الوقار والطيبة وييده طفلة صغيرة، وبعينيه حزن وقبل أن تترقق دموعه شد على يد الطفلة التي تبلغ من العمر ٦ سنوات وبحزن قال لها: معلش يا "نور" يا بنتي.

ثم تنهد تنهيدة بائسة، ودخل للدار.

مدام حكمت مديرة الدار: أهلاً وسهلاً يا افندم اتفضل.

- السلام عليكم يا مدام حكمت.

- ازيك يا حاج علي عامل إيه؟

- الحمد لله يا مدام بس قلبي تعبني علشان نور.

- ليه كده يا حاج علي.. نور ديه زي بنتي وفي عنيا.

- وأنا مطمئن عليها طول ما إنتي جنبها يا مدام حكمت.

- خلاص سافر إنت بالسلامة ومالكش دعوة.. أنا هاظمنك

عليها دايماً ولو فيه حاجة أنا هاأقولك.

- نور بنت أخويا أمانة عندك يا مدام حكمت، ولو جرافي حاجة

سلميها لولادي هما هيراعوها كويس، بس دلوقتي للأسف مينفعش

أربيها في وسطهم خصوصاً إنك عارفة سنهم حرج.

- ما تقلقش يا حاج سافر وإنت مطمئن.

- سبحانه الله زي ما يكون أخويا عادل كان عارف إنه هايحتاج للدار بتاعتك علشان كده دايمًا كان حابب إنه يتبرع لها زي ما يكون قلبه كان حاسس.

- الله يرحمه.. إنت كمان الله يكرمك بتساعدني.. ربنا يدريك طولة العمر.

- كله من فلوس أخويا الله يرحمه إللي كان سايبها لنور، وهو إللي كان موصي بكده علشان تبقى صدقة جارية على روحه.
سكت الحاج علي للحظات.

ثم قال في حزن: طبعا إنتي عارفة إن عمري ما أفرط في لحمي، بس أنا لازم أروح أتابع شركاتي إللي في إيطاليا لأنني قعدت هنا فترة بسبب مرض أخويا عادل، وكان المفروض آخذ نور بنته تعيش مع ولادي وزوجتي.

ثم أكمل في خجل: بس للأسف زوجتي عايزة هي كمان تيجي تعيش معايا في إيطاليا بدل ما أنا في بلد، وهما في بلد تانية، وهي خافت إنها تخلي نور تعيش معنا علشان ولادي داخلين على مراهقة، ومينفعش نور تعيش وسطهم.

ثم تحدث سريعًا وكأنه وجد لنفسه المبرر: وكمان أنا مش عايز أربيها في بلد أجنبية علشان ديه بنت، وأنا عايزها تتربى عالأخلاق كفاية هعاني مع أولادي من فرق التقاليد بين هنا وهناك، بس أرجع وأقول في الآخر دول صبيان مش هخاف عليهم زي نور.

نظرت مدام حكمت تجاه نور الواقفة أمام أقدام عمها، وقد أمسكت في يدها دومية كانت تداعبها بكل براءة دون أن تفهم ما يقال

حولها، ولا تعلم شيئاً عن ما يخبئه لها مصيرها المجهول حيث مدت مدام حكمت يدها برفق تجاه نور وقالت: تعالي يا نور في حضني، وهاتي بوسة جميلة من خدودك الحلوة ديه.

لم تجبها نور وتشبثت بأقدام عمها أكثر. شعر الحاج علي أن نور قد أمسكت بقلبه المجروح على تركه لها هكذا.

لاحظت الحاجة حكمت الدموع التي ظهرت في عينيه، فحاولت أن تخفف من حدة الموقف، وقامت ناحية نور ومدت لها يدها وقالت: تعالي يا نور يا حبيبي ده أنا عندي أطفال كتير أدك كده هيلعبوا معاكي.

شعرت نور بالقلق حيث قالت بخوف: أنا عايزة أروح عند عاصم وحسام.

حكمت مستفسرة: عاصم وحسام دول ولادك؟

- آه ولادي وهما يحبوها جدًا، وهيزعلوا أوي أول ما هيعرفوا إنني بعدتها عنهم خاصة عاصم.

- ما شاء الله هما عندهم كام سنة؟

- عاصم عنده ١٤ سنة وحسام ١٢ سنة.

حاولت مدام حكمت أن تسحب نور من أمام قدمي عمها، ولكنها لم تفلح فقد احتضنت قدميه وهي تصرخ بشدة.. لم يستطع عمها التماسك فبكى هو الآخر قبل أن تظهر المفاجأة، فقد سكتت نور فجأة عندما شاهدت دموع عمها، وبحركة طفولية صعدت على حجره ثم مسحت دموعه.

وهي تقول: إنت زعلان علشان أنا مش عايزة أروح لها، طيب خلاص أنا هاروح معاها وإنت متعيطش تاني.

بكت الحاجة حكمت هي الأخرى عندما اتجهت لها نور وأمسكت يدها ثم قالت: خلاص يا بابا متعيطش أنا أهه روحتلها. أرادت مدام حكمت أن تخلص الطفلة وعمها من صعوبة هذا الموقف، فصاحت على الدادة وقالت لها: خدي نور تلعب مع الأولاد.

خرجت نور مع الدادة وهي تراقب عمها هل كف عن البكاء أم ما زال يبكي؟

حكمت: خلاص يا حاج علي هي مشيت وكلها يومين وهتنسى. - قصدك كلها يومين وتكرهني ديه بتعتبرني أبوها، ومفيش حد يبسيب لحمه، بس حكم القوي على الضعيف منك لله يا خيرية ما كتتي سيبتيها تترى مع العيال.

وعندئذ فهمت مدام حكمت أن المشكلة ليست في أي شيء مما قاله، بل المشكلة تكمن في زوجته حيث قالت وهي تواسيه:

- قوم يا حاج علي ومتخفش عليها هي في أمان، وكل ما تنزل القاهرة تعالى واطمن عليها.

أوما الحاج علي برأسه قبل أن يمسح دموعه، ومشى ثم وقف من بعيد يتأمل نور التي تحتضن عروستها بعيدة عن الأطفال، وكأنها رافضة حياتها الجديدة لذا لم يستطع مقاومة دموعه وهو مستسلم للأمر الواقع.

بينما كانت تراقبها مدام حكمت من نافذة مكتبها بحزن تلك السيدة التي لم يسبق لها يوماً أن أنجبت ليطلقها زوجها كما يقطع الفلاح شجرة لا فائدة لها دون ثمار حيث أوحى الله لها بفكرة إنشاء هذه الدار ليعوضها عما فقدته من إحساس بالأمومة.

وصل الحاج علي لفيلته حزيناً وكأنه عائد من جنازة نور حيث أقبل عليه كل من عاصم وحسام.

عاصم بلهفة: فين نور يا بابا؟

لم يجب الأب وأكمل طريقه إلى المكتب هرباً من معاناة أولاده.. ولكنهما دخلا خلفه.

عاصم: لو سمحت يا بابا ممكن ترد عليا وديت نور فين؟!
- وديتها دار الأيتام علشان إنتو عارفين إننا خلاص مسافرين بكرة لإيطاليا.

حسام بعصبية طفل: يعني سمعت كلام ماما وبعدها عننا؟
قال عاصم قبل أن يهرول أخيه إلى غرفته باكياً: حضرتك وافقت ماما على كده ليه؟

ثم وقف أمام أبيه وكأنه يتحدها.

اندesh الأب وقال: مالك واقف كده ليه يا عاصم؟!

عاصم في ضيق: أنا عمري ما هاسامحك يا بابا، ومتقوليش ماما السبب؛ لأن حضرتك كان ممكن تصمم وتمشي رأيك.. لكن إنت من الأول مش بترفض لماما طلب يعني زعلان منك إنت أكثر من ماما.

خرج عاصم وترك أباه يحدث نفسه: إنك ضغطت على جرحي
أوي يا عاصم، واجهتني بنفسك إلهي مش قادر أواجهها، أنا فعلاً إلهي
دلعت أمك وعودتها إني مرفضهاش طلب وادي النتيجة.

قرر كل من عاصم وحسام اللجوء لأمهاتهما رما رق قلبها.

عاصم: علشان خاطري يا ماما خلي نور ترجع تعيش معانا، أنا
مش هأقدر أسافر وأسيبها هنا لوحدها.

خيرية وهي تقف أمام المرأة تصفف شعرها: علشان خاطرك
إنك بالذات نور ديه مش لازم ترجع تعيش معانا.

- طيب قوليلي إيه السبب؟ حرام يا ماما نسيبها تعيش لوحدها
هنا ومفيش حد معاها.

- إنك مش بتفهم بأقولك علشانك إنك بالذات نور مش لازم
ترجع.

صاح حسام في وجه أمه: إنتي ليه بتكرهياها؟ علشان بنحبها أكثر
ما بنحب سارة وياسمين ولاد خالتو عفاف؟

خيرية: ليه يا حسام يا حبيبي؟ ده إنتو حتى هتتجوزوهم لما
تكبروا.

أشاح لها حسام بوجهه، وخرج ومن خلفه عاصم بعد أن فقد
الأمل بإقناعها بعودة نور حيث دخل على أثرهما الأب، ونظر لزوجته
وكأنه يشم رائحة نتنة ثم قال: شايقة آخرتها، أهو ابنك بيعتبرني ضعيف
الشخصية قدامك.

خيرية: أكيد ده عاصم.. صح؟

- أيوه يا هانم.. علشان طالع عاقل ومخه كبير.

- مهو علشان عاصم بالذات أنا مش عايزة نور.

- ليه إن شاء الله؟!!

- بص يا علي واسمعي كويس.. صدقني أنا مش بكره نور زي

ما إنت فاهم، بالعكس ديه طفلة ومعملتش أي حاجة وحشة.. بس إنت شايف ولادك بدأوا في سن مراهقة وعاصم أنا متأكدة إنه بيعحبها.

- وفيها إيه لو بيعحبها مش بنت عمه؟ ولا إنت عايزاه يكرهها؟

- بس ده معناه إنه بيبص ليها بنظرة تانية غير إنها أخته، وده ممكن

يدخلنا بمشاكل خاصة إن نور طالعة لأمها الله يرحمها بيضا، وشعرها أصفر، وعينها عسلي، وجسمها من الواضح إنه هيكون أكبر من سنها، ومش هينفع أحط النار جنب البنزين، ده من ناحية، ومن ناحية تانية....

قاطعها الزوج: من ناحية تانية مش عايزة تتحملي مسؤولية تربية

من جديد لكن عايزة تتحرري، وتحتكي بزوجات رجال الأعمال، ومن ناحية تالثة عايزة ولادك يتجوزوا بنات أختك مش بنت عمهم صح؟

- وماله إذا كان رأيي كده.. برده مش شايقة إنه غلط.

تركها الزوج وتنهذ بحزن وقال: يا رب يا نور تحبي مدام حكمت

وتقدر تعوضك الحنان إللي اتحرمتي منه بدري.

وأمام الغرفة وجد عاصم ينتظره حيث قال: طيب ممكن طلب

أخير يا بابا؟

- اتفضل يا حبيبي.

- ممكن توديني أروح أسلم عليها وأودعها أنا وحسام؟

نظر الأب بغل ناحية باب غرفة الزوجة قبل أن يبتسم في وجه عاصم ويقول: حاضر.. حاضر يا حبيبي.. بس تشوفوها من غير ما تشوفكوا علشان ما تتشبث بيكو.. فهّم أخوك كده كويس.

- حاضر يا بابا بعد إذذك أنا هاطلع أقوله إنك وافقت على إننا نشوف نور.

نور تلك الطفلة التي لم تجد أحداً تحتضنه سوى عروستها، تلك التي تستمد منها القوة والحنان في ذلك العالم الغريب، بين أشخاص لا تعرفهم، وفي مكان لا تجد فيه رائحة أبيها أو عمها أو أولاد عمها، لذا قررت ألا تندمج مع أي طفل، علاوة على أنها لا تأكل بشكل منتظم على الرغم من محاولات الدادة ومدام حكمت.

وفي ساعة وجدت طفلاً يقترب منها ممسكاً بشطيرة، وبعد أن أهدها ابتسامة صافية مد لها يده قائلاً: مش عايزة تاكلي من دادة ولا من ماما حكمت.. طيب ممكن تاكلي مني السندوتش ده؟

نظرت له نور دون أن تتكلم، ولكنها وجدت فيه حنان عاصم حيث تبسمت له ببراءة وسألته: إنت اسمك عاصم؟

- لا أنا اسمي آدم بس إنتي ليه افتكرتي إن اسمي عاصم؟!
- علشان إنت شكل عاصم.

في نفس اللحظات كان عاصم وحسام والحاج علي يمسون بسور الدار من الخارج وهم ينظرون لها دون أن تراهم، وعندما شاهد عاصم ذلك الطفل يقترب منها إذ دبت في قلبه الغيرة قبل أن تخدم مرة ثانية، فقد استمع لحديث آدم مع نور، وعلم أنها لم تتحدث إليه إلا لأنه شبيه له، فلم يستطع الوقوف بعيداً عنها أكثر من ذلك، فلغى أي

اتفاق مع والده، وهروا ودخل الدار سريعاً، ومن خلفه حسام بنفس اللهفة.

تسمر الأب مندهشاً، وهو يتابع بقلق تصرفات حسام وعاصم الذي أمسك به رجل الأمن ونهره، فصاح حسام لعله يتركهما لرؤية ابنة عمهم.

خرجت مدام حكمت لتستكشف هذا الأمر بعد اتصال الحاج علي بها لتهدئة هذا الوضع.

مدام حكمت: سييهم يا عم أحمد خليهم يدخلوا يشوفوا بنت عمهم.

جری عاصم وحسام تجاه نور حيث صاح حسام على آدم، وقال: إنت مالك ومالها؟!!

قال آدم: أنا معمלתهاش حاجة.. أنا كنت عايزها تاكل.. علشان هي مش عايزة تاكل خالص.

جری عاصم على نور التي كانت لا تقل عنه سعادة، ثم احتضنها بلهفة وقد زادت لهفته عندما قالت له: إنت واحشني أوي يا عاصم.

بكي عاصم وهو يربت بيده على ظهرها ثم تماسك مرة أخرى وقال بلسان رجل ناضج: إنتي مش عايزة تاكلي ليه يا نور؟

لم تهتم نور لما قاله ولكنها سألت: إنت جاي تأخذني معاك يا عاصم؟

لم يستطع عاصم الرد، ولكن أنجاه من تلك الحيرة أخوه حسام الذي عاد بعد أن اشترى لها بعضاً من العصائر ومد بها يده تجاه نور.

وقال: خدي يا نور.. أنا عارف إنك بتحبي عصير الأناناس أوي.
مدت نور يدها وهي تقول: أنا هايجي معاكو.. مش هاقعد هنا
لوخدي تاني.

نظر حسام لعاصم وكأنه أراد منه المساعدة.

عاصم بهدوء: بصي يا نور إحنا هانمشي دلوقتي، وهنرجعلك
تاني بس أهم حاجة أنا عايزك تاكلي كويس علشان مش أزعل منك.
اقترب حسام هو الآخر منها وقال: هتوحشنا أوي يا نور.

وقفت نور بينهما حائرة تريد أن تعرف معنى لكلامهما، ثم
لماذا هي هنا؟ ولم لا تذهب معهما إلى الفيلا؟ في حين كان آدم يقف
بالقرب منهم يتابع ذلك الحديث، ولا تزال بيده تلك الشطيرة التي أراد
أن يهديها لنور من قبل حيث اقترب عاصم من آدم وأخذ منه الشطيرة
وأهداها لنور التي أخذتها منه بكل سهولة قبل أن يعود عاصم لآدم مرة
أخرى، وقد أمسك بيده وقربه من نور ثم سأله: إنت اسمك إيه؟ وعندك
كام سنة؟

رد آدم: اسمي آدم.. وعندني ١٤ سنة.

- طيب ممكن تعاهدني وتوعدني بشيء مهم يا آدم؟

- ماشي.. أنا تحت أمرك.

وعندئذ طلب عاصم من آدم أن يحرص على نور كل الحرص
حيث قد أخبره عن ظروفه وظروفها، وعن رغبته أيضًا من الزواج منها
عند الكبر علاوة على وصيته في أن يضع يده على خدها من حين لآخر
ليراقب ارتفاع حرارتها التي عادة ما تلتزمها دون أن تشكو هي من ذلك.

ليجيبه آدم بكل شفقة: حاضر.. حاضر أوعذك إنني هاخلي بالي منها.

بينما تقف نور بينهما لا تعلم أي شيء سوى أنها سعيدة بوجودها بينهم حيث اقترح حسام بأن يلتقطوا هم الثلاثة صورة سيلفي، وبالفعل تم التقاط الصورة للأربعة بعدما همست نور لعاصم قائلة: خلي آدم ييجي يتصور معانا.

خرجت مدام حكمت للحاج علي خارج الدار يتأملان سوياً ارتباط هؤلاء ببعضهم، لتقول

مدام حكمت بدهشة: سبحان الله! ولادك بيعبوها جداً يا حاج علي.. كمان نور ما ابتسمتش إلا لما هما جم.

- صدقيني أنا كمان عمري ما كنت أتخيل إنهم مرتبطين ببعض كده.. بس الظاهر إن هما أحن عليها مني.

- متقولش كده يا حاج علي.. ده مفيش من طيبة قلبك وحنيتك.. لكن هي بقى الظروف. عاد الحاج علي مستفسراً: هو الولد إللي بينادوه بآدم ده حكايته إيه؟

- آدم؟.. آدم ده حاله زي معظم نزلء الدار.. هو كمان والده ووالدته متوفين، وإللى جابه هنا هو اللواء محمود، وده كان صاحب والده إللي وصاه على ابنه، وكمان هو ساب له ثروة كويسة، واللواء محمود ييجي كل شهر يظمن على آدم، ويسيب له مبلغ بيتحط فى الأمانات كمصروف شهري ليه. كمان بيعامله زي ابنه، ومتفق معاياه إنه أول ما آدم يخلص المرحلة الثانوية هيدخله شرطة كرد جميل لصاحب عمره إللي هو والد آدم.

- فعلاً مش كل إللي في الملاجئ ولاد شوانع.

- أكيد بس برده الناس مش قادرة تغير تفكيرها عن طبيعة أطفال الملاجئ يعني على سبيل المثال أنا هنا عندي طفلة أكبر من نور بحاجة بسيطة وأمها هي اللي جايها هنا.

الحاج علي بدهشة: بتقولي أمها هي إللي جابتها لهننا ازاي يعني؟ وازاي قدرت تفرط في ضناها كده؟

ابتسمت مدام حكمت وردت: إنت كمان حكمت عليها من غير ما تسمع مبرراتها، وإحنا لسه بتتكلم على آراء الناس في أطفال الملاجئ، وإنهم بيظلموهم زي ما في حد ثاني لو عرف إن نور لها عم مبسوط مادياً، وعنده ولاد بيحبوها هيقولوا ازاي ساب لحمه؟

احمر وجه الحاج علي من الخجل بينما تجاهلت مدام حكمت ذلك وسردت حكاية فريدة التي تزوج أبوها الصعيدي من أمها على غير رضا أهله الذين قاطعهم والد فريدة وصمم على الزواج من أم فريدة، ولكنه توفي تاركاً زوجته وابنته دون سند، لذا اضطرت الأم على تركها هنا بعد توصيتها بأن تذهب فريدة لأهل أبيها عندما تكمل ٢١ عامًا من أجل استلام إرثها، وبعد أسبوع من مجيء فريدة للدار ماتت الأم، وكأنها كانت تعلم باقتراب أجلها.

الحاج علي متأثراً: الله يرحمها.

- أنا عندي أمثلة هنا كتير أوي غير فريدة حكمت عليهم الظروف إنهم يتربوا في دار أيتام وأهلهم موجودين.

- فعلاً إللي يشوف بلوة غيره تهون عليه بلوته.

- أنا هادخل بقى.. كمان أنا شايفة ولادك أهم خارجين.

- مع السلامة يا مدام حكمت ومش هوصيكي على نور.

في اليوم التالي وصل الحاج علي وأسرته إلى إيطاليا، وبدأ كل واحد بترتيب أغراضه في حجراته في حين قال الزوج لزوجته: يا ترى نور عاملة إيه دلوقتي؟

ردّت خيرية بشيء من الدلال: لازم نبص لمصلحتنا شوية يا علي.. وما تنساش إننا لازم نستقر فترة طويلة هنا علشان نعرف ناخذ الجنسية إللي هاتخدمنا في إننا نكبر شركاتنا.

انسحب الزوج من الحوار سريعًا، فما الفائدة من أي حوار الآن؟ ثم شرد بنظره خارج النافذة وكأنه يرى نورًا وهي تجلس بجوار آدم الذي اعتاد أن يهدي لها شطيرة كل يوم، كما اعتاد أن يصفف لها شعرها الناعم الطويل كما كان يفعل عاصم من قبل، بينما كانت تراقب مدام حكمت ذلك من بعيد وتبتسم ابتسامة حائرة بين الشفقة وسعادتها بتغير أحوال نور الذي قادها آدم بالعرف على فريدة وليلى أيضًا تلك الطفلة التي تبلغ من العمر ١٠ سنوات، والتي جاءت هنا بعد رفض أخوالها استلامها بعد موت أبيها، وإلقاء أمها بين جدران السجن.

ولكن من ذا الذي سيخبر عاصم أنها بخير الآن بين أخواتها الجدد؟ لا أحد؛ لذا وجد نفسه متجهًا لغرفة مكتب أبيه ثم طرق على الباب.

الحاج علي: ادخل.

دخل عاصم على والده، وكأنه نسي لسانه بالخارج، شعر الأب بتوتره وقال: ما تقلقش هي كويسة.

- بجديا بابا هي كويسة.

ضحك الحاج "علي" على تلقائية ابنه وقال له: طيب إنت
عرفت الأول أنا بقول كويسة على مين؟
احمر وجه عاصم وقال: ما أنا عارف إن حضرتك بتتكلم على
نور.

الحاج علي وهو يتسم بخبث: وإيه إلهي مخليك متأكد إني
بتكلم عن نور؟

تحشرج صوت عاصم مرة أخرى، قبل أن ينجيه حسام الذي
طرق الباب هو «الأخر» بحجة أنه جاء يبحث عن عاصم للعب معه.
وعندئذ أغلق الحاج علي باب الغرفة، وأخذ يحدث أولاده في
موضوع هام حيث قال: إنتو عارفين يا ولاد إن عمكو عادل كان شريك
في الشغل، وإن بنته نور لها ورث عند أبوها وأنا الوصي عليها.. عايز
أقولكو إني دخلت فلوسها مع شركاتنا بهدف زيادتها طبعًا.. تمام كده؟
عاصم: تمام يا بابا.

الحاج علي: فياريت ما تقولوش لأمكو على الموضوع ده،
ولو حصلي حاجة، أو عوا تسمعوا كلام أمكو لو وزتكوا على أكل مال
اليتيم.. توعدوني بكده؟

عاصم وحسام: نوعدك يا بابا.

وقبل أن يتركا الغرفة أخبرهما الأب أن هناك شيئًا ما لا بد أن
يفرحهما حيث فتح الحاج علي اللاب توب الخاص به، ليشاهد
بعضًا من الصور والفيديوهات لنور وأخواتها الجدد، وعلى الرغم
من فرحتهما بذلك إلا أن ابتسامتهما بدأت تتلاشى عندما وجداها في
جميع الصور ممسكة بيد آدم.

تضحج الحاج علي عندما شعر بالغيرة ترتسم على وجهه عاصم حيث قال: واضح أوي إن نور مش عايزة تسبب آدم علشان هي شايفاه زي عاصم.

ترك عاصم غرفة المكتب دون أن ينطق بأي كلمة وكذلك فعل أخوه حسام الذي شب في قلبه الغيرة أيضًا من آدم الذي يحادث نور الآن وهما يجلسان مع الأطفال حول مائدة الإفطار وهو يمد يده بالطعام تجاه فمها قائلًا: لازم تفطري كويس.. المستر قالنا إن وجبة الفطار ديه أهم وجبة في اليوم.

- هو إنت في مدرسة؟

- آه، أنا في الإعدادية، وعلى فكرة فريدة وليلى هما كمان في المدرسة، في سنة خمسة ابتدائي.

- طيب أنا عايزة أروح معاك المدرسة.

- ما هو قريب أوي ماما حكمت هاتقدملك بالمدرسة.

- يعني هاكون معاك؟

- لا يا حبيبتى إنتي لسه صغيرة على الإعدادية.

- لا، أنا عايزة أكون معاك.

ضحكت كل من فريدة وليلى حيث قالت فريدة: يا ستي بكرة تكبري وتروحي معاه.

بعد تناول وجبة الفطار خرج الأطفال للحديقة، ثم اشترى آدم نور شيكولاتة إضافة إلى علبة ألوان وكراسة.

نور: شكرًا يا آدم.. بس إنت جبت الفلوس منين؟

- عمي محمود بيسيب لي مصروفى.. وأنا لما باحتاج حاجة
باجبها.

- طيب أنا كمان عايزة يكون معايا مصروف زي ما بابا كان
بيديني.

- إللي إنتي عايزاه بقى اطلبليه مني وأنا أجييهولك.

- حاضر.

قابلتهم مدام حكمت بصحبة فريدة وليلى، وبعد أن تبستت في
وجه نور قالت: الله يا نور مين إللي جاب لك الشيكولاتة ديه؟ وإيه
الألوان الجميلة ديه؟

- آدم جابهمولي علشان أرسوم.

اتجهت مدام حكمت لآدم وقالت: آدم يا حبيبي إنت جبتهم
برده من مصروفك؟
- أيوه.

- برافو عليك يا آدم.. بس يا حبيبي أنا عايزة أقولك إن نور كمان
ليها مصروف بس مش هينفع اديهولها علشان هى هتضيعه، لكن إللي
هى عايزاه أنا هاجيبهولها وبلاش إنت تصرف مصروفك عليها.

- مفيش مشكلة يا ماما حكمت أنا مبسوط أصلاً إنني جبتلها
الحاجات ديه.

- طول عمرك راجل يا آدم.

استأذنت مدام حكمت منهم بعد أن مررت يدها على شعر
نور وهي تقول: استعدي يا نور.. فيه ناس كتير جاية تلعب معاكو،
ويعلموكوا الرسم والموسيقى وحاجات تانية كتير.

شعرت كل من فريدة وليلى بالضييق على وجه آدم لذا سألت فريدة: مالك يا آدم؟ ليه دايمًا مش سعيد بحفلات زوار الدار؟
رد آدم: بصوا أنا عايزكوا تلعبوا وتتعلموا كل إللي هيعملوه، لكن من بعيد، لأن فيه منهم كتير معاهم كاميرات تليفزيون علشان يصورونا ويذيعوها ويتفشخروا إنهم بيعملوا خير، في الوقت إللي أنا مش بحب إننا نظهر على إننا ناس يتيمة وضعيفة ومحتاجة شفقة.

ليلى: وأنا كمان موافقة على كده وهاكون معاك وألعب من بعيد.
فريدة: خلاص وأنا كمان معاكو.

بعد حوالي ثلاث ساعات حضر المتطوعون، وبدأوا يلعبون مع الأطفال ويوزعون عليهم الهدايا والملابس بينما ابتعد الأربعة عند تقديم المساعدات.

مرت سنة تلو الأخرى كان فيها آدم كظل لنور التي زاد ارتباطها بليلى وفريدة أيضًا إلا أن ارتباطها بآدم يهون أمامه أي شيء، فقد أصبح لها الحياة ذاتها التي كانت فارغة يوم رحل من أمامها حسام وعاصم اللذان يجلسان الآن بجوار أبيهما، فقد وعدتهم مدام حكمت بتصوير فيديو خاص بنور وهي تلعب بالحديقة.

وبالفعل فتحت مدام حكمت الكاميرا وبدأت في بث فيديو مباشر لنور، وقد كان المشهد لنور وهي تتأرجح على الأرجوحة وآدم من خلفها، وفجأة سقطت توكة شعرها، فأوقفها آدم، وصفح لها شعرها الناعم، بينما الحاج علي يتابع تصرفات آدم بسعادة إلا أنه كان مشفقًا على ابنه عاصم الذي بدا وجهه مثل كتلة من الجمر.

مدام حكمت بصوت مسموع: نور.. نور.. تعالي كلمي عمو علي.

هرولت نور إليها وهي لا زالت ممسكة بيد آدم وبصوت طفولي قالت: آلو، ازيك يا عمو، إنت مش بتيجي ليه علشان تلعب معايا أنا و آدم؟

- أنا هاجي يا حبيبي، بس أنا عايز أقولك إنك وحشتيني أوي.
- طيب فين عاصم؟

اقرب عاصم من الكاميرا سريعاً لكي تبادره نور.

- أنا زعلانة منك علشان إنت سييتني.

- معلش يا نور أنا هاجيلك قريب، بس عايزك تخلي بالك من نفسك.

- متخافش، آدم بيخلي باله مني ويلاعب معايا.

أخذ حسام دوره أمام الكاميرا وأشار لنور وقال: ازيك يا نور، اوعي تكوني نسيتيني.

- لا، أنا فاكراك، ومش نسيتك.

- طيب.

قاطع عاصم وقرب الكاميرا منه، وقال لنور: ممكن أكلم آدم؟

تفاجأ الأب من طلب ابنه، وانتظر ماذا سيقول له عاصم؟

آدم: أهلاً، ازيك يا عاصم.

- خلي بالك من نور يا آدم، وكل شوية جس جسمها علشان

بتسخن ومش بتعرف تقول، وما تنساش إنني قولتلك إنني هاتجوزها لما أكبر.

ثم انتهت المكالمة وترك عاصم أباه يحادث نفسه: للدرجة ديه بتحبها يا عاصم، بس الظاهر إن حبك ده مش حب مرافقة ولا حاجة ده حب حقيقي، لأنك أصلاً سابق سنك بكتير، وهي كمان إللي يشوفها لازم يديها أكثر من ٨ سنين.

- ألو، أيوه يا سيادة اللواء، أنا حكمت مديرة الدار، وكنت حابة أتكلم مع حضرتك شوية.

- تحت أمرك يا مدام حكمت، أنا هكون عند حضرتك كمان ساعة، أو كيه.

- تمام فى انتظارك.

لم يمر الكثير حتى جاء سيادة اللواء الذي استقبلته مدام حكمت بترحابها المعتاد حيث قالت: أهلا بسيادة اللواء، معلش إحنا دايمًا معطينك عن شغلك.

- متقوليش كده يا مدام حكمت، آدم ده أكثر من ابني، وكفاية إنه ابن صديق عمري وأخويا.

- وهو كمان بيعحبك جدًا.

- وازي هنا بنت حضرتك؟

- الحمد لله، تمام.

- طيب أنا هادخل في الموضوع على طول.

دلوقتي آدم في تانية ثانوي وكلها سنة ويخرج للمجتمع الخارجي بعيدًا عن الدار، وأنا كنت طالبة من حضرتك إنك تأخذه خميس وجمعة، يتعود على الناس علشان ما يتكسشي أول ما يصطدم بالواقع بره.

- وأنا موافقك جدًا على الاقتراح ده، وممكن ننفذه من النهارده
بما إن النهارده الخميس.

صاحت مدام حكمت على إحدى المربيات، ثم أمرتها بحضور
آدم الذي بدا على وجهه القلق، وهو يسلم على سيادة اللواء ويحتضنه
باشتياق.

اللواء محمود: ازيك يا آدم، واحشني.

- وحضرتك أكثر يا عمي.

- ما شاء الله يا آدم إنت بقيت أطول مني.

اكتفى آدم بابتسامة.. ليعود سيادة اللواء: اوعى تزعل مني يا آدم
علشان مش باجي أزورك كثير.. بس إنت عارف أكيد طبيعة شغلي وأنا
مش ببقى فاضي.

- لا يا عمي أنا عمري ما ازعل منك أبدًا؛ لأنك أصلًا عمرك ما
قصرت معايا.

ربت اللواء محمود على كتف آدم وقال: طول عمر ردك محترم
زي أبوك الله يرحمه، وعمومًا يا سيدي بكرة لما تدخل كلية الشرطة
وتبقى ظابط أد الدنيا هتقدر غيايبي وانشغالي عنك.

- في حياتك إن شاء الله يا عمي.

- طيب ممكن بقى يا سي آدم تروح تغير هدومك، علشان إنت
هتيجي معايا تقضي الأجازة، ونخرج ونقضي وقت كويس مع هنا بتتي
و...

قاطع آدم سريعًا: أنا آسف يا عمي أنا مش هقدر أجي مع
حضرتك الأسبوع ده.

تعجب اللواء محمود من سرعته بالرد، وقبل أن يسأله عن سبب رفضه، بادرت به مدام حكمت مستفسرة: ليه كده يا آدم؟ ديه فرصة هائلة.
- أنا آسف ياماما حكمت.. أنا آسف يا عمي.. مش هقدر أمشي مع حضرتك وأسيب نور وهي تعبانة كده.

هرولت مدام حكمت سريعًا للاطمئنان على نور بعد أن أجابت عن تلك التساؤلات التي بدت على وجه اللواء محمود؛ حيث أوضحت له أن هناك طفلة صغيرة تدعى نور والجميع بالدار يحبها، ويبدو أنها مصابة بالسخونة كعادتها، وحتماً هذا سبب رفضه.

تبسم اللواء محمود في وجه آدم وقال: خلاص يا سي آدم طالما ليك عذرک، فأنا قابل اعتذارک، بس اعمل حسابک إنک الأسبوع اللي جاي هتيجي معايا علشان هتقضي مع هنا أسبوع في مارينا تمام؟

- حاضر يا عمي هكون جاهز الأسبوع الجاي.
- طيب ممكن بقى يا حضرة الظابط آدم توريني نور ديه.
- طبعًا اتفضل حضرتك معايا، وأنا هخليك تشوفها.

دخل اللواء محمود وآدم لحجرة البنات، ليجد ملاكًا يرقد في فراشه ومن حولها مدام حكمت إضافة إلى ليلي وفريدة التي كانت تجهز لها الكمادات حيث تعجب اللواء محمود من جمالها الذي بدا في وجهها الفاتن، وذلك الشعر المفرد، والمبلل بقطرات عرقها ثم نظر لآدم قائلاً: بس واضح إن مش إنت بس إليلي خايف عليها يا سي آدم فيه اتنين تانيين هنا زيک خايفين عليها.

مدام حكمت: في الحقيقة هما الأربعة مش بيسيبيوا بعض خالص.

اللواء محمود: على فكرة أنا اتبسّطت جدًّا من خوفهم على بعض كده، وواضح كمان إنك بذلتي مجهود في إنك زرعتي الحب والود بين الأطفال بالطريقة ديه.

مدام حكمت: الحب ربنا إللي بيزرعه في القلوب يا سيادة اللواء.

اللواء محمود: ونعم بالله يا مدام حكمت.

خرج اللواء محمود بصحبة مدام حكمت من غرفة نور تاركين معها آدم وليلي وفريده في وقت قد شعر فيه اللواء محمود بالفضول حول معرفة قصة الطفلة نور تلك القصة التي سردتها له مدام حكمت التي بعد أن انتهت منها سألتها اللواء محمود: ازاي حضرتك بتقولي عندها عيلة أمال فين هما؟ وازاي يسيبها في ملجأ أيتام؟

ابتسمت مدام حكمت وقالت له: أنا هارد عليك بنفس الرد إللي رديته على عم نور يوم ما جه وجابها هنا، وسألني نفس سؤالك ده.

ثم أكملت: مش لازم كل طفل في ملجأ أيتام يكون لقيط أو ابن شوارع، أو أخلاقه حادة.. أبدًا.. فيه أطفال ممكن يكون ليهم عيلة، وكمان من أغنياء البلد، لكن الظروف هي إللي أجبرتهم يكونوا بين الأسوار ديه.

لحظات من الشرود عاشها اللواء محمود قبل أن يهز رأسه قائلاً: تشبيهك ده فكرني بالناس إللي في السجون، فيه كتير منهم بريء، لكن ظروفهم إللي وصلتهم لكده على الرغم من إنهم أحسن من ناس كتير جدًّا خارج الأسوار.

- صدقت يا سيادة اللواء، لكن زي ما يكون كثير من الناس نسيت إن سيدنا محمد كان يتيم، لكنه أفضل مخلوق في تاريخ البشرية.

استمتع اللواء محمود بحديث مدام حكمت كثيرًا، وصوتها المتدين الهادئ الذي يختلف كثيرًا عن صوت البومة خيرية، وهي تنعق: يعنى إيه يا علي عايز عاصم ينزل معاك الشغل؟ ده لسه صغير.

- لأ مش صغير.. أنا كنت أصغر منه، وكنت باشتغل واتمر مط.

- وهو علشان إنت اتبهذلت عايز تبهدل ابني كمان.

- مفيش حد بيعحب يبهدل ابنه، إنما كل أب بيعحب يشوف ابنه

أحسن منه.

- وإنت بقى لما تشغله في سنة ده وهو صغير كده ومتخليهوش

يعيش حياته يبقى إنت كده هتخليه أحسن منك؟!

- ومين قالك إنني مش هاخليه يعيش حياته؟ أنا بس هاخده

معايًا فترة الأجازة بالنهار وبالليل وقته معاه يروح مطرح ما هو عايز.

- بس إنت عارف إنه بيتدرب على التنس وعليه بطولة إيطاليا

أول الشهر.

- وإيه المشكلة ما يدخل البطولة ولا الشغل يعني هيمنعه؟

- ما هو لو اشتغل مش هيعرف يحضر التدريبات بتاعته.

- إنتي مش شايفة إنك عايزة تحطي أي عراقيل والسلام.. ما

ياما ناس بتشتغل وكمان بتدرب ويتاخذ بطولات ولا أي حد بيشتغل

بيبقى محرم عليه إنه يلعب رياضة؟

- لآ، بس لما بيروح الصبح أخوه بيروح معاه، وسارة وياسمين
كمان بيروحوا معاه.

- آه قولي بقى كده يعني الموضوع مش موضوع الشغل
ولا موضوع أخوه إللي بيروح معاه، الموضوع الأهم هما بنات أختك.
سكت الحاج علي ليتنهد تنهيدة تحمل كل الضيق وبعدها
قال: أنا عايز أفهمك حاجة إنتي مش واخدة بالك منها، إنتي
بأسلوبك ده بتبعديهم عن بعض مش بتقربيهم عارفة ليه يا هانم؟
علشان إنتي بتجبريهم على حاجة هما مش عايزينها وبترخصي كمان
بنات أختك.

خيرية بصوت مرتفع: يعنى إيه بقى برخص بنات أختي هما
ولادك يطولوا أصلاً.

- بالذمة فيه واحدة تقول كده على ولادها! ده أنا بشوف كل
الأمهات بتحس إن أي واحدة مهما كان شأنها ومركزها قليلة على
ابنها؛ لأنها بتبقى شايفاه حاجة كبيرة ويستاهل الأحسن وإنتي بتقولي
العكس.

ثم أكمل قائلاً: عموماً ريحي نفسك، ولادك دول تربية إيدي
وطالعين رجاله أوي، وبنات أختك مش من النوع إللي يستهويه
علشان هما متحررين زيادة عن اللزوم.

- وبت أخوك طبعًا هي إللي تستاهلهم صح؟

- وهي فين بنت أخويا ما إنتي بعدتها عنهم، ويا ريت ما
تتكلميش في الموضوع ده تاني علشان خلاص الموضوع منتهي،
وعاصم هيجي معايا الشغل ومن السنة الجاية هاخذ حسام كمان.

تركها الحاج علي، وهي تدور في الغرفة بضيق مثل دبور سائر
في عش الدبابير ذلك الاسم الذي عندما سمعته نور في يوم ضحكت
كثيراً مع فريدة قبل أن تنادي على آدم قائلة: آدم.. الحق ليلى.. بتحكلنا
رواية رومانسية اسمها عش الدبابير.

لم يضحك آدم! لتعود نور قائلة: مالك يا آدم.. أول مرة
ما تقعدش معنا في الجينة زي عادتك.. إيه إلهي حصل؟

اقتربت فريدة وليلى من آدم الذي نطق بصوت هادئ: بصبي
يا نور أنا النهارده مسافر مع عمي، وعائزك تخلي بالك من نفسك
وما تبعديش عن فريدة وليلى خالص مفهوم؟

تسارعت دقات قلب نور وعلت، وكأن خلف ضلوعها تدق أياد
كثيرة ثم قالت في حزن: طيب افرض إني تعبت في غيابك؟
ردت فريدة: ما هو إحنا أهو معاك يا ستي.

وضعت نور أصابعها فوق عينها وبكت وهي تقول: بس عاصم
وآدم إلهي كانوا بيعرفوا إني تعبانة.. وأهو عاصم سابني.. زي ما آدم
برده هايسبني.

ربت آدم برفق على كتفها وقال: لا يا نور، أنا مش هسيبك أنا
هرجع على طول متخافيش.

- يعني بجدهترجع تاني؟

- لازم هرجعلك يا نور، وبعدين أنا نسيت أقولك على اسمك
الجديد.

- هو أنا ليه اسم تاني؟!

- آه.. اسمك.. نور حياتي.
- اسمي نور حياتك.
- أيوه علشان إنتي أختي الصغيرة وبحبك أوي.
- طيب أنا هافكر في اسم تاني ليك، وأول ما ترجع أنا هقولهولك.
- ماشي يا ستي وديه هدية مني ليكي.
- إيه ديه؟
- ديه قصة حلوة اقربها وعايز أول ما أرجع تحكيها لي ماشي؟
- حاضر أنا محفظها كلها.

قالتها نور وهي تعض الغلاف بأسنانها حيث ضحكت كل من ليلي وفريدة الذي أوصى آدم كل منهما على صحة نور، كذلك مدام حكمت التي طمأنته أيضًا على ذلك، ولكنه لم يطمئن، فقد تسلسل القلق إلى قلبه منذ أول ساعات له بمارينا قضاها دون أن يشعر بالزمان أو المكان، فاقداً لبعض من حواسه حتى أنه لم يستمع إلى كلمات اللواء محمود حتى كررها مرتين.

اللواء محمود: مالك يا آدم؟ باقولك إيه رأيك في الجو؟
 تنبه آدم ورد سريعاً: ها.. المنظر أكثر من رائع يا عمي.
 طيب.. أنا عايزك تنزل أنت وهنا المية، وخذ بالك منها.. ماشي؟
 حاضر.. حاضر يا عمي.

لم يظل آدم كثيرًا بين أمواج البحر، فخوفه وقلقه على نور ما زال جدارًا سميكا حرمه من الاستمتاع بأي شيء بعيدًا عنها، كما أن هنا

رغم وجهها الجميل إلا أنها متحررة كثيرًا، وذلك عندما تقارن بليلى وفريدة التي تلحقهما تقريبًا في العمر، أما نور فلا وجود لوجه مقارنة بينها وبين هنا، فنور من قامت يده بتربيتها.

- ها طلعتوا بدري من البحر ليه؟ شكلك مش مبسوط من الأجازة.

- لا يا عمى.. كفاية إني معاك، وكمان مع أختي هنا.

- يبقى مفيش غير إن أصحابك في الدار وحشوك.. صح؟

تحول نظر كل من اللواء محمود وآدم على هنا التي ركلت الكرة بعيدًا وجرت وراءها فوق الرمال. بعدها عاد آدم مجيبًا: لا.. يا عمى.. كمان أنا ماليش أصحاب كثير.

رد اللواء محمود بابتسامة ماكرة حيث قال: طيب ونور ياسي آدم إللي كنت هاتموت عليها وهي عيانة.. ورفضت حتى تيجي الأجازة علشانها.

- نور ديه زي أختي الصغيرة.. إللي بخاف عليها جدًا.. كمان ابن عمها كان مواعدني وعد، ولازم أكون أده.

- وعد إيه يا آدم؟

- قبل ما يسافر ابن عمها على إيطاليا، وصاني إني أحافظ عليها، على ما يرجع من السفر ويتجوزها، ويحافظ عليها بنفسه علشان هي ملهاش حد.

اللواء محمود بتعجب أكبر: ابن عمها طلب منك كده؟

- آه والله.. طلب كده.

- وهو ابن عمها ده عنده أد إيه؟
- أدبي بالظبط.
- والكلام ده بقاله أد إيه؟
- بقاله كذا سنة من يوم ما نور جت الدار.
- بس يا آدم ده إنتمو كنتوا صغيرين ساعتها، فازاي هو أصلًا
- يفكر أن طفلة ممكن تستني طفل علشان يتجوزوا، ويا ترى ابن عمها
- ده بيسأل عليها؟
- للأسف مش بيسأل خالص.
- طيب وهي؟
- هي الأول كانت دايمًا فاكراه، بس دلوقتي هي مبيقيتش تسأل.
- شوفت بأه يا آدم هو ده إللي أنا بأقولك عليه إن وعد ابن عمها
- ده وعد أطفال ولا يمكن هيتحقق، بس إنت إللي مكلف نفسك فوق
- طاقتها وخايف عليها زيادة عن اللزوم.
- وقف اللواء مندهشًا من فصاحة آدم.. عندما سرد له أن السبب
- الأكبر في اهتمامه بنور أنه أكثر الناس شعورًا بها.. كما يشعر المريض
- بمريض آخر مصاب بنفس المرض، فمن أراد الشعور بنور حقًا عليه أن
- يتخيل أنه شجرة يتيمة تساقطت كل أوراقها في صحراء تشبه دينا الغريبة.
- وفجأة لمعت عين آدم، وكأنه شاهد مغارة علي بابا هناك على
- الجانب الآخر من الطريق ليستأذن عمه سريعًا ذلك الذي ما زال فمه
- مفتوحًا مثل باب تلك المغارة وذلك إعجابًا بكل كلمة يتفوه بها ذلك
- اليتيم، ولكن مر حوالي ساعة ولم يخرج من مركز البيع، ليتسلل القلق

إلى قلب اللواء ويصيح على هنا قائلاً: اقعدي على الكرسي، وما
تتحركيش يا هنا، على ما شوف آدم اتأخر ليه.

وهناك في مركز البيع وجد آدم يحمل حقيبة تكاد أن تنفجر
كالتى يحملها الركاب العائدون من السفر.. اقترب اللواء من آدم قائلاً:
إيه ده كله.. إيه ده كله.. وريني كده اشترت إيه؟

وعندئذ فتح آدم الحقيبة وأخرج الهدايا، وكأنه أمام مفتش
الجمارك.. فهذه مجموعة من الروايات من أجل فريدة وليلى، أما هذه
العروسة الكبيرة فهي لنور علاوة على هذه الكمية من توك الشعر.

تبسم اللواء وقال: كمان ما نسيتهش توك شعرها!

- لا.. لا يمكن أنسى؛ لأن أنا إللي بسرحتها شعرها.. وكثير
التوك بتسقط منه.. لأن شعرها ناعم جدًا.
- يا بخت نور بيك يا عم آدم.

قالها اللواء وهو يضع يده فوق كتفه ويخرجان سويًا من المركز،
ليتوقف اللواء أمام محل لبيع الملابس، ويحملك في ذلك الفستان
الذي تلاًت ألوانه خلف زجاج العرض..

أشار اللواء لآدم على الفستان وتساءل: إيه رأيك في الفستان ده
يا آدم؟

نظر آدم للفستان وقال: الله.. جميل أوي.. بس ما اعتقدتش إنه
مقاس هنا.

لم يجب اللواء ودخل المحل بينما انتظر آدم بالخارج، وما هي
إلا دقائق حتى خرج اللواء بهذا الفستان ثم فتح حقيبة آدم، وقال: ده
مش لهناء.. ده لنور يا آدم.

وعندئذ.. أعاد آدم الفستان مرة أخرى ليد اللواء محمود، وكان هذا الفستان ما هو إلا زجاجة من الخمر.. لا يجوز أن يقبلها أبدًا ثم صاح بضيق: لا لو سمحت يا عمى متجيش حاجة لنور.

صُدِم اللواء من رد فعل آدم حيث هز رأسه يمينًا ويسارًا قبل أن يمد شفثيه للأمام وعاد مستفسرًا: ما جبش حاجة لنور ليه يا بني؟

- علشان أنا معودها على عزة النفس، وإنها ما تقبلش حاجة من حد حتى لو كانت الشئون الاجتماعية، تحت مسمى يوم اليتيم.

- بس أنا يا آدم زي أبوها بالظبط، وبعتبرها زي هنا بنتي لأنني كثير أعجبت بطبيتها وبراءتها.

علا آدم من صياحه مرة أخرى: لا، حضرتك مش أبوها.. أبوها مات مات.. وأنا دلوقتي أخوها وأمها وأبوها إللي مريبها على الكرامة وعزة النفس.

سكت آدم للحظات ليعطى فرصة لأنفاسه المتلاحقة ببعضها أن تهدأ ثم عاد: وأنا كمان لولا إن حضرتك بتصرف عليا من الفلوس إللي بابا سابها لي أنا كنت استحالة هاقبل حاجة من حضرتك، لكن الحاجة الوحيدة إللي هاقبلها منك إنك تساعدني إنني أدخل كلية الشرطة.

ثم نظر آدم في عيني اللواء وعاد بهدوء: غير كده مش عايز أي مساعدة من حضرتك، لا أنا ولا نور.

ويا له من خجل قد شعر به اللواء محمود وكأنه يمشي وسط سوق ولم يرتد سوى ملبسه الداخلية فقط.. ليجد نفسه يعود خطوتين للخلف ويشير بيده أي "خلاص.. خلاص.. هرجع الفستان" بينما وقف آدم بالخارج يلوم نفسه على تلك الطريقة التي تحدث بها مع عمه

اللواء محمود الذي عندما خرج من المحل وجد آدم نفسه يحاول أن يدفن رأسه داخل صدر اللواء ويقول: أنا آسف.. آسف جدًا يا عمي.. ماترعلش مني.

ربت اللواء محمود على ظهر آدم ثم قال بصوت مزين بالحنان: إنْتَ راجل يا آدم، وعمري ما ازعل منك أبدًا.

يعني بجد مش زعلان مني؟

يا سيدي تحب أثبت لك إزاي إني مش زعلان؟

تديني تليفونك، أتصل بمدام حكمت؛ علشان أطمئن على نور. وهنا ضحك اللواء محمود ضحكة تداخلت مع ضحكات آدم وهو يقول: حاضر يا سيدي.. خد التليفون أهو، اطمئن بيه على الست نور.

وقف آدم غير بعيد من اللواء محمود الذي كان يتمعن في ملامح آدم وهو يحدث نور تلك الملامح التي يرتسم عليها السعادة تارة، فربما يعبر عن شوقه لها الآن، وتارة أخرى يرتسم عليها الضيق ربما يحذرهما من خطورة فعل شيء ما.. ثم قال لنفسه: إزاي واحد يتيم قدر يكون مربى فاضل بالشكل ده.. آه يا آدم يا ما نفسي أقف وسط كل الناس واضرب ليك تعظيم سلام من حديد.

عاد آدم مبتسمًا ليبارده اللواء قائلًا: ها.. اطمنت على الأنسة نور.. يا عم آدم.

أيوه.. يا عمي.. واطمنت على فريدة وليلى كمان.

آه.. فريدة وليلى إللي بيحبوا القصص والروايات؟

طيب.. دول كمان كنت عايز أجيب ليهم شوية روايات.. بس
أنت أكيد مش هاتقبل علشان كده أنا هاحكيك قصة منهم.. وإننت لما
تروح تحكيها لهم.. حلو كده يا سيدي؟
حلو يا عمي.. احكي القصة أنا سامعك.

بيقولك يا سيدي كان فيه يمامة بتحب عصفورة جدًا.. لدرجة
إنها اختارت ليها عشاها، وكانت كمان بتجيب ليها الأكل لحد عشاها.
وبعدين يا عمي؟

وبعدين يا سيدي كبرت العصفورة.. وفي يوم اليمامة اختفت.
طيب وعملت إيه العصفورة؟

اضطرت العصفورة تسيب عشاها وتنزل للحياة.. لكن للأسف
كانت فريسة لأول صياد يقابلها؛ لأن عمرها ما اعتمدت على نفسها
بيوم.

تقصد إيه يا عمي.

أقصد إن قلبك صافي زي اليمامة ديه.. بس لازم نور تخرج من
تحت جناحك. علشان تقدر تواجه الحياة من غيرك.

شرد آدم في حديث اللواء محمود، فهو لا يريد رؤية ذلك اليوم
الذي يودع فيه نور عند مفترق الطريق، عندما سيصبح فيه كل واحد له
حياته الخاصة، بعد أن يصبح كل منهما ما هو إلا ورقة سقطت من فوق
غصن لتظهر أوراقًا أخرى عوضًا عن الساقط.

وفجأة.. رن جرس هاتف اللواء محمود إنها ابنته هنا تجلس
على الشاطئ قلقة من غياب أبيها، أو ربما من غياب آدم الذي عندما

علمت أنه سيصبح دائم الظهور في حياتها كانت فرحة سعيدة سعادة ربما قد فاقت فرحة عاصم وهو يجلس في مكتب أبيه في أول يوم له بالعمل حيث أمر الحاج علي ابنه عاصم أن يضع إحدى المقاعد في منتصف غرفة المكتب، وبعدها أمر الحاج علي ابنه عاصم أن يقفز من فوق المقعد.

اندهش عاصم ولكنه استعد للقفز عندما صاح أبوه: بأقولك يلا اقفز من فوق الكرسي.. من غير ما رجلك تلمسه.. وهنا استعد عاصم للقفز.. واحد.. اثنين.. ثلاثة.. ولكن للأسف تعثر عاصم بالكرسي وسقط كرجل أعرج وجد نفسه في سباق قفز الحواجز.

وعندئذ قال الحاج علي: طيب يلا حاول ثاني بس نصيحة لازم قبل ما تقفز ترجع شوية للخلف.

وعندئذ عاد عاصم خطوات للوراء ثم تقدم سريعاً ليجد نفسه عابراً لهذا المقعد بكل سهولة.. وبعدها قال: مش فاهم أي حاجة.

تبسم الأب، وقال: عايز أفهمك إنك لازم تبعد في أول حياتك العملية من الكراسي والمناصب علشان ما تقعش بمشاكلها، إنما لو تدرجت علشان توصل ليها هاتعبر مشاكلها بكل سهولة وساعتها هاتبقى الراجل المناسب في المكان المناسب.

- يعني ماكنش فيه طريقة ثانية غير إللي تكسر الرقبة ديه علشان تعلمني بيها؟

ضحك الحاج علي ضحكة طويلة مجلجلة، ثم صاح على السكرتيرة لكي يضع لتلك الضحكات حد حيث أمرها: ناديلي الأستاذ جون.

عاصم: مين ده يا بابا؟

- ده مدير مكتبي، وبيتكلم عربي كويس وهو إللي هيعلمك.

عاصم: تمام.

جون: حضرتك بعث لي؟

- أيوه يا جون، ده عاصم ابني الكبير أنا جبته النهارده علشان عايزه يتعلم الشغل بس بشرط.

جون: تحت أمرك يا حاج علي.

الحاج علي: عايزك تشغله الأول في قسم المخازن يشيل بضاعة على كتفه وبعد فترة تنقله بين مكاتب الإدارة.. مفهوم يا جون؟

جون: تحت أمرك يا حاج علي، وأمر عاصم بيه.

وقف الحج علي فجأة وقال في حدة: لا.. أنا عايزك تعامله علي إنه موظف عادي له مرتب، وليه كمان خصم لو بدر منه أي غلط، وله مكافأة لو قدر يحافظ على شغله ومقصرش فيه.. فهمتني؟

جون: فهمت.. فهمت يا حاج علي.. تؤمرني بشيء تاني.

الحاج علي: آه.. عايزك ترتب معاه مواعيد تدريباته في النادي، وتخليه يستأذن علشان يحضرها ويرجع تاني.. أما في الدراسة هانشغله نص يوم في الأعمال الإدارية، وكله بحسابه، تمام يا جون؟

جون: تمام يا حاج علي.. كمان استحالة أشغله وقت الصلاة، وهاخليه يحافظ عليها زي باقي المسلمين.

ابتسم الحاج علي وقال: النقطة ديه ماكتتش محتاج أوصيك بيها، لإنني عارف إنك بتحترم الإسلام يا جون.. زي ما إحنا بنحترم دينك وكل الأديان.

تبسم جون ابتسامة رضا ثم قال: كده فهمت كل إللي حضرتك عايزه مني.. يا ترى فيه شيء ثاني؟

الحاج علي: لا شكراً تقدر تتفضل وتأخده معاك.

عاصم: طيب أنا كنت عايز أتكلم مع حضرتك في نقطة.

الحاج علي: طيب روح إنت يا جون وأنا هبعته وراك.

خرج جون.

الحاج علي: ها يا عاصم عايز تتكلم في إيه؟ أوعى تقول إنك مش هاتقدر على الشغل أنا فكرتي عنك إنك راجل.

- لا يا بابا أنا عايز أتكلم بخصوص أيام الشغل وقت التدريب

والدراسة.

- ها اتكلم يا سيدي. كلي أذان صاغية.

- أنا مش عايز نص يوم ولا حاجة، أنا عايز أشتغل اليوم كامل.

- طيب والمذاكرة، والتدريب! هانعمل فيهم إيه؟ فهمني.

- بالنسبة للدراسة أنا هاستغل إنك وقتها هاتشغلي في الأعمال

الإدارية، ساعتها ممكن أشتغل أوقات الفراغ في الشغل وأذاكر فيها،

كمان أكمل بعد ما أروح من الشغل.

- طيب وأيام التدريب؟

- بالنسبة لأيام التدريب، أنا ممكن اتفق مع الكابتن إنه يخلي

التدريبات بعد الظهر عادي خالص.

وهنا تبسم الحاج علي عند رؤيته لثمار رجولة ابنه المبكرة،

حيث قال: أنا عارف إنك يا حبيبي أدها، لكن برده مش عايزك تموت

نفسك، يعني لازم تعيش حياتك.. ده من ناحية، ثم التفت حوله سريعاً وكأنه يخشى من وجود شبح لكي يكمل بهدوء: من ناحية ثانية بقى الست والدتك مش هتوافق إنك تخلي التدريب بتاعك بعد الضهر، طبعاً إنت عارف ليه؟

من المفترض أن يبدو على وجه عاصم الضيق ولكنه ضحك على طريقه أبيه في الحديث عن والدته وقال: أبوه يا بابا أنا فاهم.. علشان تخلي سارة وياسمين يقابلوني أنا وحسام، رغم إنها عارفة إننا مش بنطيقهم، وكمان بنتهرب منهم.

أطلق الحاج علي ضحكة مدوية حيال أسلوب ابنه وقال له: وليه بس الكره ده كله؟

عاصم: يا بابا دول بنات متحررة أوي، وأسلوبهم مستفز، وبيتعاملوا بكل فخر إن والدهم واخذ الجنسية الإيطالية، وكأن الجنسية المصرية ديه عار عليهم مع إنى شايف إن الجنسية المصرية شرف لأي حد.

انتفض الحاج علي من مكانه، ووقف أمام ابنه وربت على كتفه وقال: ربنا يكملك بعقلك يا حبيبي إنت وأخوك.

حيث ذهب عاصم للعمل ليزين لنفسه حياة جديدة، من أجل صورة منقوشة في قلبه كنتقوش الفراعنة تُدعى نور التي كان يشعر بها في كل مكان حتى في المخازن، يسمع ضحكتها تعلقو بسعادة عندما يرفع فوق كتفه صناديق البضائع، متجاهلاً رنة أخيه حسام على هاتفه، بالرغم من أن قلبه لم يستطع تجاهل تلك الرنة التي كانت تقول: بلادي.. بلادي.. بلادي.. لك حبي وفؤادي، تلك الرنة التي تشابهت مع رنة آدم

عندما اتصل هاتفيا بمدام حكمت وقال بلهفة: ازي نور ياماما عاملة إيه؟
أنا بقالي خمس أيام ما شوفتهاش، بس حاسس إني بقالي سنة.

- نور كويسة يا حبيبي اطمئن إنت عليها وخليك في فسحتك.

- طيب ممكن حضرتك تنادي عليها علشان عايز أسلم عليها.

- حاضر يا حبيبي بس أنا عايزة أطلب منك طلب.

- اتفضلني يا ماما.

- عايزاك تقولها تاكل علشان من ساعة ما مشيت إنت ما بقتش

تاكل، وخست خالص.

- طيب من فضلك يا ماما نادي عليها بسرعة.

وما أن ذهبت الدادة لتنادي نور، وتخبرها أن آدم على الهاتف،
إذ بها تقفز برشاقة، وتهول بشعرها الناعم الذي كان يهتز بصحبة رنات
حذائها الذي يشبه صوت خطوات مهرة بلا قيود، وعندما قابلت كل من
فريدة وليلى أشارت ليلي بدهشة عليها وقالت: هاه شوفي نور أول ما
سمعت اسم آدم جريت ازاى وسابت سريرها إللي كانت دافنة نفسها
فيه بقالها خمسة أيام.

ضحكت فريدة وقالت: طبعًا يا ستي مش توعم روحها.

عندئذ توقفت نور عن الجري وابتسمت، وعادت لفريدة لتقبلها،
وتخبرها أيضًا إن هذا هو اسم آدم الجديد، وأخبرتها إن هذا هو اسم آدم
الجديد.

نظرت فريدة وليلى لبعضهما دون فهم وقد تساءلت أعينهم:

يعني إيه اسم آدم الجديد؟

لكي ترد نور قبل أن تسرع كعادتها وتقول: لما أرجع هاقولكم.
ثم وصلت لحضن مدام حكمت كسيارة خلت من الفرامل،
لكي تقبلها مدام حكمت قبل أن تعطى الهاتف الذي كانت يهتز بيدها
من فرط شوقها لآدم الذي حدثها بنفس الشوق: ازيك يا نور عاملة إيه؟
أنا كويسة.. لكن ليه مش بتقولي نور حياتي.

حاضر يا ستي.. ازيك يا نور حياتي.

ازيك إنت يا توءم روجي.

توقف آدم للحظات عند هذه الكلمة ثم عاد متسائلاً: إنتي جيتي
اللفظ ده منين؟ اوعي تكوني قعدتي مع ولاد أو حد ما تعرفهوش.

دون أن تدري مدت نور يدها إلى الأمام وكأنها أرادت أن تضعها
على فم آدم قبل أن تصيح كشخص بريء: لا.. لا أبداً.. ديه فريدة إللي
قالت إنك توءم روجي.

ضحك آدم: فريدة وليلى الروايات إللي بيقرأها هاتوديهم في
داهية.. بس ليه إنتي مش بتاكلني؟

وهنا بكت نور بصوت مخنوق وقالت: أصل إنت واحشني
أوي، ومش بعرف أكل إلا لما تكون قاعد في الكرسي إللي جنبني.

شعر آدم بسهم يخترق ضلوعه ويصيب قلبه حيث انتفض واقفاً
قبل أن يطمئنهما: خلاص يا نور.. هاجيلك النهارده.

- إنت بتضحك عليا.. ماما حكمت قالت لسه قدامك يومين.

- مش عيب تقولي إني بضحك عليك، طالما وعدتك إني

هاجي.. يبقى إن شاء الله هاجي.

اشتقت لك بالأمس واليوم مشتاق
وباكر إن شفتك يزيد اشتياقي
لأجلك زاد الحب وزادت الأشواق
الله جمع فيك الحلاوة والأخلاق
مثلك لو دورت ما أنا بلاق
مستحيل أتخيل الدنيا بلاك
أنت لي ما دام لي قلب خفاق

بالطبع قفزت نور لأعلى وكأنها أرادت أن تأتي بنجمة من
السماء وقالت لمدام حكمت: شوفتي يا ماما آدم بيقولي إنه جايلي
على طول.

أمسكت مدام حكمت الهاتف على التو وقالت لآدم: ليه
كده يا آدم تقطع فسحتك يا حبيبي، كمان مش خايف سيادة اللواء
يزعل؟

- متقلقيش يا ماما حكمت أنا هافهمه.

- خلاص يا حبيبي إللي تشوفه.

ثم انتهت المكالمة لتتنظر مدام حكمت لنور، وبابتسامة عريضة
قالت لها: مبسوطه كده يا ست نور.. أهو هايقطع فسحته علشانك.

- أحسن علشان هو وحسنى أوي.

- يا سلام يا ست نور، وإللي يبحب حد مش لازم يحب يشوفه

مبسوط.

- مش فاهمة!

- يعني يا ست نور لو إنتي كنتي بتحبي آدم بجد ماكونتيش قلقتيه
عليكي، وكتتي أكلتي كويس، ولما يكلمك ماكونتيش تعيطي علشان
هو ما يتضايقش ويكمل أجازته.

ارتسم على وجه نور الحيرة ثم وضعت أصبعها على شفيتها
الورديتين وسألت: يعني يا ماما أنا كده وحشة وآدم هيبتل يحبني؟
تماسكت مدام حكمت عن الضحك لكي تستطيع أن تقول:
لا يا ستي إنتي بالذات آدم عمره ما هيفكر أصلاً إنه يزعل منك.

هللت نور وصفقت بيدها الناعمة قبل أن تقبل خد مدام
حكمت وبعدها قالت: طيب بعد إذن حضرتك يا ماما علشان أخلي
فريدة وليلى يلبسوني ويسرحولي شعري علشان لما آدم يجي يلاقني
شكلي حلو.

مررت مدام حكمت يدها على شعرها وقالتلها: بس لسه بدري
على ما آدم يوصل.

- مش مهم أنا هستناه.

- للدرجة ديه بتحبيه.. يا شقية يا كتكوتة إنتي.

- أوي.. أوي.. يا ماما حكمت.

- كمان إنت بتحبها يا آدم.

قالها اللواء محمود وهو يحلل بخبرته حقيقة مشاعر آدم تجاه
نور بعدما قال له آدم عن سبب طلبه مغادرة المصيف؛ ليجد آدم نفسه
كإنسان بدائي لديه لسان ولكنه لا يستطيع النطق، ثم إنه غارق في بحر
من الخجل، ولكن حمدًا لله قد جاءه الدلفين الذي أنجاه من هذا الغرق

إنها هنا التي قطعت كلامهما قائلة: هاي يا بابي بعد إذنك أنا هاخذ آدم،
وهنزل الميه.

آدم بضيق من أسلوبها: أنا آسف يا هنا، بس أنا لازم أروح أجهز
هدومي علشان هنرجع النهارده.

هنا متفاجئة: ليه يا بابي أنا لسه مزهقتش!

اللواء محمود: معلش يا هنا هنعوضها مرة ثانية بس أصل جالي
شغل مهم.

هنا بضيق: خلاص يا بابي مش مشكلة.

آدم: طيب أنا هروح أجهز هدومي.

غادر الثلاثة المصيف فلم يجد اللواء محمود أي سبب يجبره
على البقاء، فقد جاء إلى المصيف من أجل آدم فقط ذلك الحبيب
والمربي الذي أراد حتى أن يقربه من ابنته ربما جعل نفسه صديقها
الصدوق أو أباها خاصة في تلك الفترة، إنها المراهقة الذي ظهرت
من خلالها ابنته مثل لغة فرعونية لا يفهمها اللواء محمود، أما آدم
فهو شامبليون نفسه الذي يستطيع أن يفك أي شفرات وأي رموز،
وحتماً هو من ستترك له ابنته نفسها ليعدل من أخلاقها ويزينها مثل
نور التي تركت الآن نفسها لفريدة وليلى لكي تتزين ولكن بطريقة
أخرى.. تشبه عروساً تتزين من أجل عريسها حيث ارتدت فستانها
وهمت فريدة بربط حزام ذلك الفستان بينما كانت ليلى تصفف لها
شعرها وتتركه على ظهرها لكي تبدو مثل فتاة في إحدى روايات
فريدة التي كانت تضحك ضحكات تتداخل مع قهقهة ليلى..
فلم لا؟

فهم يرون طفلة تسبق عمرها بمراحل، ثم إنها تنظر كالمجنونة تارة إلى الساعة وتارة أخرى إلى الباب.. وكلما مرت دقيقة تشير على الباب قائلة: أهو.. هايدخل حالاً أهو.

وبالفعل دخل عاصم، وتهدت خيرية تنهيدة طويلة ثم أغمضت عينيها بعد أن عاد عاصم من العمل في وقت كانت خالته وبناتها سارة وياسمين في انتظاره.

خالته: ازيك يا عصوم.. عامل إيه يا حبيبي؟

عاصم: الحمد لله يا خالتو.

خيرية: ها يا حبيبي أكلت ولا لسه.

عاصم: آه يا ماما الحمد لله أكلت.

خيرية: طيب يا حبيبي أكيد جوعت تاني، وعموماً حسام أخوك هو كمان ما اتغداش وسارة وياسمين هما كمان استنوك علشان تتغدوا إنتو الأربعة.

عاصم: يا ماما بقول لحضرتك اتغديت، هكون جوعت ازاي تاني بالسرعة ديه، وبعدين أنا عايز ألحق أغير هدومي علشان عندي تدريب.

سارة: أوكيه يا عصوم إحنا هنستناك علشان نيجي نشجعك وبالمرّة تتغدي هناك.

عاصم باقتصاب: يا سارة إنتي لسه سمعاني وأنا بقول إنني لسه متغدي، وسمعاني كمان وأنا بقول إن عندي تدريب مش بطولة يعني مش محتاج حد يشجعني.

ثم ترك هذه العصابة سريعًا ليحتمي هناك بغرفته حيث دخل عليه حسام وهو ينفخ كفلاح من أجل إشعال الحطب تحت إناء الشاي وبعدها، قال بضيق: هاه قابلت البرينسياسات تحت؟

عاصم وهو يشد بملابسه كزوجة قد مات زوجها: أنا بصراحة زهقت من تصرفات ماما إल्ली دائمًا قاصدة تخرجنا معاهم، ومية مرة أقولها إني مش بحب طرق التدبيس إल्ली بتعملها معايا ديه ومفيش فائدة.

حسام: أنا مش عارف ماما ديه عقلها فين؟ يعنى هى متخيلة إننا ممكن في يوم من الأيام نتجوز بنات زي ديه! إنت شوفت اللبس اللى لا بسينه كأنهم مش مسلمين أصلًا ولا حتى مصريين.

- يا بني مش ده إल्ली يفرق مع ماما أو خالتو، ماما كل إल्ली يهملها إن ثروة بابا ما تطلعش برة عيليتها خالص لكن مشاعرنا وتربيتنا ومبادئنا ديه متعنيش عندها أي حاجة.

- آه لو تعرف إن نور ليها فى الفلوس ديه، وإن بابا موصينا إننا ما ناكلوش حقها مش عارف كان ممكن تعمل إيه.

عاصم: مش بعيد كانت مضت أبوك على ورقة بيع وشراء لأملاك نور ليه وهو مش واخذ باله.

- تفكر كان ممكن تعملها؟

- أنا مفتكرش ده أكيد هي أصلًا إल्ली مسكتها إنها عارفة إننا صبيان وفلوس بابا فى الأول والآخر لينا.

- تفكر يا عاصم نور عاملة إيه دلوقتي؟

كان سؤال حسام بمثابة جرعة من المخدر جعلت عاصمًا يمدد على السرير، وينظر إلى سراب، ولم يستفق حتى همس حسام في أذن عاصم وقال: على فكرة أنا شوفت نور النهارده.

وهنا انتفض وكأن هناك ثعبان مد له رأسه من تحت السرير، ثم أمسك حسام من كتفه بقبضة بدت أنها حديدية وقال: شوفتها ازاي.. انطق.. هي جت إيطاليا!؟

حسام ببرود ثلاجة إيطالية: تدفع كام؟

عاصم: اخلص يا حسام مش وقته.

- شوفتها على موبايل بابا لأنني دخلت الصبح كان بيكلمها بس للأسف دخلت في نهاية المكالمة ملحقتش أكلمها، بس شوفت صورتها مديرة الدار بعثتها له.

- وازاي بابا مجابليش سيرة أنا أول ما يجي هقوله.

- بس أنا عملت لك خدمة.

عاصم بضيق: بس بقى خلاص مش عايز أسمع حاجة ثاني.

حسام بمكر: طيب ولا حتى عايز تشوف نور لما كبرت شوية

واحلوت؟

- إنت معاك الصورة وساكت، وريني بسرعة.

- طيب يا عم بالراحة علينا.

- هات يا عم ده إنت بايخ أوي.

فتح حسام على صورة نور حيث تحول عاصم في التو إلى تمثال لم يتحرك فيه شيء سوى عينيه التي كانت تتمعن بشعرها الناعم

الطويل كطول غربته، وعيناها الصافيتين التي تشبه نهر النيل، وذلك الوجه المشابه مع وجه الملكة كليوباتره، علاوة على شفاه وردية تبدو من خلفها أسناناً كلالع الفراعنة، فكيف لا يخشى عاصم من غزاة يسعون لاحتلالها.. فكيف لا يخشى من آدم؟

حسام: أنا كمان اتفاجأت، وعملت زيك كده ما كونتش متخيل إنها كبرت وبقيت جميلة بالشكل ده.

لم يجب عاصم ولم يلتفت حتى إلى حسام حتى قال له حسام: تعرف أنا سألت بابا عليها.. قالي إن مديرة الدار طمته وقالت له: إن آدم مش بيبعد عنها ومهتم بيها خالص.

عاصم في قلة حيلة: يا ترى لسه فاكرو الوعد إللي أنا اتفقت معاه عليه؟

قطع كلامهم دخول خيرية والدتهم: إيه يا عاصم مش ناوي تروح التدريب ولا إيه؟ وإنت يا حسام انزل اقعد مع بنات خالتك على ما أخوك يجهز شنطة تدريبه.

أخفى عاصم الموبايل سريعاً كساحر كي لا تكتشف خيرية أنه ما زال يتابع أخبار ابنة عمه، بينما قال حسام بنفاذ صبر: وأنا أنزلهم ليه يا ماما مش كفاية هيروحوا معنا التدريب.

خيرية: ولد إنت بتتكلم كده ليه عليهم؟!!

وفجأة دخلت سارة بملابسها التي تشابهت مع ملابس راقصة لا ينقصها فقط سوى أن تضع في أيديها الصاجات حيث قالت: إيه يا عصوم إنت اتأخرت ليه؟

نظر عاصم وحسام لبعضهما البعض بضيق دون أن يجيبها حيث ضحكت خيرية ضحكة مصطنعة لا يقوى على صنعها سواها ثم قالت: هما خلاص يا حبيبي نازلين يلا إحنا نسبقهم على تحت.

حيث وجد عاصم وحسام نفسيهما كلصوص لم يستطيعا الهرب من أياد تتسارع لتمسك بهما.

حتى آدم فقد بدا عليه أيضًا أنه لص عيناه زائغة وقد لاحظت مدام حكمت ذلك حينما جاءها آدم ليسلم عليها فور وصوله لكي تقول له مبتسمة: طبعًا إنت نفسك تشوف نور دلوقتي.

- أنا بس عايز اطمئن عليها من ساعة ما سمعتها بتعيط وهي بتكلمني وهي صعبانة عليا أوي.

- متخافش يا حبيبي هي أصلًا من بعد ما كلمتك واطمنت إنك جاي بقت كويسة، روح دخل شنتك الأوضة وأنا هخلي الدادة تنادي عليها.

- حاضر.

بعد مرور خمس دقائق نادى الدادة على نور التي عرفت مباشرة بوصول آدم فركضت مسرعة ومن خلفها ليلي وفريدة تضحكان عليها، وعندما رأت آدم دارت حول نفسها لتلف بفستانها القصير وشعرها الطويل وقالت له: إيه رأيك في شكلي؟ أنا خلقت فريدة وليلي لبسوني وسرحولي شعري علشان أكون نضيفة أول ما تيجي.

انبهر آدم بشكلها الجميل الذي جعلها كفتاة ناضجة حيث قال لها: شكلك جميل أوي يا نور.. بس مين إللي عملك شعرك كده؟
نور: ليلي هي إللي سرحنتي.

آدم ليلى: بلاش يا ليلى تسييلها شعرها كده تاني.

ليلى بعدم فهم: ليه ده حتى شكلها حلو أوي؟

آدم: بلاش وخلص.

ثم أمسك يد نور وقال لها: تعالى أنا هلمهولك.

ثم أخرج التوك الجديدة وشفف لها شعرها من جديد.

نور: الله، التوك ديه كلها علشاني.

آدم: آه يا لمضة إيه رأيك؟

نور: ديه حلوة أوي.

فريدة: وإحنا بقى يا سي آدم ملناش نفس زي نور؟

آدم: لا طبعا أنا منسيتكوش.

ثم أعطاهم الروايات.

ليلى: والله يا آدم إحنا لو كان لينا أخ ما كانش هيهتم بينا زيك

كده، ربنا يخليك لينا.

فريدة: عندك حق يا ليلى؛ آدم ده مفيش منه اتنين.

وفي النهاية دخل آدم غرفته وجلس على مقعده يفكر في نور

كمثل عاصم تماما، غير أن عاصم انتفض فجأة من على مقعده ليتجه

إلى مكتب أبيه مستفسرا: إنت ليه يا بابا مش بتناديلي لما بتكلم نور؟

وليه مش عايزني اطمئن عليها.

- آه، هو حسام قالك.

- أيوه يا بابا، ممكن بقى حضرتك تقولي إيه السبب إنك بتحاول

تبعدنا عن نور؟

الحاج علي بضيق: أنا مش عايز أبعدھا عنكو.. لكن مش عايزھا تتعلق بيكو وخاصة إنت.. لأن ساعتھا هتبقى عايزة تيجيلك، وجايز تكره الدار.

ثم سكت للحظات وعاد: كمان مش عايز مشاكل مع والدتك.
- يا بابا إذا كان على ماما، فحضرتك واثق إني مش هقولها أي أخبار عن نور، أما كونها إنها تتعلق بينا وتكره الدار فده مستحيل؛ لأنني كنت هحببها في الدار وهقولها إنها لازم تستنانا لحد لما نرجع.

الحاج علي بأسف: يا بني مش باين لها رجوع أمك مصممة إننا كلنا ناخذ الجنسية، ومن قوانين إيطاليا إنه علشان ناخذ جنسيتها يبقى نقعد على الأقل عشر سنين على أراضيها منخرجش ولا نسافر أي بلد.
ثم قام الحاج علي من على مقعده وبعجز شديد أكمل: ده أنا حتى في ليالي كتيرة بشوف عادل أخويا في المنام وهو زعلان مني بيعاتبني ويقولي بقى كده تسيب بنتي لوحدها في الدنيا كده، تفرط في لحملك وعرضك، وساعتها أقوم مفزوع من النوم وأحس وكأني متكتف.

شعر عاصم بوجع أبيه فحاول أن يهون عليه ليقول: متقلقش يا بابا هانت وهنرجع.

الحاج علي: يا رب يا بني.. الأيام ديه بقى تمر.

وبالفعل مرت الأيام.....

وإنه يوم غير أي يوم إنه يوم مغادرة آدم للدار، بعد أن نجح بالثانوية العامة واستعد لالتحاقه بكلية الشرطة ذلك اليوم الذي قضى فيه آدم معظم ساعاته، يوصي نور على نفسها، بعدم مخاطبة الأولاد

والصلاة، وقراءة القرآن ثم إنه كان يعدها بزيارته الدائمة لها، وإنه لن يصبح أبدًا مثل عاصم وحسام.

وها قد جاءت تلك اللحظة الحزينة التي انتظرتة فيها سيارة عمه بالخارج، وتجمعت فيها مدام حكمت ونور، وفريدة وليلى أيضًا في حديقة الدار التي كان يتساقط فوق أرضها الندى من فوق أوراق الأشجار وكأن الأشجار هي الأخرى تبكي كالجميع.. ولم لا؟

فالآن سيرحل آدم من رحم الدار الواسع، متجهًا إلى الدنيا الضيقة، وعلى الرغم أن الجميع يثق في زيارة آدم الدائمة.. إلا أن مدام حكمت تقدمت تجاهه وبحركة علا بعدها بكاء الجميع أكثر. أحنت مدام حكمت رأسها وقبلت يد آدم وهي تبكي، أي شكرًا يا آدم على تلك السنوات التي قد أشعرتني فيها أنني أم ربت وأنجبت حيث صرخ آدم على التو ولم يتردد لحظة واحدة في أن يهبط على الأرض ليقبل قدمها، فهي الأم التي قد جعل الله الجنة تحت أقدامها، ولولاها ما وصل إلى ما عليه هو الآن، وعندما أعطى لهم آدم ظهره في طريقه للرحيل إذ بهم جميعًا يلوحون بيدهم وكأنهم يمشون وراء نعشه، ونور تسير بهدوء خلف ذلك الزحام حتى اقترب آدم من الخروج من البوابة وحينها دق قلب نور سريعًا، وصاحت: آدم.. آدم.

ثم هرولت وهو يقابلها لكي يقصر عليها المسافة حيث قفزت هي فوقه ليفتح لها على التو ذراعيه التي كثيرًا ما صفتت شعرها وجست حرارتها وقلبت أمامها صفحات القرآن الكريم.

ثم قالت له: أنا آسفة.. آسفة يا آدم زعلي على بعدك عني نساني أقولك مبروك، مبروك يا آدم.

- الله يبارك فيك يا بابا.

قالها عاصم وهو في حضن أبيه بعد خبر نجاحه بالثانوية العامة.

الحاج علي: ها ناوي تدرس إيه.. يا حبيب قلب بابا.

عاصم: هندسة يا بابا علشان هتفيدني مع حضرتك فى الشغل.

خيرية: برافو عليك يا حبيبي، أنا عارفة إنك كنت ناوي تدخل هندسة علشان سارة هي كمان ناوية تدخل هندسة.

عاصم بضيق: يا ماما أنا قولت علشان هتتفنعني في شغلي مع بابا مش علشان سارة ناوية تدخلها.

حسام بخفة ظل: طيب أنا ناوي إن شاء الله أدرس محاسبة اوعي بقى تقوليلى ياسمين هي كمان ناوية تدرس محاسبة وإلا تبقى مقصودة بقى.

انفجر عاصم من الضحك عندما شعر أن والدته قد أصابها الضيق حيال سخريه حسام من ابنة أختها.

حسام: يلا يا سي عاصم ورانا شغل قبل ما الدنيا تولع بينا هنا.

عاصم: يلا يا سيدي وأنا كنت معطلك يعني.

خرج الاثنان وتركوا والدتهما وهي في قمة عصبيتها.

الحاج علي: قولتلك أكثر من مرة بلاش أسلوب الغصب ده، مش هيحيب معاهم نتيجة إلا النفور من بنات أختك.

- أكيد إنت إللي بتملى دماغهم، مهما طول اليوم معاك في الشغل وبتقدر تسيطر عليهم.

- هما معايا في الشركة آه، إنما مش بشوفهم لأن كل واحد
بيكون ملهي في شغله مش فاضين إحنا ولا أنا دماغي فاضية علشان
أقعد أجيب فى سيرة بنات أختك.

- يعني إنت تقصد إن أنا إللي دماغي فاضية.

الحاج علي بسخرية: هو أنا جيت سيرتك إنتي أصلاً، إنا برد
على اتهامك ليا إنما مجيتش سيرتك.

- ماشي يا حاج علي.

تركها الحاج علي هو الآخر، واتجه إلى شركته حيث ذهب
تفكيره هناك إلى مصر وتحديدًا في ابنة أخيه نور التي تعيش هذه الفترة
في حالة اكتئاب، وحيدة على الرغم من أن الجميع حولها، فآدم كان
عينها التي تبصر بها فإن راحت هذه العين فكيف ترى وتشعر بمن
حولها حيث كانت تتذكره كل يوم وهي في طريقها للمدرسة، فمن
كان يمسك بيدها من أجل عبورها الطريق؟ ومن كان يأمرها بتلبية
نداء الصلاة؟ ومن... ومن... ومن...؟ هو فقط آدم الذي لم يستطع
زيارة نور في أول ٤٥ يوم الأولى بالدراسة لمنعه فيهم من أي إجازة
حيث كون صداقة مع أحد زملائه ويُدعى سامح، ولم يخجل آدم في
أن يقص على سامح تربيته في دار الأيتام، علاوة على قصته مع نور،
وأيضًا قد قص سامح لآدم عن نفسه، وأنه من الصعيد الجواني، ولن
يستطيع السفر لزيارة أهله ويعاود في اليوم التالي لذا قررا أن يؤجرا شقة
يقضيان فيها إجازتهما لحين انتهاء الدراسة.

وأخيرًا.. انتهت أول ٤٥ يوم الأولى وحصل آدم على أول
إجازة له.

إلا أنها احتضنته قبل أن تقول: إيه يا سي آدم إنت هتعمل نفسك كبرت عليا، وبقيت ظابط ومش هتيجي في حضني ولا إيه؟

نور بسعادة: أنا هروح أنادي فريدة وليلى دول هيفرحوا أوي.

بعد دقائق جاءت كل من فريدة وليلى وتزاحم الجميع من أجل التقاط الصور مع الضابط آدم الذي كان يمسك نور من يدها لتظهر في جميع الصور قبل أن يقول لها: تعالي بقى يا ست نور نهرب من الناس ديه، وأفرجك أنا جبتلك إيه.

ثم تباعد آدم و نور من هذا الزحام حيث أخرج لها عصائر الأناناس، والعديد من التوك المختلفة الألوان، ولم ينس أن يصف لها شعرها كما كان يفعل من قبل.

والحقيقة.. لم تفرح نور بتلك الهدايا، بقدر ما كانت فرحة بعودته ووفائه بوعده حيث أيقنت أنه مهما طال غيابه فإنه سيعود كما تعود شمس الدنيا للنور بعد زوال سحب الفراق؛ ذلك الفراق الذي اختاره عاصم وحسام وعمها أيضًا.

- عمها مين يا عم ده.. لو كان عايز يرجع كان رجع من سنين.

قالها سامح لصديقه آدم الذي كان يحدثه عن شعوره باقتراب عودة عمها وابن عمها عاصم الذي عاهده يومًا ما بذلك العهد، وبأله من اهتمام فاق الحد بتلك الطفلة لذا تسلل الشك إلى قلب سامح حيث وجد نفسه يتساءل: إنت إيه شعورك من ناحية نور.. يا آدم؟

تبسم آدم ابتسامة أراد بها أن يمحو الشك الذي شاهده على وجه سامح وقال: ديه مش أكثر من أخت يا سامح، ومش أي أخت؛ ديه طفلة ربيتها على إيدي.

لم يصدقه سامح، فهو مؤمن تمامًا أن حب الصداقة، والأخوة ما هي إلا طرق عديدة تصل إلى ميدان شاسع اسمه الحب؛ لذا أراد سامح أن يرى تلك الطفلة التي يخبئ آدم عن كل الناس أنه يعشقها لذا قال له: أنا عايز أجي معاك أزورها وأشوفها.

- فيه إيه يا عم مالك ومال أختي؟

- برده أختي، ماشي برده عايز أشوفها.

- خلاص أنا مواعدها إني هعدي عليها بكرة قبل ما أرجع

الكلية هاخذك معايا.

قطع حديثهما اتصال من اللواء محمود.

آدم: ألو ازيك يا عمي.. أنا الحمد لله.

- إنت مجتش ليه يا آدم؟ أنا استنيتك اليوم كله.

- معلش يا عمي أنا أصلي روح...

قاطعہ اللواء:

- طبعًا روجت لنور.. صح؟

- فعلاً يا عمي.

- طيب المهم.. إنت فين دلوقتي؟

- أنا في البيت، أصل اتفقت أنا وسامح صاحبي إننا نأجر شقة

ننزل فيها كل أجازة و...

قاطعہ اللواء محمود بحدّة وصاح: إنت بتتكلم ازاي يا آدم!

طول ما أنا موجود مسمعش تقول إنك نازل في شقة إيجار تاني.. إنت

فاهم؟ وبيتي هو بيتك، انتهى الكلام.

- أنا آسف يا عمي.. اعذرني بس أنا مش هقدر أجي أعيش مع حضرتك.

أدرك اللواء سبب رفض آدم، لا بد أنه خجول من وجود هنا، لكي يخبره أنه بدءاً من الأسبوع القادم سوف يشتري له شقة، وسيتم تجهيزها على أكمل وجه، وأخبره اللواء محمود أنه ليس فضلاً عليه، بل هو من خير أبيه وأمه التي طالما أكل من يدها ولم يشعر بأي نقص في ظل وجود والديه رحمهما الله، ثم شكره آدم وأظهر له حقيقة مقامه الرفيع، ومجهوده وعنائه معه كل هذه السنوات.

وفجأة! تسمر آدم أمام صديقه سامح بعد أن دعاه عمه لتناول وجبة الغداء معاً قبل ميعاد الكلية، وعندما شعر بوجود نور أمامه تبكي غيابه قال: مالوش لازمة يا عمي.. أصل.

- لا أصل.. ولا فصل.. الكلام منتهي.. يلا نتقابل بكرة.. سلام.
نظر آدم لسامح بغل مصطنع وقال له: قرئت فيها يا نحس، أديني مش هلحق أقعد مع نور.

- يعني إنت أصلاً ناوي برده تروحها حتى بعد ما عمك عزمك.
- طبعاً طالما وعدتها يبقى لازم أروح.. بس أنا زعلان لأنني مش هلحق أقعد معاها.

- ليه يا آدم! هو إنت زهقت خلاص مني؟!

كان هذا ما قالته نور عندما أخبرها بأن وقته قصير، وذلك فور وصوله وقبل أن تستفسر نور عن ذلك، مد سامح لها يده بالسلام، وهو ينظر لتلك الطفلة التي شاهدها عيناه كملاك ناضج، ولكنها لم تمد له يدها وتركته هكذا كشحاذ، يلتفت سريعاً لمن حوله، بينما هي انكشمت

في آدم وكأنها تواجه ثلوج الشتاء، وحينها تحشرج صوت سامح وقال
لآدم: إيه يا عم آدم.. مش ناوي تأذن لها تسلم عليا؟

رد آدم: لا، مش ناوي.. علشان هي مش بتسلم بأيدها على ولاد.
سحب سامح يده سريعاً عندما شاهد قدوم فريدة وليلى التي
قالت لآدم: ازيك يا آدم.. أخيراً وصلت؟.. أصل الست نور مصحيانى
من الفجر علشان نستناك!

بادره سامح: ياه من الفجر! واضح إن نور هي كمان بتحب آدم
زي أخوها.

نظرت ليلى لسامح بدهشة وقالت: تقصد إيه؟.. مش فاهمين
يا حضرت.

سامح: لا أبداً مقصدتش حاجة يا حضرت.
ثم أكمل: يا حضرة العمدة ابنك حميدة حدفني بالسفندية.
لتضحك ليلى بهدوء قبل أن تأتي مدام حكمت قائلة: أهلاً
يا آدم.. يا حبيبي.

أشار آدم على سامح: أقدملك سامح يا ماما حكمت زميلي
بالكلية.

مدام حكمت: أهلاً يا بنى.

ثم غادرت مدام حكمت بعد وقت قصير لتبشر عملها بالدار
تلك التي جلس كل من آدم ونور وفريدة علاوة على سامح وليلى وسط
حديثها في وقت كانت الأطفال تلهو من حولهم.. مما دفع سامح
يشير لليلى أنه منذ دخوله إلى هنا لم يشعر أبداً أنه في ملجأ للأيتام،

وكان كل هؤلاء أصحاب بيت واحد وعائلة كبيرة، وليسوا أيتام.. لكي تبادل له ليلى الحديث مضيئة أن حب هؤلاء الأيتام لبعضهم البعض وتلك الروح التي تسودهم ما هي إلا أشياء تلهيهم عن آلام اليتيم التي مازال يشعر بها كل طفل من هؤلاء.

بدا على وجه سامح التأثير بحديث ليلى، وما هو إلا وقت قصير حتى اندمجا في الحديث مع بعضهما البعض، وكأنهما فقط من يجلسان وحدهما على تلك الترابيزة، وقد صمت أذانهما عن أي ضحكات، وأحاديث تصدر من حولهما حيث احتل سامح الإعجاب بحديثها، وتلك الصراحة والوضوح بعد أن سردت له عن ظروف والدتها، ودخولها السجن بسبب ديونها، وليس بسبب آخر كالسرقة أو القتل؛ لذا شعر سامح بقشعريرة بجسده، حينما أشار له آدم الذي وقف قائلاً: نستأذن بقي إحننا يا نور.

نور: للدرجة ديه عمك أهم مني يا آدم؟

آدم: مش ديه الفكرة يا نور.. كمان أنا أهو جيت واطمنت عليك، وأوعدك يا ستي الأجازة الجاية.. هاقعد معاك أكثر.. ماشي؟ نور وهي ترفع يدها جانب رأسها: تمام يا حضرة الظابط.

- معقولة يا عمي! إنت إللي هاتديني أنا تعظيم سلام؟!

ابتسم اللواء محمود لدهشة آدم وخجله وقال: أيوه طبعًا؛ لأنك مش كتير بتوفى بوعدك، وتجيني يا حضرة الضابط.

ويا له من وقت ممتع قضاه آدم مع اللواء محمود خاصة أن هنا ابنته لم تكن بالبيت، وبعدها ذهب إلى الكلية.. وفي الليل بدأ سامح الحديث معه:

- تعرف يا آدم أنا لما جيت معاك شوفت حاجات ما كونتش متوقعها، واتغيرت فكرتي عن أطفال الملاجي، ولقيتها مش زي ما كنت متخيلها خالص.

- ما أنا أخذت بالي إنك رغيت مع ليلي كثير.

- ديه طلعت بنت ممتازة و...

قاطعہ آدم بمكر: على فكرة أنا مش محتاج تقولي الكلام ده، ولا نسيت إني متربي معاها؟

- بجد إنت غلس أوي.

ضحك آدم: الظاهر إنك هاتيحي معايا كل زيارة.

- آه طبعًا.

- طب يا سيدي خد بقى النصايح ديه.

ثم أوصى آدم ضاحكًا صديقه سامح بشراء القصص والروايات الرومانسية، وكتب الشعر أيضًا، ليتحمل سامح ذلك الحمل بدلًا منه، ليغتنظ سامح دون أن يجد شيئًا يغيظ به آدم سوى أن تنهد سامح، وقال وكأنه عاشق ولهان: بس تعرف يا آدم نور ديه أجمل بكثير عن ما وصفتها لي، وآه ديه لما تكبر شوية هاتبقى...

قاطعہ آدم بضربة قوية بالوسادة ليضحك سامح قائلًا: يا عم أنا بهزر، نور ديه زي أختي، وعلى فكرة أنا صادق أوي وأنا بقول زي أختي، مش زي ناس، يلا تصبح على نور.

ثم تمدد سامح على السرير، وهو يغني أغنية أم كلثوم الشهيرة ودارت الأيام.. ومرت الأيام والشهور وتكررت زيارات آدم وسامح

للدّار كل إجازة وارتبط سامح جدًّا بليلي، وتبادلا الإعجاب، كما كان يهديها الروايات والأشعار حيث انتقل سامح مع آدم لشقته الجديدة التي اشتراها له اللواء محمود الذي حاول خلال هذه الفترة أن يقرب آدم من هنا ابنته التي بدأت تنجذب بالفعل لآدم ربما لأنه يتجاهلها كثيرًا في الوقت الذي تعودت فيه على اهتمام كل من حولها.

بينما بدأ عقل نور ينضج أكثر من ذي قبل، كما أنها أصبحت تحلم بالرومانسية التي سمعتها كثيرًا من روايات فريدة ويلي التي طالما تحكي عن إعجابها بسامح، وأنها بدأت تشعر بطرق حبه تطرق على أبواب قلبها، لذا أصبحت نور تقرأ الأشعار يوميًا والروايات التي نمت من أسلوب تفكيرها كما ارتفع لديها المشاعر والأحاسيس علاوة على رأيها الذي تحترمه ليلي وفريدة في إشارات وانقاداتها على بعض الروايات، أما آدم فكان يتجه للدّار دومًا ليطمئن على نور، ويذاكر لها دروسها على الرغم من أنها كانت تطلب منه أن يريح نفسه.

- ازاي بقى أريح نفسي! يا بابا ديه بنت عمي عايز اطمئن عليها.

هذا ما صدر من عاصم بلهجة تحمل كل الضيق، بعدما تجاهل أبوه سؤاله الذي بدا منه قلقه على نور، ولكن حن قلب أبيه عند رد فعل ابنه ليعود قائلاً: اطمئن يا عاصم هي بخير، وبتتعلم كويس وبتصلي، وأخلاقها زي الفل.

- طيب أنت بتكلمها كل أد إيه.. وبتبعثها فلوس ولا لآ؟

وهنا ارتسم على وجه الحاج علي الحزن وكأنه شوارع القدس ثم قال بصوت مريض: أنا ممكن أكون غلظت لما سمعت كلام أمك وسيبتها، بس ده مش معناه إني بني آدم ميت يا عاصم.

ثم نظر بحدّة في عين عاصم وأكمل: ديه برده بنت أخويا. فاهم يعني إيه بنت أخويا.

ثم تنهد الحاج علي تنهيدة طويلة أخرج من خلالها الهواء المحبوس في صدره ليعود هادئاً: وعموماً ما تقلقش أنا بكلمها كل فترة ومصاريها ببعثها باسم مديرة الدار وهي بتصرفها من البنك وبتصرف عليها.

- و آدم؟؟؟

- ماله آدم؟ مش فاهم سؤالك!

- لا إنت فاهم يا بابا أنا عايز أعرف هو لسه في الدار مع نور ولا لا؟

- لا لا.

- ليه؟ راح فين؟! ده هو الوحيد إللي كان مخلي باله منها.

- اممم هو أخوك قالك؟

- آه يا بابا، بس أنا كده قلقت عليها وعايز اطمئن.

- اهدى اهدى يا عاصم.. آدم لسه مخلي باله منها.

عاصم بضيق: بالذمة هو ده ينفع يعني تبقى بنت عمي ولحمي

واسيها لواحد غريب ياخذ باله منها؟!!

- إنت مالك النهارده؟!!

- أنا عايز أسافر أشوفها.

- بس إنت لو سافرت مش هتاخذ الجنسية، وهتضيع على

نفسك السنين إللي فاتت.

- ما أنا هاخذها بالتبعية منك طالما إنت هتاخذها هو أنا مش

ابنك برده؟

- آه طبعًا ابني وفعلاً هتاخذها بالتبعية.. بس افترض إن أنا مت قبل الوقت ده هتعمل ايه؟

- طول العمر ليك يا بابا.. بس لو ده حصل ألف بعد الشر يعني.. أنا مش هاخذ الجنسية، وهارجع بلدي، واخذ بالي من بنت عمي.

- كلامك ده قلقني يا عاصم مريحنيش يا بني... معنى إنك عايز تستقر بمصر وتنتهي الشركات هنا معناها إنك هاتقفلها بطريقة كلها خسارة.. زي واحد بيع شقته بأي تمن علشان مهاجر.

ثم وضع الأب يده فوق كتف ابنه وأكمل: وساعتها بقي يا عاصم هاتبقى دمرت مستقبل أخوك وفرط في حق أمك إللي فكرت كثير في قرارها لقيته المرة ديه صح مية في المية.

والحقيقة ليس هذا السبب الوحيد في رفض الحاج علي سفر ابنه لمصر.. بل هناك سبب أقوى معروف، وهو حب نور لآدم الذي أدركه الحاج علي من خلال مدام حكمت، أجل نور تحب آدم ذلك الفتى الذي فعل ما لم يستطع الحاج علي فعله.

ولكن هل رد الجميل لآدم هو تدمير قلب ابنك يا حاج علي؟ لِمَ جعلت نفسك سدًا منيعًا بين نور وعاصم؟ لِمَ لا تعطي لابنك الفرصة في الدفاع عن حبه؟ فربما كان النجاح حليفه، ربما اكتشفت بعد ذلك يا حاج علي أن حب نور لآدم ما هو إلا سراب.

فعندما نفقد ما نحبه.. يتهيأ لنا أننا أحيينا ما وجدناه.. اتركه يا علي ولا تفعل كما تفعل بعض الحيوانات عندما تأكل أولادها حفاظًا عليها من مواجهة المخاطر!

كان ذلك ما حدث به الحاج علي نفسه وهو شارداً في وجه عاصم قبل أن يعود مرة أخرى قائلاً: أنا عندي حل وسط يا عاصم ممكن تسمعه؟

عاصم بلهفة: اتفضل.. اتفضل يا بابا.

- في الوقت المناسب هتسافر إنت وأخوك في أجازة صغيرة لمصر تظمن فيها على نور.. لكن بشرط يا عاصم.

عاصم بفرحة: أنا موافق علي أي شروط يا بابا من غير ما أسمع. لا لازم تسمع.. إنت هاتوعدني.. إني لو مت قبل العشر سنين.. تيجي إنت وأخوك علشان خاطر الجنسية.. إللي هاتديكوا فرصة كبيرة في توسيع شغلكو.. هاتوعدني يا عاصم؟

عاصم بدون تردد: أوعدك.. أوعدك يا بابا.

وهنا نظر الحاج علي في عين ابنه وقال بصوت هاديء: خلى بالك يا عاصم لو حاولت تخلف وعدك معايا.. هتلاقني إللي هايخلف وعده معاك.. فهمت يا عاصم.

- فهمت.. فهمت يا بابا.

- بس اوعى تنسى إنت بس وعدك يا بابا.

تبسم الحاج علي: لا يا سيدي مش هانسي.. وهارتب ليك الفسحة كمان إنت وأخوك ها مبسوط يا عم؟

عاد عاصم لموقع عمله فرحاً وكأنه نجح مرة أخرى بالثانوية العامة.. لا ينقص من الأمر شيئاً إلا أن يستمع لأصوات من حوله تتداخل مع بعضها بسعادة.

وتقول له: مبروك.. ألف مبروك.

قالتها أيضًا نور ليلى وفريدة وهي تحتضنهما بعد أن مرت السنوات ونجح كل منهما بالثانوية العامة.. ولكن لِمَ لا تبدو السعادة على وجه كل منهما؟!

لذا تساءلت نور: مش مبسوطين ليه.. مالكو.. أنا مش فاهمة حاجة.. إنتو مش فرحانين إنكو هاتدخلوا الجامعة ولا إيه؟!

ليلى: جامعة إيه بس يا نور.. يعني إنتي مش عارفة؟

نور: لا مش عارفة.. عرفيني إنتي.

فريدة: بصي يا نور ماما حكمت بتصرف على الدار ديه من فلوسها.. وقليل جدًا إما بتقبل تبرعات.. ومش من أي حد.

نور: برده مش فاهمة.

ليلى: يعني يا نور إحنا آخرنا الثانوية العامة؛ لأنها مش هاتقدر تصرف علينا أكثر من كده.. فهمتي؟

نور بقلق: يعني أنا كمان مش هاقدر أكمل تعليمي؟

فريدة: يا نور.. إنتي قلقانة من إيه.. إنتي لسه في إعدادي.. يمكن يكون عمك جه من السفر.. إنما إحنا غيرك.

ليلى: أنا ممكن ما ادخلش السنة ديه، وماما خلاص هتخرج خلال كام شهر، وساعتها هخرج من هنا.. وأقدم في أي كلية.

فريدة بحزن: يا بختك.

أشفقت نور كثيرًا على حال فريدة وليلى، واتجهت لمكتب مدام حكمت لتقص لها عن حالهما لترد عليها مدام حكمت.

وتقول: طول عمرك قلبك طيب يا نور.. فيكي الخير يابتي..
وعموماً أنا ميهونش عليا إنهم ما يكملوش تعليمهم.. أنا كنت بافكر
في طريقة تساعدهم في المصاريف، ولقيتها خلاص.

بجد يا ماما؟

أيوه بجد يا قلب ماما.

وبعدها ذهبت مدام حكمت لليلى وفريدة بصحبة نور وأخبرتاهما
أنها وجدت حلاً لتلك المشكلة، فقد وافق أحد من معارفها في أن يعمل
معه بشركته في أعمال إدارية لكي يصبح لهما راتب شهري يعينهما على
مواصلة تعليمهما الجامعي تحت رعاية الدار أيضاً.

الغريب أن كلاً من ليلى وفريدة، كانتا تتمنيان الخروج من هذا
الملجأ بفارغ الصبر على الرغم من عطف وحنان مدام حكمت عليهما،
فيكفي أن اسمه ملجأ، وكل من بداخله هو خارج نطاق المجتمع،
ولكن إلى أين ستذهبان؟ وكيف تكمل كل منهما تعليمها؟ لذا كان ألم
الملجأ، أفضل لهما من التشرذم بالخارج ذلك التشرذم الذي أنقذتهما منه
مدام حكمت التي تسابقت كل من ليلى وفريدة لحضنها وكل منهما
تدفع الأخرى بيدها لتطبع قبلاً أكثر على وجنتيهما.

قالت مدام حكمت وهي تضحك: خلاص.. خلاص.. يلا بقى
نستعد كلنا للحفلة إللي هانعملها لأدم هنا في الدار، ولا إنتو نسيتموا إنه
خلاص هايتخرج الأسبوع الجاي.

صاحت نور: أيوه كده؛ أهو دلوقتي نقدر نحتفل بنجاحكو،
وبتخرج آدم من كلية الشرطة، لكن ده أنا نسيت أسأله اخترت أي
قطاع.

- قطاع الأمن المركزي يا عمي.. أما سامح فاختار قطاع أمن الدولة.

كانت هذه إجابة آدم على سؤال اللواء محمود الذي عاد يتساءل:
اشمعنا يعني قطاع الأمن المركزي يا آدم؟

- لأن القطاع ده دايماً بيحمي الشعب بكل فئاته من غير أي تفرقة بينهم، فالكل واحد والهدف برده واحد، وهو الحماية أولاً وأخيراً.

- ربنا يكملك بعقلك يا بني.. كنت واثق إنك هاتختار القطاع ده بالذات.. لكن سامح اختار قطاع أمن الدولة ليه؟

- سامح اختار القطاع ده بالذات علشان يقدر يتدخل ويحل مشاكل الثأر و يوقف نزيف الدم إللي بيلدهم.

- بصراحة أنا كل يوم بيزيد إعجابي بيكو إنتو من الشباب إللي الواحد لازم يفتخر بيهم.

آدم بامتنان: شكرًا يا عمي لذوق حضرتك.

- شكرًا على إيه يا آدم.. ده إنت ابني.. يعني أنا أكثر واحدة سعيدة باليوم ده.. آه أنا ونور.

كان هذا رد مدام حكمت عندما شكرها آدم على إقامتها لحفل تخرجه على نفقتها الخاصة في حديقة الدار التي علت فيها أصوات الموسيقى وتراقصت فوق أغصان أشجارها الأنوار، وبدأ المدعون بالتوافد ومن بينهم اللواء محمود وهنا ابنته التي كانت تنظر لنور بغل وهي تضع يدها في يد آدم، وهما يمران سويًا على جميع المدعوون، وكان هذه الليلة لا علاقة لها بحفل التخرج بل إنها حفل خطوبة تلك الفتاة والضابط آدم؛ لذا تقدمت هنا نحو آدم ووضعت

يدها على كتفه قائلة: إيه يا حضرة الطابط إنت مش ناوي تخليك
معانا شوية؟

شعرت نور بالضيق وكأنها في غرفة مغلقة في يوم حار.. خاصة
عندما تجرأت هنا على مسك يد آدم لتتجه به بعيداً عنها.

لاحظت فريدة دموع نور تتلألأ داخل عينها؛ لتقول: هي مين
الغلسة ديه؟

لم تجب نور، وظلت تتابع رد فعل آدم الذي قال لهنأ بشيء من
الضيق: لو سمحتي يا هنا سيبني إيدي.. كده حرام وبعدين الناس تقول
علينا إيه؟

هو أنا عملت حاجة غلط؟!

أيوه يا هنا.. ما ينفعش تمسكي إيدي من الأساس، وما ينفعش
أصلاً كده تسحبيني قدام الناس.

لاحظ اللواء محمود الحزن الذي بدا على وجه نور، ولكنه بنفس
الوقت أراد أن يقرب هنا من آدم ربما استطاع أن يصنع من ابنته صورة
أخرى لنور التي تقدم نحوها اللواء محمود ومد له يدها بالسلام وقال:
أنا قولت إنك نسيتي شكلي يا نور.. علشان كده ما سلمتيش عليا.

لم تمد له نور يدها بل أخبرته أن آدم قد علمها عدم مصافحة
أي شخص غريب لان ذلك يخالف أوامر الله حيث أشار لها اللواء أنه
ليس بغريب، بل هو بمثابة والد آدم ووالدها أيضاً، فلم كل هذا الحذر
يا نور؟

ولكن لا فائدة، فقد تركته وذهبت بعيداً؛ لتجد أحد الأطفال
يضع يده على ظهرها محاولاً دفعها معه للأمام.

شاهد آدم هذا الطفل بينما لم تشعر نور بأي شيء وهي تسير معه، فهي مشغولة بتلك الفتاة التي استحوذت على آدم حيث أزاح آدم يد الطفل عنها وقال لها بضيق: إيه ده ازاي تخليه يحط إيده على ضهرك؟

استفاقت نور على صياح آدم ولكنها لم تع ما يقوله ولكنها ضحكت ليعود آدم بعصبية: بتضحكي على إيه؟ بقولك ازاي تسييه يحط إيده فوق ضهرك؟

نور مندهشة: هو كان حاطط إيده على ضهري.. والله ما كنت حاسة.

ماكتتيش حاسة! ومش حاسة كمان إن شعرك مفرد؟ وعندئذٍ تلفت نور حول نفسها لمجرد الشعور بأن آدم ما زال يخاف عليها، وعندئذٍ جاءت هنا قائلة: بتعمل إيه يا آدم؟ يلا تعالى علشان تروحي.

آدم: ليه مش هتروحي مع عمي؟
هنا: لا، بابا قال لي إنه عنده شغل، وقال لي خلي آدم يوصلك..
يلا بقى.

ثم سبقته، واستأذن هو نور التي شعرت هذه المرة أن آدمًا لم يصبح لها، وربما لن يعود مرة أخرى، فقد ترك الدار وأصبح ضابطًا له عمل وحياة مستقلة؛ لذا نادته بلهفة: توءم روحي.

آدم: نعم.

لم تجب نور.

آدم: مالك يا نور حياتي؟ إنتي فيه حاجة تعباضي؟ مالك النهارده
كده مسهمة؟

نور باستفهام حزين: توءم روجي إنت هتبقى ترجع تاني
ولا خلاص هتسناني؟

آدم: أنساكي!! ليه بتقولي كده يا نور.. هو أنا عمري نسيتك؟
نور بخوف: بس النهارده.. أنا حاسة إنك خلاص نسييتي.
آدم بقلق على حالها: نور حياتي.. إنتي مالك النهارده؟ فيكي
حاجة غريبة أنا مش فاهمك؟!
هنا من بعيد: يلا يا آدم.

آدم: نور حياتي أنا هقعد ٤٥ يوم فى معسكر التدريب إللي
هستلم شغلي فيه ومش هاعرف أجى أشوفك، ومش عايز أسيبك
وإنتي بالمنظر ده، وأول ما يتهوا ال ٤٥ يوم هجيلك على طول، اتفقنا؟
أومات نور برأسها حزينة - أي اتفقنا -.

ظلت نور منكمشة على نفسها في ظل غياب آدم بينما كانت كل
من ليلي وفريده يطمئنانها دائماً، كما كانا يقصان عليها طبيعة العمل
الجديد والمواقف الطريفة التي تعرضا لها في بداية عملهما قبل أن
يأتي يوم قالت لها ليلي فيه: أهو النهارده بالذات مش عايزة نكد؛ لأن
سامح كلمني النهاردة وصارحني بحبه... كمان وعدني إنه هيتقدم ليا
قريب أوي بعد ما ماما تخرج من سجنها.

لم تكن ليلي تعلم أن السعادة قصيرة مثل ليل الصيف والحزن
أطول من ليل الشتاء، فلم يمر أسبوع حتى استقبلت مدام حكمت
عسكري يخبرها أن والدة ليلي قد توفاه الله.

لم تجد مدام حكمت الطريقة المناسبة التي تمهد ليلتي هذا
الخبر الصادم حيث اتجهت نحو غرف البنات وعيناها تدمع، وعندما
شاهدتها ليلتي شعرت بقبضة في قلبها إنها تنظر إليها بحزن إذن فهي
المقصودة بالشفقة من مدام حكمت، بادرتها ليلتي قائلة: اوعي يا ماما
حكمت تكوني جاية تقوليلي إن أمك جرا ليها حاجة.. أنا من زمان
ما شوفتهاش.. كثير أوي يا ماما حكمت.. مرضيتش تخليني أزورها
علشان ما شوفهاش محبوسة ومكسورة!

هرولت عليها فريدة واحتضنتها بينما وقفت نور بجوارها،
ووضعت يدها المرتعشة فوق يدها في وقت استعدت فيه ليلتي للخبر
وكانها تستعد لسوط جلاد فوق ظهرها العاري.

اقتربت مدام حكمت من ليلتي لتبعد فريدة وتحتضنها قائلة:
البقاء لله في والدتك يا ليلتي.

وعندئذ تداخل صوت ليلتي المصاحب بالدموع مع نور وفريدة
بعدها، قالت مدام حكمت بشفقة: فيه عسكري بره عايزك علشان
تروحي تحضري غسل ودفن والدتك.

ليلتي والدموع غسلت وجهها: وهو أنا هروح لوحدي.. إنتي
مش هاتروحي معايا؟

مدام حكمت: للأسف هو معاه تصريح ليكي لوحديك وبس.

ليلتي: لكن أنا مش هاقدر أروح لوحدي.

نور وهي لا تزال ترتعش من هول الموقف: ماما حكمت كلمي
آدم خليه يروح معها.

وبالفعل اتصلت مدام حكمت بأدم وأخبرته عن وفاة والدة ليلي، وأنها في أشد الحاجة إلى تصريح لكي لا تترك ليلي في هذا الموقف وحدها، ولكن لم يمر وقت قصير حتى جاء آدم بنفسه هو وسامح ووقف بالخارج مع العسكري في انتظار ليلي ومدام حكمت، ولكن نور هي الأخرى قالت لمدام حكمت: أنا كمان عايزة أكون مع ليلي.

ردت عليها مدام حكمت بأن آدم يرفض أن ترى مثل ذلك الموقف ومع أن تلك الجملة كانت عادية، إلا أنها لم تكن كذلك بالنسبة لها، فقد اطمأن قلبها ولو قليلاً أن آدمها لم ينسها ولا زال خائفاً عليها، ولكنها عادت تتساءل ولكن لِمَ يسأل عني الآن وهو لا يفصله عني سوى بضع خطوات؟ هل سأتحمل ألا أراه؟ فقد كدت أن أسمع أنفاسه، ويا ليتها تعلم أن آدمها لا يقل عنها لهفة لرؤيتها وفي النهاية قررت الخروج لتستأذنه بالذهاب مع ليلي.

وما أن خرجت إلا وشعرت بأنها تسابق خطواتها من أجل رؤياه، ولا تعلم أن آدمها اشتم أنفاسها، وكاد أن يسبق ظله لرؤياها أيضاً، وبعد إلحاحها في الذهاب معهم، لم يوافق آدم في بداية الأمر، فنوره تبكي، وإن كان حالها كذلك.. فمن ذا الذي سيواسي ليلي؟

ولكن نور عاهدت آدم أنها لن تبكي مجدداً. فقط هي حزينه على ليلي التي كانت تنتظر خروج أمها من السجن لتحقيق أحلامها مع سامح.

وما أن سمع سامح هذا إذ به يصيح على آدم قائلاً: لو سمحت يا آدم كلم مدام حكمت.. علشان تخرج ليلي أنا قلقان جداً عليها.

آدم: اهدى يا سامح يعني أنا جايبك علشان تصبرها ولا علشان
تتعبها زيادة.

سامح: خلاص يا آدم بس يلا كلمها.

آدم: طيب ادخلي يا نور البسي ونادي على ماما حكمت بسرعة
علشان كده إحنا اتأخرنا.

نور: حاضر.

بعد مرور ساعات عاد الجميع للدار بينما غادر آدم وسامح
إلى معسكرات تدريباتهم في وقت استسلمت ليلى فيه للنوم من كثرة
بكائها، بينما جلست فريدة ونور بجوارها فريما استفاقت وأرادت أي
شيء.

قالوا لي أمي ماتت.. شمس حياتي غابت
أقسموا أنها هناك تترقد
هراء فأمي حية لا تموت
لست لطيفاً أتوهم
فالطيف لا يحس... لا يسمع... ولا يتكلم
أمي ليست مجرد حكاية خطتها الأقلام
تنسى وتمحى مع الأيام
أمي حقيقة تزورني في الظلام
تمسح دمعي وتقبل خدي ثم أنام

دخل عاصم على والده المكتب الحاج علي: تعالى يا عاصم.

- خير يا بابا حضرتك عاوزني في إيه؟

- فيه مفاجاة علشانك بما إني مجيبتش ليك حاجة بمناسبة تخرجك يعني.

- ربنا يخليك ليا يا بابا بس إنت عارف أنا مش محتاج حاجة، ولا عمري فكرت في حاجة من ديه.

- أنا عارف يا حبيبي بس لو عرفت المفاجأة مش هتصدق، بس اعذرني لإني هخلي أخوك يشاركك فيها.

- ومن غير ما تقول يا بابا أنا أي حاجة بكون أنا وحسام شركة فيها.

الحاج علي بامتنان: عارف يا حبيبي إنكو بتحبوا بعض ربنا يحميكوا، ودايمًا تفضلوا سند لبعض وأوعوا أي حاجة تفرقكوا مهما حصل.

- في ديه اطمن يا بابا إحنا مهما حصل برده تربيتك.

- طيب يا سيدي أنا كنت وعدتك من فترة إني هخليك تسافر علشان تظمن على بنت عمك، ووعدتك إني كمان هرتب ليك الزيارة صح؟

لمعت عين عاصم وقال: بجد يا بابا يعني أخيرًا هنزل أشوف نور.

- أيوه يا سيدي وهتاخذ أخوك معاك، وادي تذاكر الطائرة وأنا خليت الشغالين نضفولكوا الفيلا.. وهتلاقوا كل حاجة.

أهم شيء عايزكوا تظمنوني على بنت عمكو، وعايزكوا كمان تفسحوها وتعوضوها وتجيبولها أي حاجة هي محتاجاها، وميعاد طيارتكو بكرة الصبح.

عاصم وهو يكاد أن يطير من السعادة: طبعًا يا بابا طبعًا من غير ما تقول هنظمنك عليها وهنفسحها.

- بس اعمل حسابك إنك بسفرك ده هتعتبر إنك غادرت إيطاليا، وهتضطر تعد العشر سنين من الأول إذا أنا مت.

- العمر كله ليك يا بابا متقولش كده.. هاروح أجهز شنطتي.

دخل عاصم من باب الفيلا مسرعًا، ليقابل والدته التي قبل رأسها بسرعة ثم قال: ازيك يا ست الكل، معلىش أنا مضطر أطلع علشان أجهز شنطتي لأنني مسافر بكرة الصبح.

اندهشت خيرية لتصرف ابنها الذي لم يعطها الفرصة للكلام حتى كادت أن تنادي عليه لولا أنها اصطدمت في حسام الذي فعل معها ما فعله عاصم.

خيرية لنفسها: لا، ده الموضوع فيه إن.. وبعدين سفر إيه ده اللي مخليهم يبقوا فرحانين كده أنا هطلع أسألهم بنفسي.

دخل عليه حسام وهو فاتح لأخيه ذراعيه ثم قال له ضاحكًا: كفارة يا عصوم أخيرًا هتشوف ملهمتك الصغيرة.

احتضن عاصم أخاه: أخيرًا يا حسام هظمن عليها والمسها بإيدي حقيقه مش خيال.

حسام: أيوه.. أيوه اوصفلي بقى يا عم الرومانسي إحساسك دلوقتي بملهمتك الطفلة.

عاصم: متقولش عليها طفلة هي دلوقتي داخلة في ١٤ سنة يعني أنسة صغيرة وأكد بتفهم يعني إيه مشاعر وأحاسيس.

حسام: أجمتني بكلمة الحق، هي فعلاً كبرت وبقت زي الملاك
إللي ماشي عالأرض.

قذفه عاصم بالوسادة رغم أنه متيقن من براءة كلام أخيه.. ولكنه
الحب.

حسام: ههه ايه يا عم مهى بنت عمي أنا كمان، ولا إنت نسيت
نفسك؟

خارج الباب كانت خيرية تتصنت، وما أن سمعت اسم نور إلا وقد
جن جنونها لتقول لنفسها: ثاني نور.. يعنى أنا مصدقت أبعدها تسافرو لها
برجليكو؟ لا، والكبير ييموت فيها كمان إللي كل فلوسنا في إيده.

اتصلت خيرية بأختها سريعاً وسردت لها ما حدث وحذرتها:
أنا قولتلك على إللي ها يحصل، يعني تحجزى للبنات على طيارة
الصباح إللي رايحة القاهرة، وتفهميهم إنهم ما يخلوش عاصم يختلي
بيها خالص في مصر، ولازم سارة تفهمها إنها خطيبتة، يلا لازم البنات
تكون جاهزة هنا بعد ساعة.

- أقل من ساعة وجاي يا مدام حكمت... مع السلامة.

كان هذا رد آدم على مدام حكمت التي حدثته هاتفيًا، بأن نور
قد تغيرت أحوالها منذ أيام لم تبرح فيها الفراش، ولم تنطق أيضًا، ولا
تأكل أو تشرب، رغم محاولات فريدة وليلى معرفة سبب ذلك، ولكنها
اكتفت فقط بأن قالت: هأقول لأدم لما يجي.

أخذ آدم يفكر في نور تلك التي وعدتها أنه سيصبح بجوارها دومًا
في أي محنة وما هي إلا ساعات قليلة حتى وجدته مدام حكمت يدخل
عليها حجرة المكتب وبصوت متحشرج: فين نور يا ماما حكمت؟

حيث أخذته مدام حكمت لنور، ثم مدت يدها وتحسست شعرها برفق وهي تقول: قومي يا نور شوفي مين قلق عليكى وجهه علشان يشوفك.

فتحت نور عينها بإعياء، وما أن شاهدت آدم إلا ومدت له يدها بسرعة ليساعدها على القيام من رقدتها، تبسم لها آدم ابتسامة تحمل كل صفاء الوجود وقال: خليكى مستريحة، أنا أهو هقعد جنبك.. ها نور حياتى.. فيكى إيه؟

مدام حكمت: طيب أنا هاروح أخلي الدادة تعمل لها حاجة تاكلها.

جفف آدم دموعها وعاد قائلاً: يعني عايزانى أعيط جنبك، ما هو مش معقول نور حياتي هتعيط، وأنا هقعد ساكت كده جنبها.. اتكلمي يا نور خرجي إللي جواكي.

نور بصوت حزين: أول مرة أحس فعلاً إنني يتيمة، وكان نفسي تكون أمي عايشة في موقف زي ده وهي إللي تقول لي اتصرف ازاي. آدم بعدم فهم: ليه يا نور إيه إللي حصل خلاكي تفكري بالشكل ده؟ أنا اتفقت معاكي إنك تكوني قوية ومتحسيسش أبداً إنك ضعيفة أو حتى إنك يتيمة، وقولتلك إن ربنا مش بيدي حد إلا على أد طاقته.. يعني هو عارف إنك هتقدري تواجهي الحياة.. ليه عايزة تثبي العكس لنفسك؟

نور: أنا عارفة إنك الوحيد إللي بتهديني.

آدم مقاطعاً: بقولك إيه إنتي لازم تقومي من رقدتك ديه.. وتشمي هوا، وإنتي هتلاقي نفسك طردتي أي هموم.

وبسرعة قام وجذبها من فوق السرير، بينما اعترضت هي بشدة،
كما بدا على وجهها الخجل الشديد.

وفجأة! وقف للحظة مكانه وعجز لسانه عن النطق، وانتابه
الخجل وظهرت قطرات العرق على وجهه، وحاول أن يجمع شتات
نفسه، ويفكر فيما يجب عليه قوله أو فعله، وقد فهم لتوه ما كان يزعج
ملاكه.

وشعر بأنه في موقف لا يحسد عليه، ووجب عليه من الآن أن
يقوم بدور الأم الحنونة الناصحة لابتتها، وبدور الأب المساند لابتته،
والأخ الخائف وآخرهم بدور الحبيب الحاني لها.. بينما نور حاولت
بقدر المستطاع أنها تخبى ملابسها بالملاءة.

أخيراً استجمع شتات عقله واستجمع قوته وجلس جوارها مرة
ثانية وحضن وجهها بين كفيه وقال لها: هو ده السبب إللي خلاكي
راقدة مكانك مش عايزة تتحركي؟

هزت نور رأسها ولا يزال وجهها بين كفيه، لكن دموعها ملأت
عيونها مرة أخرى.

آدم: إنتي كبرتِي يا نور، وبقيتي أنسة زي القمر.

ابتسمت نور دون أن تنطق.

آدم: طيب أنا هنادي عالعادة تغير لك الملايات وإنتي غيري
هدومك علشان هتخرجي معايا.

نور بخجل: هنروح فين؟!

آدم وهو يهز رأسه بتعجب: خلاص يا نور حياتي لازم نغير كل
حاجة في هدومك، ولأزم نشترى هدوم تليق بالأنسة نور مش بالطفلة نور.

تبدل حزن نور للراحة لشعورها بالأمان، فهي لم تخطئ أبداً عندما امتنعت عن الكلام سوى لآدمها، فهو حقاً الوحيد القادر على فهم ما تريد قوله قبل أن تنطقه، وهو القادر على تبديل حزنها لفرح.

وبالخارج قابل مدام حكمت.. وأوضح لها سر ما تشعر به نور لتندهش مدام حكمت وتتسع عيناها وكأنها وجدت سمكة تطير في الهواء حيث قالت: إنك تعرف يا آدم يعني إيه ما ترضاش تقول لأي بنت من البنات إللي حاسة بيه، وتختارك إنت بالذات علشان تقولك كده؟ تبسم آدم، ولكن تلاشت ابتسامته مرة أخرى عندما عادت مدام حكمت قائلة: معنى كده إنها متعلقة بيبك جداً.. طيب يا ترى هاتعمل إيه لما أنت تتجوز وتسيبها؟

وعندئذ.. شعر آدم بدقات قلبه تتسارع، فهو لا يريد أن يأتي هذا اليوم دون أن يعرف ما السبب.. فهل إنه يحبها كما يقول له قلبه؟ أو أنه لا بد أن يتجاهل حبه كما يخبره ضميره أنه لا يصح الطمع في جوهرة قد ائتمنها شخص عليها حتى لو أعجبت وعشقت هذه الجوهرة. لم يجب آدم على تساؤل مدام حكمت ولكنه قال لها: مش مصدق إن نور كبرت وبقت أنسة!

تبسمت مدام حكمت وقالت: نور حياتك؟

بادلها آدم الابتسامة وسار بطريقة ولكنه لم يرد.

- مش بترد ليه رددت المية في زورك.. بتقول يا خرابي ليه؟

كان هذا تساؤل عاصم لأخيه حسام قبل أن يخبره حسام أن أمه قد حجزت لبنات خالته تذكرتين على نفس الطائرة، وعندئذ قال عاصم هو الآخر في فزع: يا خرابي فعلاً.

قال حسام: يا فرحة ما تمت.. الظاهر هانقضي الأجازة ديه كلها في النكد.

في اليوم التالي كانت سارة تجلس على المقعد المجاور لعاصم.. بينما كانت ياسمين تجلس بجوار حسام الذي يدعي أنه نائم، أما عاصم فكان شاردًا؛ لا يبالي بحديث سارة معه، حتى ضربته فوق كتفه وقالت: مالك كده مش بترد عليا ليه؟

قال عاصم: معلش أصلي سرحان بمشاكل الشغل.

سارة: طيب ما تشاركني معاك يا بيبي.

عاصم بضيق: أنا مش اسمي بيبي. كمان بقولك شغل إيش عرفك إنتي بمشاكل الشغل؟

انتبهت ياسمين لعصية عاصم حيث ضربت هي الأخرى كتف حسام وقالت: هو ماله أخوك كده متعصب على أختي كده ليه؟

حسام: لا بس هتلاقيها مصدعاه وبتدخل في إللي ملهاش فيه.

ياسمين: لو سمحت يا حسام أنا أختي مش بتدخل في إللي ملهاش فيه؛ هي كل الحكاية عايزة تتقرب منه.

حسام: وتتقرب منه ليه من الأساس هو القرب بالعافية.

ياسمين: ماشي يا حسام خليك كده عمال تكسفني كل ما أكلمك في أي موضوع.

حسام: أولًا أنا مش بكسفك أنا برد على كلامك بس بكل صراحة، وثانيًا إنتي لو عايزة تحسبها إنني بكسفك إنتي حرة، وثالثًا لو عايزة تقطعي معايا الكلام خالص يكون أفضل، ثم أغمض عينه وقالها: ممكن بقى تسييني أريح شوية.

وفى خلال ساعات قليلة كانوا قد وصلوا إلى فيلتهم.

عاصم بضيق لحسام: وبعدين هنعمل إيه في البلوتين دول، أنا مش قادر أصبر وعايز أروح أشوف نور.

حسام: بص إحنا هنقولهم كل واحد يروح على أوضته يفضي شنطه وياخد شاور، وبعدين يريح شوية، وبالليل هنخرج وهما أول ما هيسمعوا إننا هنخرج هيطيروا على أوضهم وإحنا كمان نظير على نور... قصدي إنت تطير على نور وأنا همشي براحتي.

عاصم ضربه بخفة ظل فى كتفه وقال له:

- طيب يلا اتصرف معاهم أحسن أنا خلاص مش قادر أصبر..
لكن اسمع يا حسام يا ترى أما أخرج مع نور أوديتها مطعم.. ولا الملاهي أفضل؟

- أي مكان هتختاره أكيد هايعجبني يا آدم.

كانت إجابة نور عندما كان آدم يخيرها في الأماكن التي تحب أن تزورها في يوم أراد فيه آدم أن يفسحها حيث ذهبوا إلى الملاهي أولاً، وتقريباً لعبت جميع الألعاب وهي فرحة كفرحة مسجون خرج للتو من بين قضبان السجن إلى الحياة التي له فيها الحرية في اختيار الأماكن والشوارع التي يزورها، كما له الحرية في اختيار مأكله ومشربه دون أي تدخل من أحد.

لذا قالت لآدم: يا ريتنى كنت عصفورة؛ ساعتها هانعم بالحرية والكون كله هايبقى تحت أمري.

ضحك آدم وقال: أمال إنتي حاسة إنك إيه؟

قالت نور في حزن: حاسة إنني شجرة مربوطة في مكان واحد
مش بتتنقل منه، وهو دار الأيتام يا آدم.

رد آدم بفلسفة: لكن لو سألتني الشجرة.. هاتقولك حياتي
كده أحلى.. لإني لو كنت عصفورة كانت حياتي بقت قصيرة أوي..
صدقيني يا نور كل واحد فينا ربنا خلقه على أفضل حال.. ناقصه بس
يعيش حال غيره... علشان يعرف نعمة الله عليه.

نور مبتسمة: إنت جبت الفلسفة ديه كلها مينين؟

آدم: جبتها من عند البقال.

ضحكت نور بشدة وغنت دون أن تدري بنفسها:

إللي اتمنيته في أحلامي دلوقتي لقيته

مر الوقت وأنهدت نور معظم وقتها بين الأكل والحلويات
والملاهي على الكورنيش قالت: أنا فرحانة أوي يا آدم النهارده.

آدم: أنا كمان فرحان إنك كبرتني.. والظاهر إنني بعدت عنك كثير
الفترة إللي فاتت، وكان نفسي ألاحظ ده من بدايته.. لكن دلوقتي لازم
تغيري من نفسك.

نور: مش فاهمة.. يعني إيه أغير من نفسي؟!!

آدم: يعني يا نور حياتي لازم تفرقي بين تصرفاتك قبل النهاردة
وبين تصرفاتك بعدها. نور مستفهمة: يعني إيه!!

آدم: يعني تصرفاتك قبل النهارده ربنا بيسامحك عليها.. إنما
النهارده ربنا بين لنا علامة نضحك، وأعلن ليكي ولينا معاكي إنك
خلاص كبرتني، وتصرفاتك هتتحاسبي عليها.. وعلى كل شيء مهما
كان صغير.

ثم أكمل: من الآخر كده لازم تحافظي على تصرفاتك، وتتعاملي في الحدود إللي رسمها ليك دينك، يعني متينيش مفاتن جسمك وتحافظي على صلاتك، وترفعيش نظرك وإنتي بتتكلمي مع راجل ولا تبيني شعرك.

كما قال: وهدومك لازم تكون طويلة وواسعة ومتسلميش على راجل بالإيد ..

نور قاطعته: طب وشعري! حرام أسيبه طويل كده؟

ضحك آدم قبل أن يقول: لا طبعًا.. الشعر ده تاج البنت، والمفروض تخليه جميل كده لحد ما تتجوزي، وجوزك ساعتها بقى هو حر معاكي، مع إني واثق إنه لو شاف شعرك عمره ما هيفكر يديكي الإذن بكده أبدًا.

نور بسرعة: يعني لو فرضنا مثلاً إنك اتجوزتني .. هاتخليني أسيبه طويل؟

ابتسم آدم: لا، مش هخليكي تقصيه.. وعلى فكرة ده مش رأي ده أمر.

وهنا شعرت نور بسعادة لا مثيل لها.. من كونها تخيلت يومًا ما أنها ستصبح زوجته، وتخيل هو أيضًا ذلك معها.

نور: طيب ممكن أطلب منك طلب بما إنك اعترفت إني كبرت. آدم: إنتي متطليش يا نور حياتي إنتي تؤمري، وأنا هنا علشان أنفذ كل أوامرك وأحلامك.

نور: أنا عايزاك تجيلي روايات رومانسية زي إللي بتجيبها ليلي وفريدة.

آدم: آاه قولتيلي ليلي وفريده اممم ده إنتي فعلاً كبرتني وأنا مش دريان يا ست نور.

نور بابتسامه: ليه يعني؟!

تبسم آدم لنور وإلى حالها الذي تبدل في لحظة من طفلة لأنثى كاملة دون أن يحسب للسنين عددًا.

نور: إنت سرحت في إيه؟ طيب أنا عايز أسمعك حاجة من الشعر إللي حفظاه.

آدم: قولي أنا عايز أشوف اختياراتك:

أكثر ما يعذبني في حبك
إنني لا أستطيع أن أحبك أكثر
أنت رجـل استئنائي
تحتاج إلى أحاسيس استثنائية
تحتاج إلى كتب تكتب لك وحدك
ما أكثر الصفات الجميلة ولكن لا صفة قدرت تصفك

آدم بإعجاب: إنتي جميلة يا نور حياتي واختياراتك أجمل.

نور: بس إنت مسألتنيش أنا أقصد بيهم مين؟

تبدلت ملامح آدم للتوتر فخاف أن تخبره من أنها تحب شخصًا آخر.. فهي تمر بفترة مراهقة وأحاسيسها متقلبة، ولكنه لا يعلم ما سبب خوفه من كونها تحب شخصًا آخر أم لا.. أو أنه يعرف السبب ويتهرب من نفسه.. كما يتهرب من سامح فور مصارحته بأنه يحب نور.. وكأنها جريمة سرقة ينفيها عن نفسه.

نور: توعم روحي.. إنت مش بترد ليه؟

آدم: هاه، أبداً مفيش يا نور، بصبي أنا مش عايز أعرف إنتي كتتي بتقصدي مين بالشعر ده، ولا عايزك تقولي أشعارك ديه لحد تاني مفهوم؟ نور بترقب: بس أنا معرفش حد غيرك.. أنا كنت أقصدك إنت.

آدم بدهشة تصحبها ابتسامة: إيه؟!

نور مرتبكة: قصدي... قصدي إن إنت زي ما الشعر وصفك

راجل استثنائي.

آدم ينقذها من الارتباك: يلا يا نور علشان مش هينفع نتأخر.

نور بخيبة أمل واستسلام: يلا.

مد آدم له يدها وحمل منها الحقائب، وظلا صامتين حتى قال

آدم: نور حياتي.

نور بصوتها الهامس: نعم.

آدم: ليكي عندي مفاجأة.

ثم أشار إلى محل الهواتف في الجانب الآخر من الطريق، وقبل

أن تتفوه نور بكلمة واحدة بادرها آدم: امممم صح.

نور: هو إيه إللي صح؟

آدم وهو يبتسم لها: صح.... توقعك صح.

اتسعت ابتسامة نور: بجد يا آدم؟

أوماً آدم برأسه.. أي نعم.

سبقته نور بفرحة داخل المحل، وهي في قمة السعادة وقالت له:

يعني أنا صح؟

آدم: صح ازاي مش فاهم؟

نور: إنت واحد استثنائي.

تبسم آدم ولم يجب حتى خرجا من المحل حيث قال: بصبي يا نور من النهارده لازم اطمئن عليكى كل يوم وإنتي كمان لو عايزاني تلاقيني.

بفرحة مدت له نور يدها بالهاتف وقالت له: سجل لي رقمك.. رقمك إنت وبس مش عايزة أي أرقام تانية غيره لإني مش هكلم غيرك.

آدم: ليه؟ هو مفيش غيري بالدنيا؟

نور: أيوه... لأنني حقيقي مش شايفة غيرك بالدنيا.

هرب آدم من سعادته: كده إنتي فاضلك الروايات إللي طلبتهم. نور بخيبة أمل للمرة الثانية: آه.

توقفا عند إحدى المكتبات ووقف آدم ينتقي بعض الروايات، حاولت نور أن تختار هي الأخرى، ولكن آدم أوقفها وقال: أنا هاختر لك روايات لكتاب معروفين أسلوبهم غير رخيص في جذب القراء وهاقراهم أنا الأول.. وإللي هلاقه مفيد ليكي.. ومناسب لسنك هديهولك.

نور: بس إنت مش بتعمل كده مع فريدة وليلى.

آدم: علشان هما أكبر منك.. إنما إنتي لسه عايزة رعاية يا قمر.

تبسمت نور ابتسامة أنارت وجهها كي يبدو بالفعل كالقمر بينما أكمل آدم: كمان هعملك اكونت عالميس وهنستخدمه بحدود وممنوع اضافة أي راجل والباسورد بتاعك هيكون معايا.

نور بابتسامة: كل إلهي هتقولي عليه هاعمله.
آدم: علشان إنني شطورة وبتسمعي الكلام خدي الرواية ديه أنا
قريتها قبل كده.

وجاء على صفحة معينة وقالها: على فكرة الصفحة ديه فيها
كلمات هتعجبك لما تروحي ابقى اقريها.

جلست نور بالتاكسي تقرأ الأشعار داخل الرواية بينما كان
ينظر آدم في الساعة ويقول لنفسه: يا ترى كده إحنا ما اتأخرناش..
ولا اتأخرنا شوية.

- لا، بالعكس يا مدام حكمت دول اتأخروا أوي! ده إحنا بقالنا
كثير قاعدين مستنينهم.

قالها عاصم وهو قلق في مكتب مدام حكمت.

مدام حكمت: ما تنشاش يا عاصم يا بني إن ديه دار أيتام.. وأول
مرة نور تخرج تتفسح.. يعني الصبر يا بني على واحدة محرومة طول
عمرها حتى من أهلها.

وهنا برر عاصم سبب غيابه وأهله عن نور الفترة السابقة،
بعدها سردت مدام حكمت على عاصم وحسام عن أحوال نور طوال
السنوات السابقة، وعن دور آدم في حياتها التي كانت تشبه لوحة سوداء
قبل أن يأتي آدم الفنان ليلونها بألوان مبهجة.

كان عاصم يستمع إلى هذا ويهز قدمه بطريقة عصبية وكأنه فوق
سلك كهربائي عار حتى رحمته مدام حكمت من ذلك، واستأذنتهم
بالخروج للإشراف على حالة الأولاد ليجد عاصم نفسه شاردًا في
تساؤلات عديدة، دون أن يبالي بجلوس حسام بجواره حيث كان

يسأل نفسه: معقول يا نور.. اتعلقتي بأدم للدرجة ديه؟ معقول نسييتيني ومابقاش ليا دور في حياتك؟!

وهاتف في أذنه يجيب: أجل، فأنت تشبه الأم التي أنجبت فقط ورمت بطفلتها لأم راعت وربت، فهل تنتظر من الطفلة أن تهول إلى أحضانك وتترك آدم؟

قطع حسام شرود عاصم متساءلاً: معقول آدم قدر يعمل ده كله مع نور؟

لم يجب عاصم! ليعود حسام مكماً كلامه الاستفهامي: يعني معقول إنه هو إللي رباها وعلمها كل المبادئ الحسنة زي ما مدام حكمت بتقول؟! ده لو فعلاً كان عمل كده ده يبقى إنسان ممتاز.

ثم أكمل: طيب تفتكر يا عاصم ممكن نور ترفضنا بعدما تعلقت بأدم؟

نظر عاصم بحدة لأخيه وصاح: ومين قال لك إنني هاسمحلها إنها توافق أو ترفض، نور بنت عمنا إحنا ولحمنا وأمرها يخصنا إحنا و...

قاطعته حسام: بس.. بس يا عاصم هدي نفسك.. ولا إنت ناوي تقابلها بالشكل ده؟

ثم تنهد حسام ليجلب الهدوء على نفس أخيه ثم عاد قائلاً: يا عاصم آدم معملش حاجة غلط.. بالعكس ده عمل معاها كل حاجة حلوة، واديك شايف الكلام إللي مدام حكمت قائلته.. يعنى المفروض إننا نشكره على وقفته مع بنت عمنا مش نتضايق منه ونتهور عليه من قبل حتى ما نشوفه.

قال عاصم بهدوء هذه المرة: غصب عني يا حسام.. ما أنت عارف ازاى كنت متخيل أنى هاأقبلها.. وإنها هتترمي بحضني.. المصيبة بقى إنى ألاقها متعلقة بواحد تانى.

- يا عم إنت مالك كده.. مقدر البلاء قبل وقوعه ليه؟ بس هي تيجي الأول، ونشوف هاتعرفنا ولا إيه.

- ما هو أنا مستني على نار أهو.. و....

قطع حديثه فتاة تركض ناحية مكتب مدام حكمت، والسعادة تملأ وجهها ومن خلفها آدم يضحك لسعادتها التي أصبحت عليها.
نور: أنا فرحانة أوي.. النهارده آدم فسحني.. وجاب ليا حاجات كثير.. و...

قطعت نور كلامها فجأة وكأنها راديو انقطع عنه الكهرباء حينما لم تجد مدام حكمت بمكتبها بينما وجدت شايبين الكل ينظر لها بتعجب ربما يقول كل واحد فيهما لا بد أنها نور الطفلة الصغيرة ذات البشرة البيضاء التي كبرت الآن، وتلونت خدودها بالحمرة، وزاد طولها حتى اقتربت من طول آدم الفارع، كما أن شعرها بات أطول من ذي قبل وأصبح أكثر نعومة وكأنه صنع من خيوط الحرير.

وكانها صورة فوتغرافية التقطتها أحد للجميع أو كأنهم تحولوا جميعًا إلى تماثيل.. تماثيل مفتوحة العينين وكأنهم كانوا الأناس تحتضر.
في ثوانٍ علمت نور أن هذا هو عاصم وذاك حسام، فلم تختلف ملامحهما كثيرًا حتى بعد مرور كل هذه السنين، وبالأخص عاصم الذي ازداد جاذبية ورجولة؛ فهو ذاته الذي كان يسقيها الحنان دومًا من زجاجة قد جفت في السنوات الأخيرة ولم يعد لديه شيئًا ليعطيه لها.

أخذ قلب نور يخفق سريعًا، وقد زادت دقاته أضعافًا، فقد جاء آدم من سنوات ليرحل عاصم وحسام، والآن قد جاء عاصم وحسام.. فهل يرحل آدم؟

إنه خوف ورعب لدى نور لم يشعر به إلا آدم الذي يقف ويقول في نفسه: يا ترى يا عاصم جاي تاخذ نور مني علشان تنفذ وعدك وتتجوزها؟ طيب ازاي؟ إنت ما تعرفش إني بقيت أحبها أكثر منك يا عاصم؟ أيوه بحبها أكثر منك، ومن العدل تسيبها لي.

عاصم في نفسه: لا، عمري ما هسيبها لك.. أنا كنت متفق معاك من الأول.. واتفاقي ده هو إللي ربطك لإني عارف إنك كنت هاتحبها، أما إنتي يا نور فسأكته ليه؟ يا ترى افكرتيني ولا بتحاولي تفتكريني.

بينما كان حسام متفاجئًا حيال جمال وأنوثة ابنة عمه، أما حديثه مع نفسه فكان مختلفًا عن القطبين المتنافرين فقد أشفق كثيرًا على كل منهما، فقد اعتصر قلبه على أخيه حينما شعر أنه يواجه قوة لا يُستهان بها، ربما لأنه عاش معها طفولتها ومراهقتها وفرحها وحزنها وهو الأجدر بها رغم أنني أعلم ما بقلبك وعقلك الآن، أما أنت أيها الآدم فهل أنت تحبها حقًا أم تعطف عليها؟ فإن كنت تحبها فأنا على يقين تام من خوفك؛ لأنك لست الأقرب لها نسبيًا، وأعلم أنك خائف من أخي وتقول لنفسك هل عاد لينفذ وعده؟ أما عن هذا الملاك الحائر بينكما يا هل ترى من منكما ستختار؟ فكم أنا مشفق عليكم جميعًا.. فجميعكم لا يستحق الوقوف هذا الموقف.

وقف كل من عاصم وآدم أمام بعضهما البعض كأسيدين متصارعين على نفس الفريسة، ولكن هنا الوضع مختلف فكلاهما يتصارع ليعطيها حنان العالم وحبه بين يديها.

وأمام الثلاثة رجال قامت نور بحركة فجائية لم يتوقعها أحد من الثلاثة، فلم تستطع التخلي عن عاداتها أمام أي موقف تخاف أو تتوتر منه عندما يقترب منها شخص غريب عنها؛ لذا تراجعت وانكلمت خلف ظهر آدم، والغريب! أنها فتشت سريعاً في تلك الحقائق حتى أخرجت طرحتها ووضعتها فوق شعرها، فعلى الرغم من تلك الحركة البسيطة إلا وأنها تحمل الكثير من المعاني؛ لذا شعر آدم بارتياح من أن نور لن تتركه.

سأبقى لِكِي الروح في هذا الكون
فإن لم أكن لِكِي فلمن أكون
يا سيف حياتي وتاج عمري المصون
بكي وحدك ينبض فيفيض نهري المجنون
فتعالى أكتبك حرفاً قلبي المكنون
ولكـي وحـدك
على سطح القمر
يسقى منه العشاق الحلم والسهر
وسأنقش اسمك على كل حبة مطر
لتفوح الأرض بعطر روحك بعد حلم منتظر

أما عاصم فنظر له متحدياً وكأن عينيه تقول لآدم أنا لن أتركها لك فهي حبيبتى قبلك، وأنت عدوي اللدود.

مر هذا المشهد في خلال لحظات قليلة، ولكنها حملت المعاني الكثيرة، ونطقت بالمشاعر المكونة عند كل الأطراف، وجعلت كلاً

منهم يعترف لنفسه عما حاول قلبه أن يخفيه.

بعدها دخلت مدام حكمت ولاحظت وقفة الثلاثة أسود والغزاة خلف ظهر أسد بينهم حيث قالت: إيه يا جماعة واقفين على باب المكتب كده ليه؟ تعالوا أعرفكوا ببعض.

وشاورت لنور بالتقدم وقالت لها: تعالي يا نور شوفتي المفاجأة عارفة مين دول؟ دول...

قاطعها تصرف نور الفجائي، فما كان منها إلا أن بكت بشدة وركضت مسرعة لحجرتها بعدما سقطت منها كل الحقائق التي كانت تحملها حيث تحولت فرحتها لصراخ وبكاء.

لنتركم جميعاً مصدومين من تصرفها، وكل منهم يعطي لنفسه سبباً لذلك التصرف ولكن بطريقة مختلفة عن الآخر.

كاد قلب آدم يتمزق على قطته دون أن يعلم ما أصابها وهو يقف هكذا عاجزاً عن فعل أي شيء، بينما كان شعور عاصم مشابهاً لشعور آدم وارتعد جسده خوفاً عليها وكاد أن يهرول خلفها، أما حسام فقد كان أكثرهم للوصول لحقيقة ما حدث.

بينما أسرع مدام حكمت لترى ما حدث لها، في حين ارتمت نور بحضن فريدة وقالت باكية: هياخدوني.. هياخدوني من آدم يا فريدة.

فريدة بذعر: هما مين دول إلهي هياخدوكي؟!!

دخلت مدام حكمت بقلق جذبت نور لحضنها وقالت: مالك يا حبيتي.. مالك يا نور جراك إيه؟

نور وقد تالأأت الدموع فوق خدودها: هياخذوني يا ماما من آدم.

مدام حكمت: إنت عارفة دول مين؟

نور: أيوه.. دول عاصم وحسام ولاد عمي.. لكن هاييعدوني عن آدم.

مدام حكمت: للدرجة ديه متعلقة بآدم يا نور؟

نور: أيوه.. أيوه.

سكتت مدام حكمت للحظات ثم عادت قائلة: على العموم مفيش حد يقدر يجبرك على حاجة وأنا موجودة.. لكن الشهادة لله ولاد عمك بيحبوكي.. كل الحكاية إنهم هايخدوكي أسبوع يفسحوكي فيه ويرجعوكي تاني.

نور بصوتها الباكي: لا يا ماما حكمت ماتخيش عليا هما جايين ياخذوني.

مدام حكمت: الظاهر إنك مش بتصدقي حد إلا آدم.. أنا هاخليه يجي يفهمك بنفسه.

- بنفسك بتفسحها.. وبتوصلها كمان لحد الدار؟

قالها عاصم وهو يصافح آدم بكبرياء وبعدها قال: يا ترى دلوقتي افكرتني يا آدم باشا.. عرفت إنك بقيت ضابط.

آدم: طبعا فاكرك، ملامحك ما اتغيرتش كتير يا عاصم.

عاصم بخبت: أنا كمان عمري ما نسيت ملامحك، ولا كلامي معاك يوم ما جيت أودع نور، وفاكر كل حرف فيه.

ثم سكت عاصم للحظات وعاد: آه كمان عايز أشكرك جدًّا؛
لأنك نفذته وخليت بالك منها وكنت مكانى.. لكن دلوقتي أنا رجعت
ارتاح بقى شوية يا آدم.

وكأن عاصم أراد أن يقول له إنه الأصل، أما أنت يا آدم مجرد
صورة لا مكان لها في حالة وجود الأصل.

تبسم آدم وقال: على العموم ما تشكرنيش؛ لأن مش وعدك بس
إللي خلاني محافظ على نور.. أنا حافظت عليها لأنها بقت زي أختي
يا عاصم.

عاصم: كويس إنك اعتبرتها أختك.. وطبعًا فاكِر وعدنا؟
آدم لنفسه: وعدنا! آاه من وعدنا، لقد قسمني وعدنا لشخصين
متصارعين أخ وحبیب.

عاد آدم بصوت مسموع: هاه، وعدنا آه طبعًا فاكِره...
قاطعَه عاصم: طيب خليك يا آدم فاكِره؛ لأننا هناخدُها أسبوع
واحد الفيلا، ونرجعها تاني قبل ما نرجع إيطاليا.

ويا لها من فرحة عارمة فرح بها آدم، وكأنه قد فك من حول رقبتَه
حبل المشنقة وتأجل الحكم لأجل غير مسمى، ثم جاءت مدام حكمت
في نفس الوقت وقالت: ادخل يا آدم هديها.. مفيش غيرك إللي يقدر
يخرجها من إللي هي فيه.

هرول آدم سريعًا دون أن يبالي بنظرات الغيرة التي تتطاير من
أعين عاصم الذي أعلنت أمامه مدام حكمت أنها قد اختارت آدم للمرة
الثانية، لكن بشكل غير مباشر، ثم أوضحت لعاصم أنها تعلم جيدًا أنه
يحبها، وأنه يغار من آدم، ولكن لا مجال لهذه الغيرة، فأدم أخوها الذي

قام بتربيتها، وقطعًا لا بد أن تتعلق به، خاصة أنها لم تجد أمامها إلا هو خلال الفترة السابقة.

أما عاصم فكان يريد أن يصدق ما تقوله مدام حكمت، ولكن قلبه لا يصدق، وعينه التي شاهدت فزع كل من آدم ونور لا تكذب، ولكن هي حرب وحتماً ستكون نور في الآخر ملكه.

- ده في المشمش.. مفيش حد هايقدر يبعدنا عن بعض.. ده إحنا عشرة عمرياً نور.

كان ذلك رد آدم على نور حيال تخوفها من مجيء عاصم وحسام اللذين حتماً سينهيان تعلقها بآدم على حد زعمها.. قبل أن يطمئنها آدم بتلك العبارة ثم عاد مرة أخرى قائلاً: صدقيني هو أسبوع بس هاتروحي معاهم بعدها هيسافروا وترجعني هنا تاني، بعدين إنتي معاكي الموبايل.. ساعتها هاقدر اطمن عليكى كل لحظة.

أيقنت نور من صدق هذا الأمر فقد اعتادت أن تصدق أي شيء يخبرها به آدم حتى لو حدثها عن أشياء بعيدة عن المنطق، فستصدقها أيضاً.

أوضحت له نور أنها ليست خائفة من أبناء عمها.. لا بل إنها تحبهم كثيراً، وأنهما ذات قيمة كبيرة في عينها كجبال من الذهب، ولكن لا بد أن تخشى تلك الجبال، لو وضعت نفسها سداً منيعاً بينها وبينه.

ولكنها قامت من فوق فراشها لترحب بأبناء عمها كما قال لها آدم، فهو حريص أن تصل رحمها كما أمر الدين، وبينما تستعد لذلك إذ بحجابها يسقط من فوق رأسها ليهم آدم بالتقاطه سريعاً ويتقدم ليضعه فوق رأسها مرة أخرى، فجأة دخلت مدام حكمت بصحبة حسام وأخيه

عاصم الذي اشتعل قلبه غيرة من رؤيه هذا المشهد، لتسقط نور فوق قلبه الماء البارد، وذلك عندما ابتسمت له ومدت يدها قائلة: ازيك يا عاصم.. على فكرة إنت وحشتني أوي.

ليبتسم عاصم ويضغط على يدها بحرارة وكأنه لم ير شيئاً ثم قال لها: ما اتغيرتيش خالص يا نور عن زمان.

بينما رحب بها حسام وهو يقول لأخيه: ما اتغيرتش ازاي يا أخي.. ديه بقت عروسة زي القمر أهيه.

يبدو أن عاصماً قد ارتاح وأشعلت نور النيران في قلب آدم دون أن تدري ولكنه تماسك، فلم تكن هذه المرة الوحيدة الذي سيشعر من خلالها بالغيرة.

أمرت مدام حكمت نور أن تجهز حقيبتها فلا مانع من مغادرة الدار لهذه الفترة القصيرة بينما تساءل آدم: هو الحاج مجاش معاك ليه؟ سعد عاصم بذلك السؤال، الذي ستصبح إجابته ناراً تكوي في قلب آدم حيث رد: بابا هناك في إيطاليا... هي هاتيحي معايا أنا بس.

كادت ملامح آدم أن تنطق من الغضب ولكن بادرت مدام حكمت قائلة: وده يصح يا بني.. شابة تسكن مع اتنين شباب؟!!

قال آدم: طبعاً ما يصحش، ومش أصول كمان.

عاصم بضيق: وإيه دخلك إنت ديه بنت عمنا وإحنا حرين فيها.. كمان إحنا مش لوحدنا.. معانا الشغالين وبنات خالتنا.

مدام حكمت: مفيش حد حر فيها إلا أنا يا عاصم.. ما دامت هنا تحت رعايتي في الدار بتاعتي.

عاصم: يعني إيه؟

مدام حكمت: يعني آدم يوصلها لحد الفيلا ويطن عليها ويرجع.. أنا عارفة إنك صادق يا بني، لكن أهو علشان قلبي يطن. حسام مهدئاً للموقف: بالراحة يا عاصم الناس مغلطتش، وبعدين يا سيدي إحنا المفروض نشكرهم لأنهم خايفين على بنت عمنا. عاصم في نفسه: يا له من آدم يشاركني بها حيثما ذهبت. ثم بصوت مسموع: خلاص يجي يطن عليها مفيش مشكلة. سعدت نور عندما علمت أن آدم سيأتي لتوصيلها. وبالخارج:

فتح عاصم باب سيارته الأمامي وأشار لنور أن تجلس بجواره بينما جلس حسام وآدم في الخلف حيث بحث عاصم عن أي شيء يغيظ به آدم فلم يجد أي شيء سوى أن قال لنور: على فكرة يا نور إنتي احلويتي جداً وكبرتي أوي، بس تصدقي شكلك مختلفش كتير عن الصورة إللي رسمتهالك في خيالي.

نور بتلقائية: طيب إنت ليه كنت بتتخيلني؟ أنا من وقت للتاني كنت بابتعت صورتني لعمي من موبايل ماما حكمت.

عاصم: الحقيقة أنا كنت قاصد مشوفكيش، وكنت مصمم تفضلي على الصورة إللي أنا رسمتهالك.

وعندئذ ابتسمت نور ولم تعلق بينما قال حسام: من وقت للتاني إيه يا نور.. ديه هي مرة واحدة يتيمة إللي بعتلنا فيها صورتك، ولا إنتي غاوية بكش؟

ضحكت نور وقالت: زي ما إنت يا حسام ما اتغيرتش.
سكت آدم واكتفى بهز قدميه.. دليلاً عن الغيرة المكتومة في قلبه
بينما عاد عاصم قائلاً: أنا هاجيبلك موبايل علشان كل موقف تصوري لي
نفسك كأني معاكي بالضبط.

نور: ملهوش لزوم، آدم ربنا يخليه ليا.. جاب لي النهارده موبايل.
شعر عاصم أيضاً بالغيرة ليهز قدمه هو الآخر، ولكن فوق البنزين
ليسرع بالسيارة ليعبر عن ضيقه من ذكرها لآدم.

وصلوا جميعاً إلى الفيلا، ثم نظرت نور إلى أشجارها وأركانها
وتذكرت حزينه ذلك اليوم الذي خرجت منها، ولم تعد لها سوى الآن.
وما أن دخل الجميع إلى الفيلا إذ بسارة وياسمين تقفان على
السلالم فور سماعهما لصوت محرك السيارة، وقد ارتدت كتاهما
بنطالاً مثقباً من كل ناحية وكأنهما كانتا تهرولان أمام مجموعة من
الكلاب التي تسببت هي بذلك حيث قالت سارة: بقى كده يا سي
عاصم.. مش قولتلي إنك هاتفسحني وفي الآخر ضربتني بمبة.
عاصم: اهدي يا سارة.

بينما انكشمت نور كالعادة خلف ظهر آدم الذي قال لها:
ماتخافيش دول بنات خالة عاصم.

نور بتلقائية: بس دول حلوين أوي.
آدم: حلوين إيه دول زي عرايس المولد.. إنتي أجمل يا نور
حياتي.

نور بهمس: بجد.

آدم: اسكتي بس المهم مالكيش دعوة بيهم.
أمسك عاصم نور من يدها وقال: أقدملك يا نور؛ ديه سارة
وياسمين بنات خالتي.
نظرت نور لسارة وياسمين وقالت: أهلاً أبله سارة.. أهلاً أبله
ياسمين.

سارة: أبله إيه يا بنت إنتي.. ده إنتي إللي يشوفك يقول إنك أكبر
مني.

انكمشت نور سريعاً خلف ظهر عاصم عندما شعرت بهذا
الهجوم عليها، بينما علا عاصم من صوته: نور بنت عمي، وكل إللي
في البيت لازم يحترمها الصغير قبل الكبير.

سارة: وهو حد كلمها.. ما هي إللي جاية تتريق علينا أهوه.

عاصم: مش بالشكل ده يا سارة ده بالعقل.

سارة: يعني تقصد إني مجنونة.

آدم: لا هو ما يقصدش كده يا أنسة سارة؛ هو...

قاطعته سارة: اسكت يا إنت.. أنا ما وجهتش ليك كلام.

نور: يا إنت إيه؟.. ده ظابط على فكرة.

تضايق عاصم من دفاع نور عن آدم.. بينما قال حسام هو الآخر:
الكلمة ضايقتك أوي، طيب ما إنتي فعلاً أكبر منها بحوالي ست أو سبع
سنين.

نور بهمس: أنا خايفة منهم يا آدم لما تروح وتسبني.

آدم: ماتخافيش.. أنا هاتصل بيكي دايماً؛ علشان اطمئن عليك.

قطع آدم المشاحنات التي شنت بين سارة وعاصم، ثم نظر لعاصم ومد له يده وقال: استأذن أنا بقی يا عاصم.

صافحه عاصم وتقدم معه خطوات للأمام وقال: أشكرك يا آدم على كل شيء حلو قدمته لبنت عمي، وأشكرك مرة ثانية على وفائك بالوعد.

آدم: قولتلك يا عاصم ديه زي أختي.. بس لازم توعدني بشيء أنت كمان.

عاصم: اتفضل.

آدم: توعدني إنك توفر ليها الأمان في بيت المفروض إنه بيتها.. أنا بوصيك بكده خصوصًا بعد ما شوفت بعيني تصرفات بنات خالتك. عاصم مبتسما: اطمئن.

الحقيقة.. لم يكن عاصم كارهاً أبداً لآدم أو آدم كارهاً لعاصم، فهما يحبان بعضهما، ولكن حب يتوارى خلف رداء الغيرة.. فالغيرة هي الشيء الظاهر على كل منهما. أما الحب فهو ساكن في قلوبهما.. فكيف يكره عاصم من حافظ على ابنة عمه خلال هذه السنوات؟ وكيف يكره آدم من يحافظ على حبيبته الآن؟ فعاصم وآدم يبدو أنهما شخص واحد أمام الجميع.. إلا في عين نور فهما شخصان؛ أحدهما أخ، والآخر حبيب.

ساد الهدوء مرة أخرى داخل الفيلا، فقد جلس حسام بجانب ابنة عمه يداعبها وهي تضحك على خفة دمه في الغزل بينما كانت تهمس ياسمين لأختها: أنا مش قادرة أفهم ازاي ديه طفلة.. ديه جسمها وكأنها عشرين سنة.

سارة بضيق: إنتي هاتتغزلي فيها إنتي كمان ولا إيه؟ مش كفاية
عاصم الهيمان.

ياسمين: بصراحة هي البنت حلوة.. وشهها كله براءة.

سارة: طب غوري بقى.. ولا أقولك أنا هاروح أكلم أنطي خيرية
أقولها على كل إللي حصل.

- طيب وهو إيه إللي حصل يخليك قلقان ومتوتر كده.. ديه مع
ولاد عمها.. يعني لازم تطمن عليها.

هكذا كان سامح يحادث آدم.

آدم: إللي قلقني بنات خالة عاصم.. الحاجة الثانية إني خايف
يكون عاصم بيحبها حب رومانسي!

سامح بدهشة: إن كان على بنات خالته.. فهو يقدر يحميها منهم
كويس.. أما عن خوفك إنه بيحبها.. فإنت عارف كويس إنه بيحبها..
وهايتجوزها كمان.

سكت سامح لحظات ثم قال: إلا إذا كنت بقى إنت بتحبها
وغيران عليها.

آدم: قولت لك ألف مرة يا سامح.. ديه زي أختي ليه مش
مصدق؟

سامح: لإنك بتكذب يا آدم، وبتدي لنفسك مبررات مش
مفهومة.

آدم: وحتى لو كنت بحبها.. هاعمل إيه يا فالح في الوعد إللي
وعدته لعاصم.

سامح: لا، ما تقلش افرض.. لإنك فعلاً بتحبها.. وقاعد أهو
خايف.. إن مشاعرها تكون متقلبة وتنسك وتحب عاصم.. أما على
الوعد فده كان وعد أطفال...

قاطعہ آدم: أنا هاقوم أنام.. الكلام ما منوش فايده معاك.

سامح: خليك كده مكابر لحد ما تضيع منك يا حضرة الظابط.
يبدو أن الكلمة أوجعت آدم.. فهو بالفعل يخشى ضياع نور منه
خاصة بعد ظهور عاصم في حياتها مرة أخرى..

أغمض آدم عينيه ولكن، بدأ النوم يهرب من عينيه كما يهرب من
عيون المحيين والخائفين أيضًا.

- والله أنا كمان يا أخي مش جايلي نوم.

كان ذلك رد حسام.. عندما أمر عاصم ابنة عمه نور أن تذهب
لتنام، وأجابته

هي: مش جايلي نوم يا عاصم.

وعندما ألح عاصم مرة أخرى قاصدًا إراحتها قالت: حاضر يا
عاصم.

ضحك حسام وقال: أحبك وإنتي مؤدبة ومطبعة.

نور بحزن: لا ده لإنني متعلمتش إلا إنني أقول حاضر لإنني أصلاً
معنديش اختيار.

تبدلت ابتسامة حسام لتوتر بينما تصدع قلب عاصم لكلامها لما
حمله من ألم.

عاصم برجاء: إحنا آسفين يا نور.

نور: لا أنا مش زعلانة، والله أنا أصلاً بقيت أقول كلمة حاضر
دايمًا وأنا راضية.

عاصم بتودد مد لها يده وأمسك منها حقيبتها وقال وهو مبتسمًا:
اعتبريني الدادة بتاعتك ومد الأخرى لها.

نور بخجل: آسفة علشان حرام.

عاصم بدهشة: طيب مين الشاطر إللي قالك تعملي كده.

نور: آدم.

عاصم فى نفسه: تسلم يا آدم.

سارة لنفسها بغیظ: والله عال بقى عاصم رجل الأعمال إللي
بيشتغل تحته موظفين يقول لمفوضة زي ديه اعتبريني الدادة بتاعتك.

- يا ستي إنتي مالك متضايقه ليه؟ قُلت هارتبلك هدومك في
الدولاب يعنى هارتبها لك.

وبالفعل أخذ عاصم يرتب ملابس نور في دولاب غرفتها رغمًا
عنها، لأنها لم تشأ أن تجهده وبينما هو يرتب الفساتين.

سأل عاصم: دول جداد؟

نور: أيوه.. آدم إللي اشتراه ملي النهارده.

عاصم لنفسه: مش عارف أحبك ولا أكرهك.. ولا أنا بحبك
بس بغير منك حقيقي! إنت إنسان باكن له كل احترام بس اعذرني ديه
نوري أنا.. ولحد هنا يبقى استوب.

عاصم لاحظ التوتر على ملامحها فسألها: مالك يا نور؟

نور: أصل أنا عمري ما نمت في أوضة لو حدي وبصراحة خايقة.

عاصم بحنان: ما تخافيش يا نور.. أنا باسهر مش بنام بدري.. لو احتاجتي حاجة اندهيلي.

ازداد الخوف في قلب نور ولكنها لم تجرؤ على نداء عاصم في هذا الوقت من الليل، فأمسكت بالهاتف لتحدث أمانها الوحيد الذي عندما شاهد اسم نور على هاتفه إلا ورد سريعاً وسألها بقلق: مالك يا نور؟

بكت نور: أنا خايفة يا توءم روحي.

لم يدعها آدم تكمل ولكنه قال: اقفلي أنا جايلك حالاً.

نور بسرعة: لا.. لا ماتتعبش نفسك.. بس أنا خايفة أنام لوحدي. وما أن عرف آدم سبب خوفها إلا وهدأ قليلاً، وبحنان قال لها: اهدى يا نور، وأنا هافضل معاكي عالتليفون يا ستي لحد ما تنامي. نور بطفولية: بس أنا كده هاتعبك.

آدم: لا يا حبي.

وتنبه لما قاله فجأه.. فأسرع يعدل من كلامه وتنحج: احمم قصدي مفيش تعب المهم عندي إنك متكونيش خايفة.

وقد ظن أنها لم تسمع كلمته، ولكن هيهات فقد خرجت منه بدون قصد لكنها خرجت بصدق من القلب، وما يخرج من القلب يصل للقلب، ولهذا سمعتها نور وشعرت بكل معانيها حتى وإن تنحج وتراجع فقد فات وقت التراجع.

- لا، مش تراجع يا سامح ولا حاجة.. أنا مش هاسيبك لكن كأخت أو صديقة.

ويا لها من رصاصة أصابت قلب سامح عندما سمع من ليلي
هذه الكلمة لذا قال: ليه ده كله؟ قوليلي مبرر واحد يمكن يكون فيه
حاجة إنتي شايفها أنا مش واحد بالي منها.

ليلي بيكأ: صدقني يا سامح سواء اتكلمت أو سكت النتيجة
واحدة، وهو إن حبنا وارتباطنا مش هيكمل.. فليه الداعي إننا نعذب
نفسنا عالفاضي؟

سامح بنفس العصبية: بس أنا مصمم إنى أقابلك.. واتكلم
معاكي.

ثم أكمل قائلاً: ومش هاقبل غير كده، إلا لما أعرف إنك كرهاني
وهتقدرني تنسيني.. هاتقدرني تنسيني يا ليلي؟
لم تجب ليلي ولكنها كانت تبكي فقط.
أنهى سامح معها المكالمة حتى لا تزداد حالتها سوءاً، ولكنه
صمم أن يقابلها وجهًا لوجه.

فريدة: حد يقول لحبيبه كلام زي ده على الصبح يا ست ليلي..
تقدرني تقوليلي مش عايزة ترتبطني بيه ليه.. رغم إنك بتموتي فيه؟

قالت ليلي بضيق: مش عارفة ليه يا ست فريدة؟ علشان إحنا
تربية ملاجى وأهله إللي من الصعيد الجواني طبعًا هيرفضوا.. علشان
إحنا زي النمل مخلوقين بس علشان ننداس بالجدم.

فريدة: مالك يا ليلي.. إنتي ليه مكبرة الموضوع.. هو إللي هيجي
يتقدم، وإن أهله رفضوا.. ساعتها هايتجوزك غضب عنهم.

ليلي: علشان أبقى نسخة تانية من أمك إللي جابتك هنا وماتت
يا فريدة.

بكت فريدة سريعًا وقالت: عندك حق.. أنا آسفة.
احتضنت ليلي فريدة هي الأخرى: أنا إليلي آسفة يا فريدة إني
ضايقتك.

جففت فريدة لليلي دموعها، ولنفسها أيضًا ثم تبسّمت وقالت:
يلا بلا هم.. الأكل هو الأهم.. قومي يلا علشان نفطر.
- فطار إيه ده يا نور.. ده إنتي مالحقتيش تاكلي لقمة على
بعضها؟

ردت نور على حسام: أصل أنا متعودة على نظام الدار أكل بسرعة.
عاصم: طيب سيبى كل حاجة مكانها، الشغالين هما إليلي
هيشيلوا كل حاجة.

سارة بكل غرور: تربية ملاجى بتكون متعودة على كده طبعًا.
وعندئذ.. اتصدمت نور من جملتها وسقطت من يدها الأطباق،
وتهشمت جميعها وتهشم قلبها أيضًا، ونزلت دموعها بصمت وتركتهم،
وهرولت إلى السلم لكي تسجن نفسها في حجرتها ربما لتكمل بكاءها.
عاصم بعصبية: إنتي إيه إليلي قولتية ده؟ إنتي مجنونة؟!

ثم عاد بصياح وبعصبية أكثر: باقولك إيه؛ نور ديه خط أحمر وإلا
هتكونى إنتي بره وهي جوه، ومتنسيش إنها صاحبة بيت، وإنتي إليلي
ضيفة، ومتخلينيش أتبع معاكي أسلوب ميعجبكيش وتشوفي وشي الثاني،
ومتنسيش إنها بنت عمي ولحمي وهتشيل اسمي فيما بعد إنتي فاهمة.

حسام بغيظ هو الآخر قال لهم: إنتوا الاتنين مشوفتش زيكو
مثيل، واخلوا بالكو لو حد فيكو ضايقها تاني أنا قبل عاصم هوريكو.

بعدها.. ذهب عاصم إلى غرفة نور ليطمئن عليها فوجدها تبكي، وهي تحادث آدم بالهاتف وترجاه أن يأتي ليصحبها للدار مرة أخرى. أخذ عاصم من يدها الهاتف وما أن سمع آدم صوته إلا وقد صاح معاتبًا: كده.. يا عاصم ده إللي وعدتني بيه.. طول الليل تنام مرعوبة والصبح تنهان.

عاصم بحدّة: أنا مش محتاج حد يوصيني على بنت عمي. وإللي في يوم هاتشيل اسمي.

ثم أغلق مع آدم، ونظر لنور وجفف دموعها برفق، وترجأها أن لا يرى هذه الدموع ما دام على قيد الحياة، فمن الممكن أن يكون أخواها، أو صديقها الذي تقص عليه أي شيء يضايقها فهو أقرب لها من آدم.

شعرت نور بصدق مشاعره، وأنه ما زال يخاف عليها أكثر من ذي قبل، وكأنها ترى أمامها عاصم الطفل الحنون حيث مد لها عاصم يده وأمسك يدها وقال: طيب يلا بقى يا نوري.. تعالي نتفصح ونفطر بره أحسن عاصم مكملش فطاره، وده يا ستي ممكن ياكلك إنتي شخصيًا لما يكون جعان.

تبسمت نور في وجه عاصم ابتسامة عريضة.. جعلته متجمدًا مكانه للحظات.

يا راسمًا على شفاهي ابتساماتي
وماسحًا بسحرك جراح حياتي
أهديك باقة من الأشواق
وحنينًا يسكن الأعماق

مثله كمثّل آدم الذي تجمد أيضًا بمكانه عندما صارحه عاصم بالفعل أن نور ستصبح شريكة حياته المستقبلية، ولكن كان عزاؤه في حيرته وحزنه أن نور قد اتصلت به لتخبره عن عقاب عاصم لسارة كما استأذنته في الخروج مع عاصم وحسام، حينها أيقن أن تلك العصفورة ما زالت ترقد تحت جناحيه ولكنه خائف، فإنه لم يخطُ خطوة واحدة للأمام.. لم يصارح نور بحبه.. حتى وإن صارحها فقد لا يفيد ذلك بشيء سوى التقليل من نفسه أمام عاصم فقط، فهو على أي حال يشعر أن نور تبتعد عنه حتى وإن سافر عاصم بعد أيام، فسوف يظل خائفًا.

- يا ستي ما تخافيش.. ماهو أنا معاكي أهو.

هكذا طمأن عاصم ابنة عمه نور حينما وجدت سارة وياسمين داخل السيارة في الوقت الذي استعدت فيه للنزّهة مع عاصم وحسام.

نور: هاتودينا فين يا عصوم؟

عاصم: أي مكان تختاربه إنتي يا ست البنات.

سارة: فيه إيه يا حسام يلا اتأخرنا.

حسام: تعالي يا سارة إنتي وياسمين هتركبوا معايا.

سارة بعصيبة: ليه بقي؟ ده أنا خطييته.

حسام بسخرية: إيه ده.. هو عاصم أخويا خطبك ومعزمنيش؟

والله لأعاتبه لما نرجع.

أشار حسام لنور لتجلس بجوار عاصم، واقترب من شباك

عاصم وقال له: عد الجمایل وادعيلي إن ربنا يصبرني على ما بلاني،

وأتكّ عالدعوة شوية أصلهم بلوتين مش بلوة واحدة.

وحينها لم تستطع نور أن تتحكم في نفسها، فانفجرت ضاحكة على طريقته.

مر اليوم بسعادة على نور.. ومع ذلك لم يفارق آدم عقلها فيين اللحظة والأخرى كانت تريد أن تحادثه ليشاركها سعادتها، وعلى الرغم من ذلك شعرت أن سعادتها يوم كانت مع آدمها أكثر:

أفتقدك بالرغم من كثرة الأصحاب

أريدك وأنا بين شلة الأحاب

فبدونك أحيا بلا أمن ولا اطمئنان

ولكنها الآن سعيدة بروح الأسرة التي جلبت لها الحرية، حتى ولو أيام فقط، لم تدرِ نور بنفسها إلا وهي تغني، ومن خلفها الناس تتجمع وكأنها تستمع إلى بلبل، وكان من بين هؤلاء المعجبين شاب يدعى رامز.

لم يشعر به عاصم إلا وقد وضع رامز يده على كتفه، وحينها احتضنه عاصم، ولم لا يشتاق عاصم لزميل الدراسة في إيطاليا وحينها قال عاصم لنور: أقدملك يا نور رامز صديق الغربة.

رامز بإعجاب: معقول يا عاصم ديه نور بنت عمك إल्ली كنت بتقول عليها طفلة؟ أنا حاسس إنك أكيد كنت بتتكلم على واحدة تانية.

عاصم: لا، هي، تخيل شوف كبرت ازاي.

رامز: على فكرة إنتي صوتك حلو أوي، وبصي حواليكى الناس إल्ली اتجمعوا على صوتك وإنتي تعرفى إني مش بجمال.

عاصم بغيرة: احمم وازي طنط يا رامز؟

رامز: ماما ونُهي أهم معايا؛ أصل الست نهى هتتجوز بكرة
وقررت إنها تودع حياة الشقاوة بفسحة في الملاهي.

أشار رامز لنهي ووالدته فاقتربا منهم.

رامز: تخيلي يا ماما ديه تبقى نور بنت عم عاصم إللي كان
بيحكينا عنها.

والدة رامز: معقول ده إنتي بقيتي عروسة أهه وعايضة عريس.

شعر عاصم بالضيق.. وحاول أن يستأذن.

والدة رامز: لا، مش هتمشي إلا لما تواعدني إنك إنت ونور
هتيجوا بكرة فرح نهى.

عاصم: والله الرأي يرجع لنور، ونظر لنور ليستمع لرأيها.. ها
موافقة يا نور؟

- طبعًا موافق وديه عايضة كلام.

أجابها هكذا آدم بعد أن استأذنت منه بذهابها إلى حفل زفاف
بصحبة عاصم الذي اشترى لها فستانًا يتناسب مع هذه المناسبة؛ ذلك
الفستان الذي ارتدته سريعًا وصورت به نفسها ثم أرسلت الصورة لآدم
ليبدي إعجاب به، على الرغم من أنه كان يتمزق من الغيرة فقد أعطى لها
الفستان سنوات إضافية إلى عمرها حتى بدت في سن العشرين.

يا ربي قلبي لم يعد كافيًا

لأن من أحبها تعادل الدنيا كلها

فضع في صدري واحدة غيرها

تكون في مساحة الدنيا كلها

أغلق آدم معها، وبعدها وضع صورتها كخلفية على شاشة هاتفه وهو ينظر لصورتها ويقول: هل ممكن يجي يوم وتنسي آدم يا نور؟
- مستحيل.. مستحيل.

قالتها بالفعل نور.. عندما أراد منها عاصم أن تجلس بالطابق الأرضي معهم جميعاً لذا اعترضت نور بهذه الكلمة خوفاً من الاحتكاك مرة أخرى بسارة وياسمين.
عاصم: ملكيش دعوة بيهم، إنتي صاحبة البيت وإللي مش عاجبه يسبيه.

وسحبها فجأة من يدها خلفه وخرج بسرعة.
نور وهى تسحب يدها منه بهدوء: هى مش سارة خطيبتك إنت ليه بتعاملها كده؟

وهنا صاح عاصم غاضباً: يعني آخر صبري يكون سارة؟!
كادت نور أن ترد لعلها تزيل حملاً يقف على صدرها، فكانت تريد أن تقول له اتركني وشأني، وعش حياتك فأنا لأدمي فقط.. إلا أنها تفاجأت بسارة أمامها صاعدة لحجرتها.

وصل عاصم ونور للصالة فوجدوا أن ياسمين وحسام يتشاجرا بطريقة فكاهية على ريموت التلفزيون.

عاصم: إنتو هتفضلوا تتخانقوا كثير؟
ثم وجه كلامه لياسمين: معلىش يا ياسمين كملي الفيلم فوق أنا عايز أتكلم مع نور.

ياسمين: لا، خلاص طالما هترغوا أنا هاقعد معاكو.

عاصم: اقعدني يا نور... نور.

نور: ها، فيه إيه؟

حسام محاولاً إفاقتها: خلي بالك يا نور إنتي مش لابسة حجابك.

بتلقائية وضعت نور يدها على رأسها، واكتشفت أن حجابها يخبو شعرها، وأنها مجرد دعابة من حسام.

بعدها قالت: يا لهوي لو كنت نسيت الطرحة فعلاً كان آدم بهدلني.

تبدلت ملامح عاصم وفي نفسه قال: كل حاجة آدم.

حسام: تعالي يا نور اقعدني جنبي واحكي لي عنك شوية كأني كنت عايش معاك.

نور بحزن: لو حاولت مجرد إنك تفكر إنك تعيش معايا مش هستحمل العيشة.

كان لوقع كلمتها أثرها الواضح على كلاهما والأغرب أنها أثرت في ياسمين أيضاً، ثم تركت نور نفسها لتقص طويلاً عن سنوات عمرها التي قضتها في الدار، وكأنها تقص فيلماً درامياً كانت هي بطلة و آدم هو البطل، حيث أكملت: حياتنا بدون أهالينا في الملجأ زي حياة المريض إللي اتقطع دراعه، إللي لا يمكن يتعوض بدراع صناعي.. يشبه كتير المتطوعين.

ثم وقفت للحظات تجفف دموعها وأكملت: حياتنا في الملجأ.. زي حياة المساجين برده.. أكل بميعاد.. ونوم بميعاد.. كله بميعاد. وكل

الأبواب حوالينا مقفولة لكن الألم فاتح لينا بابه في اليوم ٢٤ ساعة.. حتى كثير من الناس بتبص لينا كإننا مساجين، ونظرتنا إحننا ليهم بتأكد إننا فعلاً مجرمين. دايمًا باصين في الأرض.. حتى مع نظرات الشفقة منهم.

ثم تبسمت نور وعادت قائلة: مش هأقدر أنكر حنان وعطف ماما حكمت عليا طول السنين ديه، لكن إيه الفائدة إن مديرة الملجأ ملاك.. في الأول والآخر اسمه ملجأ.. حتى ولو قابلت أجمل صحبة في حياتك برده لازم تتعذب على إنك هناك علشان سبب واحد، وهو إنك ناقصك حاجات ما تتعوضش علشان تبقي زي الناس إللي بره.

ثم جلست وأغمضت عينيها للحظات وقالت: أما آدم فهو كان المسكن الوحيد لكل الأوجاع والآلام ديه.. كمان علمني ازاي يكون عندي عزة نفس ومقبلش أي هدية من أي متطوع، علمني يعني إيه أرضى بقضاء ربنا لإننا ملناش يد فيه، وأرضى بحياتي علشان ربنا يراضيني، كان دايمًا هو مصدر الحنان والأمان بالنسبة ليا ولحد دلوقتي برده هو مصدرهم.

كادت دموع حسام تنهمر وقد كان يقول في نفسه: إنت حقيقي بطل يا آدم وليك كل التحية والاحترام، ولكن الأغرب دموع ياسمين أيضًا بعد أن انهار جبل الكبرياء الذي كانت تقف فوقه، عندئذٍ شعرت بنور وأدركت أنه كان من الممكن أن ترى نفس مصيرها لولا حكمة الله في ذلك، بينما أيقن عاصم أن نوراً تحب آدم، وتؤكد أيضًا من حديثها أن آدم أيضًا يعيشها، وهو الجدير بالفعل بها، ولكنه قال في نفسه: لن أضحي بقلبي من أجل آدم بل سوف أقاوم حتى النهاية.

- نهاية إيه يا ليلي.. إللي وصلتها مع سامح.. هو إنتو لسه بدأتوا؟

هكذا تساءل آدم.

ليلى: أيوه يا آدم.. لازم أبدأ من تاني مع واحد يكون ليه نفس ظروفى.. أما هو فازاي أهله يقبلوني يا آدم؟

سكت آدم للحظات وكأنه يبحث عن فكرة ثم عاد قائلاً: افرضي يا ليلي إن ربنا خلق شكلك دميم.. يا ترى هاتعيشي دور المقهورة.. ولا هاتحاولي تبيني الجانب الحلو فيكي.. زي ثقافتك.. أدبك أخلاقك.. أو حبك لبلدك.

ثم أكمل: أظنك حابة تعيشي دور المقهورة يا ليلي.. من غير أي مبرر لكده.

ليلى: بس أهله مستواهم عالي أوي يا آدم، وأكيد مش هيوافقوا.
آدم: سامح بيحبك يا ليلي.. عايزة تطمني أكثر؟
ليلى: أيوه.

آدم: خلاص بصي لسامح ازاي متربي.. وإللي متربي متخافيش منه.. ولا من إللي مربينه لأنهم أكيد ولاد أصول.. يقدرُوا يقدر وكي.. ويقدرُوا ظروفاك.

وهنا تبسمت ليلي أخيراً تعبيراً عن اقتناعها بكلام آدم الذي غير في لحظة هذه الدنيا في عينها حيث لم تجد سوى حضن فريدة التي قالت لها بفرحة: مش قولتلك يا هبله إن سامح يموت فيكي وبيحبك.

- مين قالك كده؟ عاصم عمره ما حبني يا ياسمين إلا زي أخته
بالظبط.

تلك الجملة وجهتها نور لياسمين التي نفت: لا يا نور إنتي
غلطانة.. إنتي ما تتخيليش بيحبك أد إيه.. وازاي بيتكلم كتير عنك..
وحاله ازاي في إيطاليا لما يقلق يوم عليكي.

نور: لو كان بيحبني ماكنش سابني للغريب رباني يا ياسمين..
ماكنش سابني اتربي في ملجأ أيتام.. إنتي لا يمكن هاتحسي...

قاطعتها ياسمين وهي تحتضنها ثم قالت بعين تملؤها الدموع:
حسيت.. حسيت بكل إللي شوفتية يا حبيبتي.. أنا حبيتك أوي يا نور.
نور: أنا كمان حبيتك يا أبله.. أقصد يا ياسمين.

ياسمين ضاحكة: لا يا ستي إنتي قوليلي دايمًا يا أبله.. يشرفني
إنك تكوني أختي الصغيرة.

قطع عاصم هذا الحوار عندما دخل من باب الفيلا وابتسم في
وجه نور واصطحبها لحجرة المكتب ثم أخرج علبة بها سلسلة وخاتم
الماظ وقال لها: هاه يا ترى.. الهدايا بتاعتي بتعجبك زي هدايا آدم؟
نور: من غير هدايا يا عاصم.. كفاية عطفك وحنيتك عليا.

تبسم عاصم قبل أن يقول: لا مش عطف.. أنا مستعد أنفذ كلامي
مع آدم واتجوزك، إيه رأيك يا نور؟

ارتبكت نور وقالت: أنا اتعودت إنني ماليش رأي.. لكن إنت
بتحب سارة يا عاصم.. وعمرك ما حبتني غير زي أختك.

أمسك عاصم كتفها بقوة وصاح: ديه طبعا مبررات بتقولها..

لإنك بتحبي آدم.. صح؟

بكت نور بين يديه وقالت: مش كده خالص.. صدقني مش بارفضك.. أنا بس عايزة حد أتسند عليه.. إنما إنت أهو يومين وماشي.
شعر عاصم بتهوره معها.. كما شعر بالشفقة والحنان تجاهها فجأة حتى كاد أن يحتضنها حيث قال لها: أوعدك.. أوعدك يا نور هكون هرم تتسندي عليه، ومش هاسيبك أبدًا.

قاطع رنة هاتفه، فهو رقم أبيه فبسرعة أعطى الهاتف لنور لتحدث عمها مكالمة فيديو، ولكنها خرجت منزعجة عندما قال عاصم كلمته الأخيرة: يلا يا بابا تقل بقي جيبك.. علشان هارجع تاني علشان أتجوز نور.

ثم جلس عاصم شاردًا بحجرة المكتب حتى دخل عليه حسام قائلاً: تصور يا عاصم.. ياسمين عايزة تلبس حجاب.. بركاتك يا ست نور.

ولكن ما زال عاصم على شروده لذا سأله حسام: مالك يا عاصم.. حصل إيه؟

قص له عاصم كل ما حدث ليقول حسام بلا مقدمات: نور بتحب آدم يا عاصم، ياريت ما تجبرهاش على حاجة.

عاصم بضيق: إنت معايا ولا معاه؟

حسام: أنا باحب آدم جدًا، وباحترمه بس لازم أبقى معاك؛ لإنك أخويا.

عاصم: ازاي بقي وإنت بتقولي سيبها؟

حسام: ماقولتش سيبها.. لكن لازم تتعامل مع الموقف؛ علشان تعرف تجيب نور لأرضك.

عاصم بلهفة: ازاي؟

حسام: نور يا عاصم شجرة صغيرة.. مدت جذورها في أرض آدم.. لكن الشجرة الصغيرة ممكن تنتقل من أرض لأرض تانية.. لكن نقلها باللفظ واللين.. من غير ما نكسر أي حاجة فيها... فهمت؟!

يبدو أن كلام حسام كان مقنعًا، وتعد هي الطريقة الأمثل لجذب نور التي دخلت مرة أخرى إليه وقالت في تردد: عاصم هو ممكن آدم يجي معنا الفرح؟

ثم عادت: خلاص لو مش عايز خلاص بلاش.

عاصم بضيق: ما تثبتي على رأي بقى.. عايزاه يجي ولا لأ؟

ثم تذكر عاصم مرة أخرى نصائح أخيه، ليهدأ من صوته ويقول: عمومًا يا نور.. أنا زي أي حد من المعازيم. ما أقدرش أعزم حد، لكن يا ستى لو عايزة تجيبه هاتيه.

نور وهي في قمة سعادتها: شكرًا.. شكرًا أوي يا عاصم.

- شكرًا على إيه بس يا عمري أنا تحت أمرك.

قالها آدم لعمه اللواء محمود الذي كلفه بتوصيل هنا ابنته من النادي للبيت حيث حدث آدم هنا عن طريق الهاتف، وأخبرها أنه ينتظرها أمام باب النادي، وعندئذ خرجت هنا ومعها العديد من أصدقائها وقد كان الأولاد يداعبون البنات باليد تلك البنات التي كانت تضعن على وجهن المزيد من مستحضرات التجميل حتى بدت كل فتاة

منهن كأنها كانت تغوص في بركة من العجير .

هنا: هاي آدم، ازيك؟ عامل إيه؟ معلش بابي تعبك معايا.

آدم بجمود: لا مفيش تعب ولا حاجة... يلا علشان أنا مستعجل.

صديقة هنا: اممم هنا صاحبك وسيم وشكله حلو أوي في بدلة

الضابط والـاو.

ثم مدت يدها لآدم.

آدم بضيق: أنا مش صاحبها! أنا في مقام ابن عمها.

صديقتها: وإيه يعني لما تكون ابن عمها وصاحبها.

بدأ آدم يتعصب وحاول أن يسيطر على نفسه: قولت لحضرتك أنا

مش صاحبها إنتي مسمعتينش، ولا إنتي أصلاً مش بتفرقي بين الاتنين؟

هنا بقلق: خلاص يا آدم يلا نمشي.

صديقتها: على تليفون يا هنون يا قلبي.

هنا وهي تشير له: أوكيه باي يا بيبي.

التفتت هنا تحدث آدم، ولكن وجدته يسبقها بخطوات فنادت:

آدم... آدم.

وقف آدم ليتظرها.

هنا: إيه يا آدم هو إنت مش جاي توصلني؟ أمال سيبتني ومشيت

ليه؟

آدم: أنا مسيبتكيش ومشيت أنا بعدت عن أصحابك المستفرزين

دول.

هنا: فيه إيه يا آدم إنت على طول كده؟

آدم: بصراحة يا هنا أنا مش فاهم إنتي ازاي متصاحبة على ناس
بالمنظر ده، ولا تريبتك ولا وضع والدك يسمح لك تتصرفي بالطريقة
ديه.

قطع رد هنا رنة هاتف آدم.

آدم: ألو.

نور: أيوه يا آدم.. أنا عايزاك تيجي معايا الفرحة.. أنا كلمت
عاصم وهو وافق.

آدم: أجي الفرحة ازاي يا نور.. هو أنا معزوم.

نور: مش مهم يا آدم.. إنت هاتيجي علشانني أنا.. نفسي تشوفني
على الطبيعة وأنا لابسة الفستان الجديد.

آدم: طيب يا ستي.. إن كان كده أنا هاستناكي قدام باب القاعة..
بس اسمعي أوعي تتصوري وتبعتي صورك لحد حتى ولو فريدة وليلي.
نور: طيب.. بس يلا بقى علشان ما نتأخرش.

آدم: حاضر.. حاضر مع السلامة.

شعرت هنا بالضيق من اهتمام آدم بنور حيث قالت: يلا يا آدم
بيه علشان متأخرش علشان نور هانم بتستعجلك، وبعدين تاني مرة
متتقدنيش خلي انتقاداتك للست نور.

آدم بتلقائية: بس أنا مش بانتقد نور في حاجة علشان هي مش
بتغلط.

هنا: يوووه يلا لو سمحت علشان أنا متأخرة.

هز آدم كتفيه ورأسه بدهشة وقال لها: اتفضللي يا أبله.

- لا بقى ده إنتي إल्ली أبله وستين أبله، ما شاء الله يا نور إيه الجمال ده، الفستان مخليكي أكبر مني.

يا لها من حقيقه قالتها ياسمين لنور التي فرحت وتساءلت: بجد شكلي حلو؟

ياسمين: قمر.. كمان مش محتاجة.. ميك أب أو أي حاجة.

نور: يعني هاعجب آدم؟

ياسمين: اשמعنا آدم يعني.. هاتعجبي عاصم كمان.

سرحت نور في آدم ورددت بهمس:

بحبك لأنك عيون الحياة
بشوف بيكي أمني إल्ली انتهى
بحبك لأنك في آخر ندا
ساعات يا حبيبي ياخذني خيالي
وافكر في حالي من غيرك إنتي
لمين يا حبيبي هاكمل حياتي
ده أنا أمنيبي اتبنت بيكي إنتي
بحبك لأنك وهبتي بحبك لقلبي مناه
بفكر في أسرع طريق للقا
في رحلة حياتنا إल्ली هتكون لينا
هتبقني معايا في صبحي ومسايا
هنبقى أنا وإنتي في عالم سعيد

في صمته وجنونه وأمله العنيد
أكيد يا حبيبي هاكمل حياتي
ده أنا أميتي اتبت بيكي إنتي

وصل الجميع للفرح، ودخل عاصم ونور بجواره وعندما
شاهدما رامز أسرع ورحب بهما، بعد أن لفت انتباهه جمال نور
الهادئ، ولكن لم يكن عاصم هادئاً بعد أن لاحظ نظرات رامز
كالرصااص تخترق جسدها؛ لكي يتقدم خطوة للأمام؛ ليتوتر رامز بعد
شعوره أن عاصم قد كشف نظراته لها ليقول: اتفضل يا عاصم.. تعالى
ديه والدتي كانت لسه بتسأل عليك.

عاصم: طيب بعد إذنك هأقعد نور وبنات خالتي على تراييزة
وهاجي وراك أسلم عليها.

رامز: تعالى، أنا حاجز ليكو التراييزة ديه.

أجلس عاصم نور وقال لها: متتحركيش من هنا.. وانت يا حسام
خلي بالك منهم متخليهمش يتحركوا.

استجابت ياسمين لكلام عاصم.. ونور لم يسبق لها أن اعترضت
على أي شيء، بينما سارة اعترضت بشدة وقالت: أمال إحنا جاينين
الفرح ليه علشان نقعد زي التماثيل؟

عاصم بضيق مما ترتديه: أمال إنتي عايزة تعملي إيه؟ مش كفاية
إللي إنتي لابساه جسمك كله باين!

سارة بقصد إغاظه نور: إنت بتغير عليا يا بيبي؟
حسام وهو يلوي فمه وبصوت هادئ: بيبي اممم.

كاد عاصم أن ينطق إلا أنه وجد رامزاً قادمًا عليهم بوالدته.
رامز لوالدته: آدي يا ستي عاصم إللي عمالة تسألني عليه.
والدة عاصم: ازيك يا بني عامل إيه؟ وإيه إللي أخر كوا كده؟
مد عاصم يده وسلم عليها وبأسلوب راقٍ: أنا باعتذر لحضرتك
الطريق كان زحمة.

والدة رامز مدت يدها لنور بالسلام: ازيك يا أجمل بنوته في
الفرح، عاملة إيه يا حبيبتني؟
نور بخجل: الحمد لله.

رامز يراقب نور بنظراته بينما عاصم يتتبعه لذلك.

والدة رامز: أنا عايزة أطلب منك طلب يا نور.

نور بدهشة: مني أنا! اتفضلني.

والدة رامز: عايزاكي تغني بصوتك الجميل ده.

نور بخجل: اأنا... أصل.

عاصم مقاطعًا: معلىش يا طنط أصل نور بيتكسف.

والدة رامز: هو فيه حد بيتكسف الأيام ديه يا نور، طيب ولو

قولتلك علشان خاطرني.

لاحظ عاصم أن نور بدأت تنكمش فيه، وهذا ما أسعده، وشعر

أنه أمانها الوحيد لذا تبسم لها قائلاً: هاه، تحبي تغني؟

حسام: قولي: آه يا نور؛ خلينا نفرش يا شيخة.

نور بصوت هامس وهي لا تزال على نفس وضعها: لا أنا

مكسوفة.

عاصم: طيب سيبها شوية يا طنط، ووعد مني هخليها تغني.
والدة رامز: خلاص طالما وعدتني هامشي وانا مطمئنة.
سارة بحركة مفاجئة جذبت عاصم من يده وقالت: يلا يا عاصم
الموسيقى تحفة يلا نرقص.

نظر عاصم لنور فوجدها جلست مكانها، بينما سار هو مع سارة
لعدم الإزعاج منها وبعد أن ابتعدا لخطوات قال لها في حدة: إنتي
بتستعطي! إنتي بتشديني كده ليه؟

سارة: يلا بقى يا عاصم؛ إنت مش سامع الموسيقى؟
وبدأت سارة بالرقص.

مرت بعض الدقائق رقصت فيها سارة مع عاصم سلو.. وتابعت
بعدها برقصات وحركات غريبة مما جعل الشباب يلتفون حولها مثل
الذباب ما بين مصفق ومغازل أو ملامس لها حيث شعر عاصم بالضيق،
فتركها وعاد لنور، كما أن رامزاً ووالدته قد تضايقا أيضاً وتغير وجههما
وكانهما يشمان رائحة جثة متعفنة.

عاصم لياسمين: عاجبك إللي أختك عملاه؟ وده كمان فستان
تلبسه؟

ياسمين: طيب وإنت مقولتلهاش ليه.

لم يجب عاصم وعاد بنظرة لها، وكاد الغيظ أن يقتله.. مما أثار
شك نور أن عاصمًا شديد الغيرة على سارة، وأن حديثه معها عن الزواج
ما هو إلا نوع من الشفقة، ولكنها تهتم بالأمر لأنها على كل حال.. قلبها
يملكه إنسان آخر.

عاصم بابتسامة: نور.

نور: نعم.

عاصم: أنا كمان عايز أسمع صوتك.

تبسمت نور وقالت: طيب هاتقف جنبى وانا باغني علشان
هاتكسف أقف لوحدي.

عاصم: طبعًا، وهو أنا هاسيبك.

وأمسك يدها متجهًا بها نحو العروس ثم أعطاها المايك،
وبدأت نور تغني، وما كانت تشدو به كان جميعه موجهًا لأدم.....

نور:

حبيته بيني وبين نفسي ومقلتلوش عإللي في نفسي
معرفش إيه بيحصل لي لما باشوف عينيه
مبقيتش عارفة أقوله إيه معرفش ليه خبيت عليه
بضعف أوي وأنا جنبه وبسلم عليه
كل حب الدنيا ديه في قلبي ليك
ده إنت أغلى الناس عليا روحي فيك
ده إنت لو قدام عينيا أشتاق إليك
على بالي ولا إنت دارى بإللي جرابي
والليالي سنين طويلة سيبتها لي
يا انشغالي بكل كلمة قولتها لي
الكلام لو كان يعبر عالحنان

كنت قولت إنني بحبك من زمان
كل يوم الشوق بيكبر عليا بان
على بالي ولا إنت داري باللي جرافي
والليالي سنين طويلة سيتهالي
يا انشغالي بكل كلمة قولتهالي

كان صوتها عذبًا جدًا لذا تجمعت الناس حولها ومنهم من
رقص على صوتها سلو، فقد أعطت طابعًا آخرًا لتلك الأغنية حيث كان
عاصم أشدهم فرحًا وشوقًا حتى أنه غنى لها هو الآخر دون أي خجل.
لم تعلم نور أن آدم قد وصل لباب القاعة واستمع لها، وهي
تغني وعلى قدر سعادته بصوتها إلا أنه كان منزعًا عندما شاهد كل
هذا الجمع يلتف حولها حيال ذلك الصوت وفستانها الجذاب.

إنني أغار منك يا ثوبها حين أراك على جسدها
وعلمت أنها تثق بك وإلا ما وهبتك نفسها
أتحداني يا أيها الثوب وتلتف حول قوامها
ألا تخشاني إذا رأيتك فأقتلك ألم تعلم بأنني أحبها
وكيف أستطيع الانتقام منك وأنت القريب إلى قلبها
يا صديقي يا حبيبي يا عدوي يا من تحمل أسرارها
يا ليتني كنت لك توءمًا أسكن مثلك عندها
أخبرني يا صديقي كيف تضحك وكيف تبكي وماذا يكتب قلمها
هل تذكرني إذا تحدثت هل تلتقيني في أحلامها
هل تعلم أنني مشتاق إليها إلى ابتسامتها إلى سماع صوتها

مزقني الشوق أحرقني البعد ورائحة الجنة في ثوبها
أذابني العشق أماتني الهجر وتتنفس أنت عطورها
ما استطاع أحد أن يحدثها أن يلمسها ومنحك هي نفسها
- توءم روعي..

قالتها نور وهي تهول تجاه آدم.. ليتفاجأ عاصم.. لمن هذه
الكلمة ليجد آدم أمامه؛ ليندهش ويقول لنفسه: توءم روحها؟
قد ظن عاصم أنه خطأ نحوها خطوات عديدة ولكنه أيقن أنه
كان يدور حول نفسه فقط، ولكن لا بأس.

بينما مد آدم لها يده، وصافحها بجمود، اندهشت نور لحال آدم
معها، ودموعها ملأت عيونها وبحزن قالت: إنت مش مبسوط ليه؟
ومقولتليش رأيك في الفستان هو معجبكش ولا أنا إللي شكلي وحش
فيه؟

رق قلب آدم على صغيرته وقال: بالعكس يا نور إنتي زي القمر
وكبرتي كمان، بس أنا زعلان علشان غنيتي وصوتك طلع للناس وأنا
مربيتكيش على كده.

نور: طيب حقك عليا، مش هاغني ثاني ولا هطلع صوتي ثاني.
آدم: لا يا نور غني براحتك بس في البيت لنفسك أو لجوزك
وولادك إنما مش عايز الشباب كده يتلموا عليك، ولا إنتي عجبك
المنظر إللي أنا شوفته ده.

نور بتوسل: توءم روعي علشان خاطري متزعش مني حقك
عليا.

في ذات الوقت آدم ابتسم لها بدفء وقال لها: خلاص يا نور

حياتي أنا مش زعلان.

نور: طيب ممكن تصورني معاك سيلفي.

اقترب آدم منها وقال: تعالي يا ستي وهو أنا أطول أتصور جنب

القمر.

لمعت عين نور بجوار آدم، وبالفعل التقطت الصورة حيث
اقترب منهما عاصم وحسام إضافة إلى ياسمين وسارة.

ضم عاصم يده والغيرة تبدو بوضوح على وجهه وكل ملامحه:
ازيك يا آدم.. إيه مش عايز تدخل ليه؟

مد آدم هو الآخر يده لمصافحة عاصم وقال: أنا آسف يا عاصم،
بس انا مش عايز أسبلك أي إحراج لأنني مش من المدعوين، وانا جيت
بس لإن نور كانت عايزاني أشوفها وألحت عليا.

حسام: ازيك يا آدم.

آدم: الحمد لله.. ازيك إنت يا حسام.

سارة: اممم ليكي حق يا نور تتعلقي بيه لأنه فعلاً وسيم.

عندما استمعت نور لكلام سارة أسرع لتمسك يده وكأنها
تقول: ده ملكي أنا وبس.. ملكي لوحدي.

شعر آدم بتلك الجملة، وضغط على يدها لعلها تشعر بالأمان
وكأنه

يقول لها: ليس لي سواكي.

تضايق عاصم من كلمة سارة وأحس بحركة نور وكاد أن يوبخ
سارة على فعلتها، ولكن قاطعه صوت ياسمين: الحقي يا نور شعرك

ساب من تحت الحجاب.

ارتجفت نور، وبسرعة اختبأت خلف آدم وحاولت أن ترفع شعرها.

وقف الأسدان أمام هذه الحركة وعيونهما بها تحدٍ كبير لبعضهما على الرغم من أن كلاً منهما لم ينطق بحرف وكان أحدهما بأشد حالاته من الغيرة والعصبية الواضحة في رعشة جسمه، أما الآخر وقف شامخًا لا يهزه شيء، فهو وضع أساسيات حبه في قلب صغيرته من البداية، ونور لا تعلم أن بحركاتها التلقائية هذه أراحت نفس واحد، وأشعلت نفس الآخر.

أما حسام فلاحظ التوتر بين الطرفين وابتسم؛ لأنه من داخله كان معجبًا بطريقة آدم في تربية نور وحتى في طريقة عقابها عند غنائها.

نور لياسمين: هاه، كده كويس لميته كله.

ياسمين: آه خلاص.

اقترب رامز، ووالدته منهم.

والدة رامز: والله إحنا متشكرين أوي يا عاصم عإللي عملتوه

إنت ونور.

عاصم: ولا شكر ولا حاجة يا طنط رامز أخويا.

رامز: طيب، حيث كده بقى أنا طالب القرب منك.

عاصم باستفهام: تقصد إيه يا رامز؟!

رامز: طالب القرب منك في نور.

وعندئذ توارت نور كليًا خلف آدم.

عاصم بدهشة: إنت بتقول إيه يا رامز ديه طفلة.
رامز: طفلة ازاي يا بني؟ ما هي عروسة زي القمر أهه.
عجز آدم هو الآخر عن النطق، ولكن الكلام موجه فقط لعاصم.
عاصم فجأة: عموماً أنا كان يشرفني يا رامز، بس نور خطيبي
من زمان، وأول ما تخلص دراستها هتتجوز.
رامز: أنا آسف يا عاصم، أنا معرفش إنك خاطبها.
عاصم: ولا آسف ولا حاجة.. عموماً أنا هستاذن بقى علشان
اتأخرنا.

رامز متوترًا من إحراجة: أنا متشكر أوي يا عاصم على تشريفك
ليا النهارده.

- متشكرة على إيه يا نور.. ديه شوية روايات بسيطة.
نور: طيب يا ترى قرتهم كلهم علشان تختارلي الأنسب يا توءم
روحي؟

آدم: كلهم مناسبين يا نور حياتي.. عندي خبر ليكي كمان
هيسعدك أوي؟

نور: إيه هو؟

- ليلي خلاص وافقت بسامح وقريب أوي هيتجوزوا.

نور: بجد.. إنت متأكد... أنا فرحانة أوي.

آدم: عقبالك يا نور حياتي

نور برق وجهها إلا أنها انزعجت من نداء عاصم عليها.

نور: طيب، أنا همشي يا آدم، ولما تروح كلمني.

آدم: طيب، يلا علشان عاصم ميفضلش واقف كده عيب.
جلست نور بجوار عاصم وقد كان في متتهي الضيق منها.
عاصم: إيه إللي في إيدك ده؟
نور بفرحة ضمت الروايات لصدرها وقالت: ديه روايات آدم
اشتراهالي لإني كنت طلبتها منه.

عاصم بنفس الضيق: وهو أنا أكتع مش هعرف أجيبك روايات..
ليه مطلبتيهاش مني وروحتي تطليها منه؟ ليه دايمًا عايزة تفهميه إنه
أحسن مني وتخليني أحس إني بعيد عنك وإنك مش عملالي أي
احترام ولا وجود في حياتك؟ هاه ما تردى ساكتة ليه؟

بكت نور بشدة وقالت: بس أنا معملتش أي حاجة من إللي إنت
قولتها ديه؛ كل الحكاية إني طلبتهم منه قبل ما أنت تيجي أصلاً.
عاصم وقد هدأ قليلاً فقد عتب على نفسه لصياحه في وجهها،
وكثيرًا ما تسبب في هطول دمعها، على عكس آدم منبع الابتسامة
والسعادة لها.

عاصم: خلاص يا نور اهدي أنا آسف مش قصدي والله، بس
إنتي لازم تقدري شعوري لما أشوف بنت عمي بتطلب من واحد
غريب حاجة وأنا جنبها فأكيد هضابق.

نور وهى تجفف دموعها: بس آدم مش غريب.

عاصم: لا يا نور، آدم غريب ولازم تفرقي بين الغريب والقريب،
هو آه ساعدك كتير إنما برده غريب.

نور بشهقة عالية: لا، آدم مش غريب، آدم أقرب واحد ليا في

الدنيا ديه، ومحدث يقدر يقول عليه غريب.

وانفجرت فى البكاء بهيستيريا.

عاصم: خلاص يا نور أنا مقصدتش إن آدم وحش، أنا عارف
إنتي متعلقة بيه أد إيه، وأنا مقدر ده، وبعترف بفضلته ده يا ستي، بس أنا
كمان غصب عني.

نور: ليه غصب عنك هاه؟

لم يجب عاصم.

نور: ما تتكلم يا عاصم، غصب عنك إنكو سييتوني وهو إللي
أخذ باله مني، غصب عنك إنك ماكتتش تعرف شكلي بقى إيه، وهو
إللي حافظ كل حاجة في ملامحي! غصب عنك علشان...

عاصم مقاطعًا: خلاص يا نور... خلاص ماتدبحنيش بسكينة
تلمة... متعاتبنيش على حاجة أنا كنت زيك مجبور عليها... متعاتبنيش
إنني كنت طفل زيك ومش هعرف أتصرف... متعاتبنيش على...

قاطعته نور: خلاص يا عاصم.

وبدأت تمسح دموعها وتهدي من عصبيتها وقالت له: أقدارنا
ملناش يد فيها، ولو عاتبنا بعض هنكون إحنا الخسرانين.

عاصم بعد تنهيدة: خلاص يا نور، إنتي عندك حق ملوش داعي
الكلام في حاجات فانت ولازم نساها.

- إنساها إنت يا عاصم.. أنا عمري ما هأقدر أنساها.

هكذا حدث آدم طيف عاصم وهو يسير على قدميه مستنشقا
الهواء النقي، وابسامته تزين وجهه، وهو يتذكر شكل نور وجمالها

وهو يقول لنفسه: إنتي حقيقي كبرتي يا نور أنا مش مصدق، لا وكمان بيجيلك عرسان، وعند هذه الكلمة تجهم وجهه وتذكر كلام رامز، وإعلان عاصم بخطوبته منها، فتنهد وأكمل طريقه ونام ذلك اليوم وصورتها معه هي آخر ما رآته عيناه التي نمت وكبرت نور أمامها، تلك الطفلة التي كان يصف لها شعرها، ويحملها فوق كتفه، وبدأ الود والانسجام بينهما.

- ده انسجام بقي ملفت للنظر.

قالها عاصم لنور وياسمين وهما تجلسان في اليوم التالي، وقد بدا على ياسمين حب طباع نور، وبدأت أيضًا تقلدها في الهدوء، والملبس، وفي قراءة الروايات، والصلاة، وقراءة القرآن أيضًا.

عاصم: هاه عاملين إيه؟

نور وياسمين: الحمد لله.

نور: إنت كنتي فين؟ أنا سألت عليك علشان لقيتك خرجت.

عاصم مديده لها وقال: أنا خرجت علشان أجيلك دول.

فتحت نور الحقيبة وقالت بفرحة: الله روايات ربنا يخليك ليا

يا عاصم.

عاصم بحنان: ما أنا مقدرش أعرف إنك بتحبي حاجة

وماجيبها الكيش.

نور: طيب أول ما تخلصهم هاتهم، بس ما تتأخرش عليا فيهم.

عاصم بدهشة: أخلص إيه يا نور؟ أنا مليش في جو الروايات أنا

جايهم علشانك إنتي...

نور تداركت ما قالت وبملامح متغيرة: أوكيه، طيب خلاص سييهم.

عاصم: فيه إيه يا نور؟ مالك اتغيرتي كده ليه؟ هو أنا عملت حاجة غلط؟

ياسمين واقفة مستمعة للحوار وهى أيضًا مندهشة من رد فعل نور وكانت متلهفة لمعرفة السبب.

نور بتردد: أبدًا، أصل أنا افتكرتك هتعمل زي ما آدم عمل معايا. عاصم لنفسه: يا دي آدم إللي دايماً مشاركني فيكي.

عاصم بصوت مسموع: وآدم عمل إيه يا نور وأنا معمלתوش؟ خفضت نور رأسها في الأرض وبصوت هامس وبملامح متجهمة قالت: أصل آدم مكانش بيخليني أقرا أي حاجة إلا لما يقراها الأول علشان لو فيها حاجة مش هتناسب معايا مش بيخليني أقراها.

هنا صُدم عاصم من كلامها كم أحسن آدم تربيتها!

عاصم لنفسه: دايماً إنت الأسبق مني بخطوات يا آدم، دايماً إنت الأفضل في كسب قلبها.

لم يجد عاصم أي جواب نظرًا لخبجه من نفسه، وما كان منه إلا أن تركها ودخل حجرة مكتبه، بعدها دخل حسام على عاصم وقال له: إيه يا بني مالك بقى لك ساعتين حابس نفسك في الأوضة! مش ناوي تخرج ولا إيه؟

لم يجب عاصم.

حسام: اممممم... باين إن الموضوع جامد... قول وفضفض.

قص له عاصم ما حدث.

حسام بإعجاب: أنا كل يوم بيزيد إعجابي بآدم ده.

عاصم: هو أنا بحكيك علشان تقولي كده.

حسام: أنا آسف يا عاصم مش قصدي، بس فعلاً أنا معجب

بتربيته، ومن حسن تصرفه بس مش عايزك تياس.

أكمل حسام: أنا عايزك تعرف نور الأول يا عاصم.. تعرف

العجينة الأول.. علشان تعرف تشكلها ازاي.. وإنت كمان مع نور نفس

الشيء هي رسمت لك صورة وهي صغيرة، وبدات تتلاشى حبة حبة،

وعلشان ترجع وترسمها لك تاني لازم تقرب منها وتحاوطها سواء

وإنت جنبها أو بعيد عنها.

عاصم: طب والعمل.. ده إحنا خلاص الأسبوع قرب يتتهي.

حسام: سافر وارجعلها.. خليك جنبها.. خليك أمانها..

خليك عيلتها.

عاصم بتدبر: ربنا يسهل بس أمك متختر عيش حوارات؛ لأن أنا

قلبي حاسس إنها مش هتعيدها على خير.

حسام: ربنا يسترها، تفاءل خير.

عاصم: إن شاء الله.. لازم زي ما كنت سبب تعلقها بآدم..

هابقى سبب إنها تنساه وترجع حضني تاني.

حسام: حاول يا عاصم، حتى ولو كان الأمر صعب شوية.

عاصم: ليه صعب؟

حسام: أقول لك ومش هاتزعل؟

عاصم: لا.

حسام: لأن الفرق إلهي بينك وبين آدم كبير يا عاصم... هو اداها كل حاجة من غير ما ينتظر حاجة.. وإن انتظرت كل حاجة من غير ما تدي حاجة.. فهمت يا عاصم؟

عاصم: أيوه فهمت.. وأوعدك ده كله هايتصلح.

حسام: ربنا يقرب لك البعيد يا عاصم.. ويريح قلبك.

مر الأسبوع سريعًا حاول عاصم من خلاله أن يعوض نور عن كل ما ينقصها من هدايا وشراء ملابس، وأن يقربها أكثر ويتعرف عليها أكثر حتى إنه يظل كل ليلة جالسًا على المقعد بجوارها حتى تخلد في النوم، ويشعرها بدفء الأسرة والعائلة، ويثبت لها أنها كل شيء، ومن الممكن أن يفعل من أجلها أي شيء.. سوى تركها لآدم.

ولكنها مزقت قلبه في ليلة عندما نظرت له وبكت ثم قالت: أنت خلاص هتسافر وهتسيني وأنا هارجع الدار تاني.

وعندئذ تصدع قلب عاصم على حالها وحاله ثم أغمض عينيه وقال وهو متماسك: متقلقيش يا نور أنا هارجعلك تاني.

نظرت له نور بعين تملأها الدموع.

وقالت له: ما أنت قولت لي كده زمان ومرجعتش.

عاصم: بس أنا دلوقتي غير زمان، أنا دلوقتي أعرف أنصرف لوحدي، وصدقيني هرجعلك بسرعة، هخلص بس فض الشركة من هناك وهرجع ابتدي هنا.

نور: أنا مش هنسى أبدًا جو العيلة إلهي أول مرة أحس بيه معاكو، مش هنسى أسبوع الحرية إلهي عيشته معاكو، مش هنسى ريحة السرير

إللي نمت عليه، مش هنسى راحتي وأنا بتصرف بحرية، مش هنسى خروجي معاكو وإحساسي بالناس والحياة إللي بره.

عاصم مقاطعًا: خلاص يا نور متقطعيش فيا أرجو كي.

نور وهى تجفف دموعها: خلاص يا عاصم متقلقش، أنا كويسة، أنا بس كان جوايا شوية وجع وفضفضت بيهم.

عاصم: طيب يلا قومي حضري شنطتك.

ابتسمت نور ابتسامة حزن وقالت له: متقلقش يا عاصم أنا شنطتي محضراها من تاني يوم من بعد إنت ما ساعدتني إني أحطهم في الدولاب؛ خُفت أعود نفسي عالحرية فشيلتهم تاني في الشنطة علشان مساعداش نفسي إنها تحلم بحاجة مش هتتحقق.

لم يستطع عاصم الرد عليها حيث ربت على كتفها وقال لها: طيب قومي يا نور من قعدتك ديه واغسلي وشك وفوقي كده.

قامت ببطء وتحركت بهدوء ناحية الحمام، بينما وقف عاصم يراقبها، ويفكر في أي شيء يجعلها مطمئنة من عودته مرة أخرى.

دخلت نور غرفتها واتصلت بآدم.

آدم: نور حياتي.. عاملة إيه؟

نور بصوت متحشرج: الحمد لله.

آدم بلهفة: مالك يا نور فيكي إيه؟

انفجرت نور من البكاء وقالت له: أنا تعبانة أوي يا توعم روحي، وماحدث هيحس بيا إلا إنت.

آدم بقلق عليها: اهدي يا نور وقولي لي مالك.

نور: إنت سببت الدار ومشيت، وعاصم هو كمان ماشي وجو البيت والحرية ودفا العيلة خلاص مش هحس بيهم تاني.
أشفق آدم على حالها وقال لها: اهدي يا نور وقومي اتوضي وصلي، وأنا هاجي الصبح علشان أكون معاكي وإنتي بتوصليهم.
نور: حاضر.

- حاضر ماتقلقيش يا ياسمين.. هاخلي بالي من نفسي.
جملة قالتها نور لياسمين في اليوم التالي وياسمين في طريقها للسفر.

ثم قالت لها ياسمين: وصدقيني أنا استفدت منك، واتعلمت منك كتير كفاية إن بسببك اتغيرت معاملة حسام معايا.
نور ابتسمت ولم تقو على الكلام بينما قالت لها سارة: باي.
دون أن تمد يدها وتصافحها، ثم اقترب منها حسام ووضع رأسها بين كفيه وقبل جبينها وقال: سلام يا بنت عمي ومتقلقيش عاصم هيرجعلك بسرعة وأنا هرجع معاه أصل بصراحة إنتي خلّيتيني أحس في الأسبوع ده إنني ماكونتش عايش، وإن العيشة في بلدي مع ولاد بلدي أحسن بكثير، عالاقل عرفت يعني إيه أخلاق وقيم وحب.
عجزت نور عن الكلام.

ابتعد حسام عنها بسرعة لأنه لا يستطيع التحكم في حزنه حيال هذه اللحظات، ثم اقترب من آدم وصافحه وقال لآدم: لو قولت أي كلام مش هعرف أوفيك حقك، بس إللي أقدر أقولهولك: أنا متشكر ليك أوي على تربيتك لبنت عمي، وحقيقي ونعم التربية، أنا نفسي

اتعلمت منك كثير .

ربت آدم على كتفه بحنان أخ كبير: مشكرنيش على تربيتي
لأختي ده واجب عليا مش محتاج شكر عليه، وبعدين أنا ربيت نور
لإنها تهمني سواء كانت بنت عمك أو قريبة أي حد، أنا إللي يهمني هي
نور قبل أي حاجة.

حسام: تسلّم يا آدم.

اقترب عاصم من نور التي لم تستطع التحكم في دموعها؛ لأنها
لا تهوى لحظات الوداع.
عاصم مد يده وأدار وجهها، وحنان قال لها: بتبعدي وشك ليه
يا نور؟ مش عايزة تشوفيني.

نور ولا زال وجهها مرفوعاً بيد عاصم.. أغمضت عينيهما وبحزن
قالت له: أصل مش عايزة أشوف نفس الموقف إللي شوفته معاك زمان؛
علشان أحس بأمل جديد إنك ممكن ترجع تاني وأعيش وسطكو تاني.
عاصم بقلب موجوع: طالما بتقولي كده يبقى معنديش ثقة في
كلامي.

نور: أتمنى إنك متغيرش ثقتي يا عاصم.

اقترب منها عاصم وقبل جبينها دون أن ينطق أي كلمة.

إنّتي أنفاسي ونبض قلبي
إنّتي عشقي وأمنيّاتي
أنا بكّي ومعكّي أحيا فلا فراق بيننا
ولا الرحيل سينهي حكايتنا

لأنك أنتي أصل الحكاية
فكيف لي أن أنهي حكايتي
وأنتي سبب حكايتي
أحبك وسأظل أحبك
يا من نقشتي اسمك بجدار صدري
وزرعتي البسمة على شفاهي

اقترب عاصم من آدم ووقف مرة أخرى وجهًا لوجه كالأسدين،
ويعيون متحدية بدأ عاصم الكلام وقال له: أنا هسافر وأنا مطمئن على
نور علشان هي معاك، ومش هعرف أشكرك ازاي، وكمان مش عايزك
تزعل مني من أي تصرف بايخ أو كلمة صدرت مني ضايقتك، بس أكيد
إنت راجل وهتحس بياللي جوايا.
آدم: أكيد حاسس وفاهم.

عاصم: طيب عايزني أجدد الوعد معاك يا آدم ولا إيه؟
كاد آدم أن يقول له: حلني من الوعد ده إللي حرمني إني أعيش
الحب الوحيد في حياتي، وبرغم ذلك ضغط على قلبه وقال له متقلقش
يا عاصم، إللي بينا لسه بينا، بس أنا لي رأي تاني نفسي تحطه في
اعتبارك.

عاصم باستفهام: قول يا آدم أنا سامعك.

آدم: حط لمشاعر نور اهتمام وخليها في اعتبارك.

عاصم بقلق من كلمته: مش فاهمك.

آدم: خلاص اعتبرني مقولتش حاجة.

عاصم: خلاص يا آدم هعتبر كأني مسمعتش حاجة، بس خلي بالك أنا راجع بسرعة علشان أتجوز نور.. يا ريتك بقى ترتب حياتك من غيرها.. أنا ماشي وعائز أسمع إن الكلام ده من راجل لراجل.

آدم بحزن: متقلقش يا عاصم، كلامك من راجل لراجل بس متحاولش إنك تاخذها وتساfer، خليك معاها هنا لأن نور مش هتعرف تعيش بره؛ لأنها مش بتعرف تواجه الحياة وهي في بلدها فما بالك ببره. عاصم بنخبث: مهني مش هتكون لوحدها؛ هي هتكون معايا وبعدين محدش بيسيب لحمه بعيد عنه وخاصة لو كانت نور.

اضطر آدم أن يمد له يده ويصافحه لكي ينهي هذا الحوار القاسي الذي لم يتحملة قلبه.

غادر عاصم وحسام، وسارت نور مع آدم وتفرق الأربعة. سافر عاصم وفي قرارة نفسه أشياء كثيرة سيبدأها بينما اقترب آدم من نور لعله يأنس برائحتها ونفسها التي شعر أنه سيفقددهما عما قريب، أما نور فسارت بجوار آدم فرحة لعودتها مرة أخرى لدفء صدره، تحتضنه كما كانت تحتضنه أيام طفولتها تلك الطفولة التي تتشابه مع فترة صباها التي تختبئ خلف ستائر المجهول الذي لا يعلمه إلا الله.

تمت

اترى الجزء الاول

وتبقى التساؤلات؟؟؟؟؟؟؟؟

- يا ترى عاصم هيرجع تاني ولا هينسى نور.
 - طيب لو عاصم رجع يا ترى هيتجوزها ويبعدها عن آدم.
 - هل الدنيا لسه مخيبة كتير لنور، ويا ترى آدم ممكن يفكر في واحدة غيرها.
 - طيب حياة نور و آدم وعاصم كمان هتكون شكلها إيه لو اتجوزها عاصم وهو عارف إنها بتحب آدم و آدم بيحبها.
 - يا ترى آدم هيحافظ على وعده مع عاصم ولا الأيام ممكن تجبره على حاجات ملوش يد فيها.
 - طيب يا ترى نور هتقدر تواجه الحياة لوحدها بعيدا عن عاصم و آدم، وهتخرج من جلبابهم هما الاتنين.
- عايزة توقعاتكم

